

蠡蠡集序

諺曰相馬失

之瘦

相士失

之貧

之貧

余讀浮丘生所為蠡蠡集蓋

為之壙恨淒楚云夫生馳心

玄邈玩情典墳道入先秦漢

天尉咀其膾而嚼其裁假令

較天祿石渠其所制作豈不燭



然流光直追古昔而乃幽愁  
促迫身且不容桎梏拘囚白日  
不照袋與盜賊臧獲駢首而  
戮悲夫及觀獄中諸所上書  
所為諸賦激烈悲愴又有古  
先秦漢策士之風何其雋也  
何其雋也昔卞和氏得璞獻

之楚文王以示玉人曰石也則其左  
足復以獻楚武王玉人曰石也則  
其右足和抱璞泣王都門絕之  
以血乃剖之果良玉也君子謂卞  
和氏也智毀其足而存玉生置  
極刑入之復出之既又出之視卞和  
之刑何辜乃忘朝夕之命方且

筮簧屈宋馳驅班馬此泚所謂  
毀足存玉者邪然聞易牙初  
干齊桓公也飭土釧調太宰  
齊名怒而噉之為之孺熊蹯  
炙薄者薦山梁之餐割豢豹  
之胎齊君甘焉為封萬家之  
邑晉平公始御師曠章英壘

奏韶漢齊鳴晉侯左老視弗  
能竟也變為激流羽商綴宣  
鄭衛揚此里紹陽阿晉侯按  
節歎曰天下之良工也夫易牙  
師曠非闇於前而智於後也  
性按於所隨而技變於所嗜也  
今天下平之為齊桓晉平也豈

步武生幸見天日余續生所為  
蠖蟻集益為之曠恨淒楚竊  
恐生終其身出愁但迫始又甚也  
然君子寧齊桓之不中不能為  
易牙之變味寧晉平之不諧不  
能為師曠之變聲何則情志  
通於廖廓不可以世俗移也生

不遇陸五臺先生夢悲生  
之骨不足以當鉄鑽而生之頸  
不足以膏白刃也乃幸得遇  
公之拘囚之中登之詞執之秋  
荒且白首獲與屈宋班馬挺口  
而立荷戈而趨即為齊桓晉  
平所笑而獲固已多矣終其身

幽愁但迫夫又何傷也余極待  
好古而未之能見浮丘生所為  
以是既悲之又復喜而著之  
賜進士出身奉政大夫南京光祿  
寺少卿前南京吏部考功清吏  
司郎中豫章萬恭讓

蟻蠓集自序

蟻蠓者何醯雞也集何以謂之醯  
雞郭璞謂醯雞細質方群飛亦  
蚊蚋屬也夫蚊蚋貪嗜臭敗逐  
溷廁嘔咀人一障惡之醯雞則入室

窠窠幸於我既歡糟糲而甘芳酸  
飛則叢薨止不渝啖此非潔於自

奉而介於自守者與其於蚊蚋侵  
穢彊噉者為何如此其蟻蠹也夫  
而柝質蠶材驚託跡兩間殆夫桑  
之於林益之於海也竊居蓬茨藜  
藿彌年善屬紳先生之交羗牧  
侯伯之遇舉則一丘多則自保此夫  
人之蟻蠹哉嘉靖壬寅柝以事繫

狴貫三木圜陰室待 國家典刑  
裴憤枿懷問者泚詞柝不敢令人  
見反復侃誦尋痛愍而焚毀之  
夫蟻蠹之隘也吮惟蛛從根其  
音而暗者何以異此是昭類之  
至也夫蚊蚋狡汙柝所弗屑蟻蠹  
維微柝不敢自外焉視其類也嗟

嘑鷹化而鳩雉流而蜃腐等而螢  
吞龜鬪魚鬪皆有所化若蟻蟻稱死  
益驪女獨不知其化者何也此豈  
造物爲於後類而寓於蟻蟻也耶  
目據錄舊作弄微蒼文若干  
騷賦若干首集體詩若干首  
成樂志命其集曰蟻蟻

山音

嘉靖癸卯春三月朔六日黎陽

盧柟撰

錢蒙集目錄



卷之一

書

上魏安峰明府辯冤書

答王鳳洲郎中書

上李東岡推府書

與陳一泉外翰書

上郝南峰吏部書

與陳龍泉大理書



上吳少槐吏部書

上張駝山侍御書

與耿忠菴進士書

上晁春陵內翰書

與孟龍川書

與王鳳洲郎中書

與申洹野書

再上李東岡書

卷之二

啓

為濬諸生留賢令陸侯啓

記

滕王閣圖記

世義堂記

序

贈郭增序

贈劉丞赴興州經歷序

贈楊生序

贈常翁就舉鄉飲禮序

贈李伍巖遊太學序

贈陸侯擢官留都祠部序

送高少尹致政西歸序

折衝卷後序

為孫兩生贈張山擢曹郎序

善政實錄序

碑

濟邑石侯碑

滑令張侯碑

滑縣東城門見山樓碑

檄

大名夫守移州郡讓農檄

對

對衛大夫問

傳

申氏傳

讚

張公讚

辭

故濬尉靜菴蔣公哀辭

誄

滑尹張壚山祖妣哀誄

祭文

祭李復齋郎申文

祭晁次山翰林文

卷之三

賦

幽鞠賦有序

放格賦

借鑒賦

秋賦

天目山賦為孝豐封君南山吳公作

真德賦

壽成臯王賦

懷隱賦

秦宇賦 為孫滑縣作

水亭賦

崑崙山人賦

嶺崑山賦 并序

嵩陽賦 為汝南劉嵩陽作

梁苑僂人賦 有序

滄溟賦 有序

嘉禾樓賦 有序

雲濱賦 并序

遂虛賦

廣招隱賦

龍池賦 并序

夢洲賦

九騷并序

卷之四

四言古詩

懲咎詩 并啓一首 上大名張太守 劄西

吳吏部少槐李翰林東岡

雜興五首

五言古詩

敘隱五首

雜詩七首

贈盧潭城二首

奉和王大伾侍御賦雞冠花有命輒和

一首

贈道士

太子洗馬童公內方扈蹕詔陵有命輒

作

孟龍川許送芸香不至走索兼以詩寄

王大岷草堂五首并序

繫獄敬呈王大伾侍御李復齋工部文

六十韻

贈胡公八觀

贈故大同府節判魏張公祝八祠七十

韻

酬謝逸人四溟三首并序

讀謝明濱明水寺詩慨然有契奉寄二首

重贈李子埋

送華從化省謁還章丘兼呈東魯諸公

二首

奉懷謝少谿侍御遷浙江憲副

贈友人歸別

奉寄河東荀侍御小川三首

秋日寄上晁春陵內翰五首

孟龍川自京師旋為余言秋部李滄溟聞冤慨然有脫囚之志因作詩四首寄上

聞張駝山侍御巡按甘肅比歲嘗還敬以此寄上

獄夜書愁敬呈吳少槐吏部

書柳川弟壁二首

送張壚山明府轉陞戶部五首

書懷投李篁臺外博

秋日奉別王元義比部詳刑還京四首  
奉贈李干鱗憲副之陝西三首

贈子青三首

送顧聖少遊楚時余將往金陵三首

宿燕門山夜懷王龍池別駕有詩未就

因追之以此

遠金陵登魏武讀書臺奉別李覺齋丈

寓譙郡宿魏武臺下贈羅汝龍

別李希賢

贈紹易殿下二首

冬夜汪北津郎中過濬索詩因以此贈

過內黃宿圓上人講堂兼呈張沅洲太

守

冬日獵射畢同艾瑞泉從子擢挈酒藉

草坐飲醉後作此

讀史

秋晚赴井汲水採野蔬供飯

雙唐賈客詞

贈董明府迎侍四首

喜艾子紹生子作此

題王龍池彭籤圖兼壽其嶽東谷

寓目水石藤樹人物

陪成皋王太虛觀齋居感鶴至

鄴下贈吳山人聞官軍與倭戰不利

送吳東原還蕪門

重寄內二首

七言古詩

奉答楊六坡推府隱居見贈并序

秋夜望雲旅懷

贈別李性菴還任立

送崔秀才南還

長歌送王翰林吁山遠保定

贈別南田楊子還晉石并序

留別馮少洲進士

送友人南還

送人之塞上



贈孟龍川二首

五哀詩五首

保定兒留別

春日後贈王任菴五湖昆季

七夕

送醫友還山

九日寄孟龍川

寄謝遠人四溟二首

寄送員外南華

襄國飲鴛水野亭奉懷張壚山明府

贈李山人

贈張長公鳧壑五句四韻長公割股愈疾

再贈張雲谷

登西城嘉禾樓重送張壚山赴部

送李滄溟太守入覲

送陸明府夢洲入覲

雪霽後過周紫泉山堂

詔獄結後書情敬呈王龍池二府無致

謝意

羸女鳳圖

送郭侍御劍泉謫永安松栢園

春夜與吳山人飲穆前江宅招妓琵琶

不至

贈陸夢洲古琴兼以詩寄

卷之五

雜體詩

伏雨嘆三首

史平臺夜宴詞

苦寒吟

杜鵑行

快鵬行贈盧潭城宗弟

黃利黃謠

次童謠

嶺岷謠呈張嶺山明府

芒履謠

修武行贈李主簿

信陵亭行贈張慕史

臬府

出自薊北門行

前有樽酒行

子夜吳歌

古別離

懷仙歌五首

碣石篇

隴水西

涼州臬

怨歌行

枯魚篇

折揚柳

怨詩行

丁督護歌

少室行二首

東塘歌

寔墩有序

黃鵠為贈羅封君就養還萬安

相逢行

胡鷹渡海來篇

閻闔篇

五言排律

甲辰歲張郡伯鄧西如覲京師其母太

夫人出中饋給因因感激述懷作五

十韻以謝

暮秋承華主簿竹川饋飯奉謝凡三十

五韻

七言排律

鼎華大饌飯

五言律詩

山居

浮丘院壁

大名故城

過邯鄲作

送友人入秦一首

正張鄭孟明府三首

喜得釋獄消息

即事

戲寄孟龍州

送張壚山還蜀

喜還舊業草堂

登天臺山有感兼呈張壚山

眼闕口號上張鄭西明府兼呈吳少槐

吏部李東岡翰林二首

聞吳吏部少槐哀僕乏嗣飭內入獄侍

湯藥四首

冬夜遣悶三首呈吳少槐吏部

哭董縣丞練

初月

示外弟陳可

送劉少尹赴興州經歷三首

秋夜奉懷王鳳洲比部

寄上徐龍灣比部

贈王少府封君水亭

贈王龍池別駕

夏日同王太<sub>二</sub>丞董右坡張壚山陸夢洲  
孟龍川登大<sub>三</sub>徑山覽黃河故道得温  
字

西巖

題楊太尉揮金幅障

畫葡萄

贈謝山人四溟

遊咸皋王城南園見水石魚艇

七言律詩

出塞

慈壽宮

浮丘精舍

書長春觀二齋

贈李金吾口號

七夕

挽楊太坡樞府

除夜寓太倉寄孟龍川

古意

贈關中陳一泉廣文二首

憶昔寄錢同野弟

宿沙口贈主北沙二律

九日奉懷謝四慎逸人兼翫往日見寄

之什

奉和王大廷待御題周紫泉東山草堂

二律

震岡集留別

秋日懷錢同野

選林越山廣文之石城尹三首

贈徐少尹

赴理大名道中感李有池惠粟之作

聞比部李滄溟出守順德書此寄上

立春前夜宴張壚山明府宅

醉後射魚宿羅山人草堂

觀妓即席走筆

舊黃河道中有懷張嶺山明府

贈羅月巖推府迎侍還萬安二首

春晚將還舊業諸公送遠獨方來雲以

病不至作此留別

登南城樓有感兼懷荀前川

五言絕句

山西五首

二首

寄高貞菴明府二首

七言絕句

別冀康川進士口號

長春觀二首

青樓詞

雲中曲八首

戲贈于山泉

贈衛川居士

送王盱山還保定

秋興湯成六首



衛河漲四首

寄孟龍川絕句

西山集宴

對勘呈吳少槐吏部

獄夜

聞華從化誦李中林鹿樂府詞有憶寄上

四首

謝華竹川酒穀二首

宿沙河值雪同蔡百戶作此

丁未夢中遊玉西軒園作是歲十一月

二十日獄吏譚遵令獄卒蔡賢答桺

數百謀以土裹廳殺之官覺之免

憶內

贈內二首

內寄衣

與張山人雲谷對飲言別

代邊騎

訪海月上人不遇

蛟螭集目錄終

蛟螭集卷之一



黎陽盧 柏次 撰著

同邑孟華平明瑞校

長清張其忠伯蓋梓

書

上魏安峰明府辯冤書

古者大夫士志行不通於上則盡於書以列其

情要其竄顯者則李斯盡秦蘓秦鄒衍田需張

儀盡六國司馬相如卜式鼂錯徐樂枚乘主父

偃盡漢韓愈柳子厚張籍李翱盡唐司馬光王  
安石蘇洵軾轍歐陽修盡宋雜游說兼道藝窮  
於布衣側微之辭而後下之人得以抒其慮上  
之入感切於諷直之說於以納其忠而弗之罪  
焉則夫書之宣上下通貴賤也於古有是夫雖  
然幸而處常徵諸言載之書可以達天子不辜  
而值變身桎梏之刑待缺鉞之誅徒嘔心血筆  
而書之不足以達士庶人何者彼其天壤之相  
違居養之相異囊首赭衣之徒固不足以動人

之耳目也今天下公卿士大夫自宰相而下與  
天子持議論相可否乘朱輪而插貂蟬紆金紫  
而懷珠玉執天地之符而力侔造化者固不為  
少也而柙含冤幽室關鍵口舌不敢延頸而一  
鳴者何也伏枷鎖罹重瀆廁穢弗潔之囚誠不  
敢以書通竊又愆夫上之人不肯戢威解顏傾  
耳一聽死已者之論徒速血肉糜骨之禍爾夫  
鳥極則屬鳴獸極則走挺人窮則歸本嘯天禽  
之哀也於柙已甚安得頓走狂嘯祈霖而救塗

炭昂死一言於執事哉夫柵世家業農幼而讀書循章句以諸生受胡氏春秋餒屈宋之糟游司馬氏之濱窺跡於楊雄諸子之垣然志行狂簡言多激越時取譽屬為世人譏誚庚子歲二月中柵傭工人王隆左手病瘡甚柵謂隆曰汝之病殆不可事給汝直復若業何如隆曰諾請以張杲彊幹而多力者代僕柵曰然汝行遂歷試張杲為傭奴六月二十一日杲盜場麥柵聞之以昇司理杲遁宿孫潔場中食守場人

李現麪一在明日柵赴訴縣伊家乘大雨排房塌撲死旦日杲母魏氏駕訟邑侯蔣公曰盧柵毆伊男卒七月初五日蔣公獲閱杲屍則上齒關者六左脛裂凡可以致死者無不毒傷夫齒關則食難脛裂則行委自柵場至孫潔場連一里遠而被走且食此其齒與脛果得有益否也齒脛俱無恙而關而折果孰為之耶當是時柵具大刑對思不知所出蔣公亦不測杲體徧傷故相拷掠數百自朝至日是與法具伍嗚呼柵

以柔脆之膚而妃堅虐之刑液且何情而不嚙  
予骨肉而柵冰金石之固亦安能久於抗對也  
苟疾痛有聞雖赤族之禍然且不恤矣是月二  
十七日柵先母哭柵於野有婦人而持母曰母  
哀我張杲姪也我父杲林實知杲死而頽房驛  
壓焉杲林張杲又謂柵父曰杲之死也甚微而  
難言父窮之曰吳章者杲外林魏氏與章淫禁  
章不得娶而居其室杲之死夫二人者圖之房  
房頽壓非特霖雨使然也鄉昔齒關脛裂

毒傷者於茲可徵焉先人以姦慝之跡隱而具  
房撲之情於巡按樊公准辯飭大名甚問未及  
而按臨會審樊公謂在庭諸公曰王隆者盧柵  
雇工人也按文附致張杲作王隆傭人隆且為  
人傭張杲為傭人之傭耶夫王隆無恒產為盧  
柵業農即令張杲為若傭當業誰之農乎使杲  
果為隆傭則杲當在王隆場安得來盧柵場盜  
若麥耶且杲所撲交盧柵之麥所飲食盧柵之  
饋獨傭為王隆之傭名實眩矣法宜開蔣公不

然樊公曰凡士師可以生殺人有天子律令  
在律可殺吾不敢生律可生吾不敢死我所議  
盧柟同諸君奉天子律令爾我何敢私且魏  
氏原告詞謂盧柟令雇工人三隆覓張杲郭勇  
與柟傭工矣夫王隆一人爾杲覓工自代即當  
傭一人又安得雇張杲郭勇二人代一人耶况  
盧柟當時嘗給郭勇雇直錢勇既為王隆兼雇  
盧柟又安得給與王隆所傭人耶今不  
幸事變杲死遂作王隆傭人設使勇亦死則勇

即作王隆雇工而盧柟不得謂勇為雇工矣  
宜開蔣公語塞少開進曰盧柟既遣死請罰穀  
一千石破若家何如樊公默然蔣公趨翼進將  
言憲副張公目蔣公退同知崔公履推府朱公  
之跗朱公耐真定理刑趙公謂蔣公曰是不可  
死先生何苦托人蔣公稍就位樊公指柟原法  
曰彼罪案既若是而蔣令寘之死予當奈法何  
僉曰稱律令於是下柟大名守什公飭滑縣劉  
公覆勘劉公者又蔣之同年生竄舊執也相持

詞議定而後出謂房撲為妄告擬柙以家長毆  
雇工人至死應徒律量罰穀千石其傍引鯨鯢  
兇噬之惡無損於蔣公焉以呈察院二十年正  
月內詳允發諸犯的決贖罪暨柙各寗業所議  
穀千石直以為非法令免惟皂隸李祿未詣官  
照出亦擬不應詳代樊公巡按殷公允其詳而  
獄由是勦矣柙居家未踰旬而先人終距六十  
日而先母卒踰年而兩子死一女三夫柙出獄  
瘡痍未洒即繼之以天崩地隕之變而動其心

之慘奈何天命寗極若是哉先是蔣公董獄  
當先刑者五人曰盧柙曰袁濟曰馬氏曰呂敖  
曰侯宗儒然皆寗誣而無實以故獄詞雖備而  
率不服是故樊公首質柙薄其罪暨殷公按麗  
則四人者咸稱寗蔣公愬諸公救之以柙為口  
實解殷公問蔣公曰盧柙何如蔣公具疏進復  
組織柙宛若昔之語樊公者益誣由是殷公釋  
袁濟馬氏而復問呂敖侯宗儒尋亦開去獨執  
柙於喪械送大名守張公公知柙之寗哀隱悼

惜之不足而議捕抵死此固因察院之成命非  
張公好殺之本心也明年柟奏辯復行張公問  
得其情供張杲實柟傭人而仍以原擬若曰仍  
原擬則法不病作傭人則不沒其實而典刑緩  
且歸柄於察院也是年翁公按臨弗原明年籍  
復奏辯行張公時巡按胡公會審而張公前吏  
部郎中通判吳公前吏科都給事中推府李公  
悉直柟為証胡公執先定之辭據紙獨與柟對  
若仇佐証卒不及一詞及柟補寬出憲副喬公

作而言曰是情寔可矜胡公曰此卒不可殺終  
當與某囚同例減死爾姑待仍擬張公退而歎  
曰諸公衮枉非不力救然所能者人也其所不  
能者天也於是悉取諸逮事者徵問前卷傍引  
鯨鯢兇噬之惡嘗笞某六七十者皆虛偽無  
驗正去之獨張杲案如胡公議於戲柟內省自  
齧齧之年以及今繫獄之日柟始讀書不過為  
狂瞽之文瀆君子視聽未嘗附會官府行無賴  
作梧克又素惡商賈行坐之事於市井挾劍雄



酒豪俠之徒固未嘗啣盃酒接慙慙同濟凶淫之惡悞長老而忤王法也獨好佃儻恢曠之行嗜殊調好觀古人奇節然未敢踰大闕為名教眾人府縣無告訐之辭而六曹無文券之驗夫所謂恃豪放恣險惡憑陵暴橫於一時被濬人固寬厚有容者亦安能甘蹈患害上下無一詞戮摘必待張杲之獄而後暴白哉且張公決獄明公而少貸使柎果負大惡如前卷云々則六安肯薄正而去之俾又案不符於察院會審文

何為汲々解暴令柎無死若是哉夫前卷錮侯扁之以紙羞鎔金鐵之精貫重關之鍵而牢不可破幸而巡按樊公開示覩縷動引天子律令平反是非一人之私恩得以紊典刑而掩日月也且柎應擬徒眾贖穀四十五石而倉有收也魏氏領葬杲屍有狀也柎領杲原貯庫所盜麥并袋有案也夫李祿詳所載皆柎已開原跡二十年四月內殷公允之有徵也是皆藏諸司吏有考也柎寧業居喪一年是亦齊民矣固冰

遂刑掣鑠之後越有司而警方收之人也讎家  
無告佐見無告公正之民無告劫發陰私狡猾  
懷悍之後俱無告夫執柵時允李祿詳日期  
然且八月遂矣然而察院至是復悔其允曰盧  
柵招詳朦朧收寘之死夫招詳果朦朧耶前李  
祿招詳何不駁勘果冰朦朧耶願復執柵抵法  
由是言之前後翻覆多失其據而柵安得無寘  
誣於其中哉始柵為諸公原宥前已歷陳惡有  
察院之嚴諸公之明而為是朦朧招詳哉惡有

市井輿情之地而柵敢以招詳朦朧居之哉惡  
有三代直道之民容是招詳朦朧之人油然  
處之而無所異哉昔有好生者贖狐兔麋鹿而  
放諸郊獵者邀之則急走狂呼以救其死嗟夫  
人放禽獸則不忍邀今樊公既放柵於野人又  
從而招之是非愛物之心重且長而仁民之心  
輕且短與夫張杲一人也在前卷為王隆雇工  
樊公為盧柵雇工殷公復作王隆雇工及柵奏  
辯張公詢得其情仍作盧柵雇工而翁公復改

作王隆雇工夫古天吏殺人也左右皆曰可殺  
勿聽諸大夫皆曰可殺勿聽國人皆曰可殺信  
矣而未敢也然猶察之見可殺焉而後殺之今  
桀之獄朝一人曰可殺暮一人曰否暮一人曰  
可殺朝一人曰否夫所謂可否者纔一人之辭  
耳設使舍己之見平其心氣推而問諸左右諸  
大夫國人則其可否豈特一人朝暮所謂哉雖  
然可否無定者謂之疑獄王制曰疑獄記詢衆  
議赦之又曰附從輕赦送重書曰與其殺不辜

寧失不經呂刑曰五刑之疑有赦五罰之疑有  
赦周官司刺掌赦宥之灋夫古之聖人思其心  
未嘗殺人因民遠善而通惡故著為法今以馭  
之夫刑凶器也擅意快殺者入人易深而聖人  
有憂焉於是垂法於經若易之解曰雷雨解君  
子以赦過宥罪皐陶之戒舜曰欽哉欽哉惟刑  
之恤哉我明太祖創制立刑於律首為橫圖薄  
刑具著大誥減等又五年勅刑部恤刑於  
疑而可矜者察小大之比以宥之此其仁民好

生之意與王制易書周官之法相流通今柵無  
辜之獄非止於疑而已也何獨不被聖王欽恤  
赦宥之仁罹此網羅繩鉗之屬哉夫察院諸公  
堅不原問是泚不知柵為寃抑真以為死而殺  
之也蓋譴補既成每執政出都仇者從而攻之  
而柵名曰監生訊者謂柵泚豪右則守錢虜子  
爾蓋不知柵以中民之產積獄數年悉質費無  
餘而先人二樞暴於人野場中寘妻無嗣託食  
於親厚故人已閱二載矣艱苦萬倍不能一宣

上卒以虞涉之嫌而下無解縣之日此大道之  
公不行於一夫而柵飲恨待斃所以積淹於獄  
也夫孰肯正明王之法忘小嫌之私挺已抗救  
於汨沒無報之人哉昔者柵歷大名府獄濬獄  
元城獄會諸解繫徒錄遠六七百里近比各府  
州縣獄其弊無大相遠而莫以明是故敝訟之  
政荒園土之教衰雖使蘓公召伯日訊於庭於  
國家基本萬一無所裨益焉請詳言之夫三代  
而下禮樂教化之不行凡可以驅天下之勢者

畏而已矣是故上而畏天子下而畏方伯連帥  
其次畏府州縣牧之諸侯其次畏皂役羣小夫  
畏天子則天下治畏方伯連帥則方嶽平畏府  
州縣牧之諸侯則丘井安畏皂役羣小則民無  
所措手足而冤苦病夫獄物之深密者也周禮  
大司寇用獄聚教罷民凡害人者寘之獄各施  
執事以明刑恥之今之治獄則不然晝則聯絀  
而居拳桎而食呻吟悲號相靡於棘垣之下入  
夜則是連繫項重鉗肢脇受縛三縶髮引層閉

之半筋脉急張血肉反攻而疾痛不勝噤守者  
撫之弗聽則榜楚有加矣將死一人預以病嘗  
之有司有司曰可造而殺之曰某官殺汝也此  
我也夫死者未病而嘗有司以病者何也曰殺  
之慘一召憐之故有五凡無賄而通者殺多餉  
不分者殺記守者之過殺爲富者復讎殺見利  
弗予者殺夫官有察吏有稽彼恣殺而弗顧然  
且不覺者有故也未殺譖溢惡之言於吏既殺  
示顯梟之威於囚囚懇無露言吏忌無貴政是

故恣殺之計行有司弗覺矣由是待罪之民輕  
天子而弗畏輕方伯連帥而弗畏輕府州縣牧  
之諸侯而弗畏惟皂役羣小是畏嗟乎天子方  
伯連帥府州縣牧之諸侯所以治皂役羣小也  
於其治皂役羣小者弗之畏顧畏其所治者則  
是驅天下之勢不在乎上在乎皂役羣小也豈  
是百姓無所措手足而寃苦病府州縣牧諸侯  
之政蠶而丘井危方伯連帥之令廢而方伯  
天子雍虛器於上而禮樂征伐不行於下

下壞亂不可救矣雖然柵聞之君子曰有治人  
無治法孔子曰君子之德風小人之德草草上  
之風必偃是故商君治酷而民尚急文帝好寬  
而諸吏多長者今執事治濬兩河雞犬之民不  
下十萬戶而囹圄無人執事好生之德可知矣  
是故吏禁之屬無夙弊如前所陳者是非彼能  
無私心人讀書而體臯陶之德也良由執事寬  
仁之政流通於濬彼自不敢為酷民耳或曰獄  
重地宜謹嚴汝負大臯而云々若是將有以自

解與夫柙聞古之賢者不幸善居獄而速死之  
救有三君子不由焉忌盜賊之今雜卑汙之行  
喪其所有而日與囚化者命之曰湑獄乘隙竊  
免亡其身以及其親命之曰遁獄劫天典隳王  
法挈挺決出自分必死鬪城守而殺禁戒命之  
曰叛獄嗟乎善人不入獄夫獄所以待小人也  
吾惟不知務而輕用吾身吾是以久獄不知命  
焉乃今不能控訴自明復為湑獄遁獄叛獄蹈  
速死之救悲哉甚矣吾之自惑也昔君子黃霸

在獄授經曰朝聞道夕死可矣以故李固杜喬  
孔文舉蔡邕皆世之大儒卒以獄死然君子之  
名縣於霄漢矣柙志疎而才狹視古人若丘蛭  
之目龜螭羆羆也乃竊嗜好為文賦數百篇詩  
幾千數十百首雖不足傳苟得速脫桎梏而好  
事者或取焉奈何不以古人自附而固流俗於  
湑獄遁獄叛獄速死之輩哉昔先人治土地若  
干畝自柙下理後悉賣之豪家而約劑者又竊  
與之通弊減畝數私價直凡先人諸故物無不

私市於人甚則拆房室伐樹木鄉人無賴效之  
一切施其不法又徭役甚煩柵以貧窶得群里  
長窘辱夫柵待死罪無兄弟子嗣之續即有井  
臼婦彼獨宴處閨闈不過一書生妻爾又焉能  
知庶務應外事與豪詰崛彊之徒相抗唇舌往  
年執事均賦柵以中上哀下下又諸差役悉憫  
痛省覆此非執事知柵貧苦如上所云又安得  
霖雨之澤需然若是哉噫嘻柵事已矣唯獄中  
無他事令勞思愁苦之外則讀書日明於道矣

延旦今之命為死爾爾者為柵申寃枉之情解  
塗炭之苗覆柵之妻女母為鄉里暴客之資為  
版籍窮民此執事之恩也當道之責也柵何敢  
預焉伏惟執事裁察

答王鳳洲郎中書

七月初十日本縣遣使捧檄齎牛酒腆禮并諭  
教遺柵家柵唯皇風既遠充氣載竭箕頤之後  
世絕幽響故雖西漢玄纁蒼璧時加丘壑而大  
名之士往負揭取誦後世易曰束帛養貴



於丘園丘園之美何可易言也柎槁融之餘已  
蒙大君子渥澤復起為人今又施曠代之典於  
胥靡之民叨天之秩竊地之懿回惶中惑實益  
厚顏比又讀執事所諭鸞龍奮鬣五綵炫爛飄  
飄然若凌風御虛絕無纖塏四視寰中纖翰語  
真若竊帝壤以堙洪水絕何不償且瀆也執事  
邁天人之美操宗匠之器與李于鱗宗子相諾  
公雄據常視荷獵即中原揚馬應劉接軫橫鶩未  
嘗不喪精奪氣偃伏旗鼓也柎方卷舌脅息擯

投不暇若執事云々何敢僭預獨所懷者柎素  
嘗歷諸郡邑多誣枉如柎文綴不可反者甚多  
執事銜上命察寬抑拯拯焚溺於斯人獨無  
加意乎執記曰附送輕赦從重唯執事念之鄙  
作詩賦謹裝六冊呈上拙文數卷未及繕完容  
嗣班文幕適聞旌旆告遠而柎又有秣陵之行  
故耳秋霽方採藜藿併食偃卧無餘多談柎又  
頌首頌首

上李東岡推府書

神不佞不能奉先王之教違孔子之訓以奸時  
聖之典速繫濬獄三年迷惑頓踣殊苦萬狀冤  
頸縮喙不敢長鳴而自陳此冰堯舜兼濟之病  
天地之大遺於果羸螟蛉之細也抑柟自察材  
質卑微朴扶藁木之間恐不能盡白柟之所以  
待眾之理又不足感執事推亮憫裁之化賈山  
曰雷霆之所擊無不摧折者執事之威甚於雷  
霆震悚惕厲萬不獲已略抒固陋沒死上千幸  
加惠憐聽垂察焉柟聞春秋之義自誅討亂賊



禁鬱為八情夏之階特以復讎為重複讎之義非尋常世俗尊食豆羹之怒詈罵睚眦之怨瞋目按劍曼胡血纓命氣相高也孔子曰父母之讎寢苦枕戈弗與共天下也遇諸市朝不反兵而聞檀弓曰喪不慮居毀不危身曰毀不危身為無後也非謂食美衣錦察音樂之比長天子孫樂妻孥以供宴安也公儀仲子之喪舍其孫而立其子孔子曰否立孫重嫡子之建延宗廟血食之祀縣本始之義爾孝經曰立身行道揚名

於後世以顯父母孝之終也夫仁者踐誼身者  
不必死節智者不汨名若徒效小廉死小恥快  
一劍之奮行弗顧後令聞廣譽不加於天下  
父母之稱此匹夫自縊於溝壑之事少有速慮  
圖大者不為矣詩曰哀我填寘宜岸宜獄  
出卜自何能穀夫寘身狂狴之中狹聖鑑之小  
從一死不返之諒孝子不為也曩者捕六不  
質寘聞道之資觸司寇之刑囚幽園室之內  
人赴訴御史臺下聽之問諸監司曰免問詳

令曰免問諸讐正曰免夫然後稱律令出柙於  
死沒之編氓之籍越明年結獄始歸侍先人寢  
食几杖先人又不留家居適淇門別業今暮夜  
而盜賊興矣鉏耰登之大屋干戈擾於塙塘白  
刃之虐若於平樓先人縣繩及堞隊則賊藉之  
戟鋌伺之鉤鏃一夫內噓羣響沸應絕雞犬振  
簷瓦先人以七十之年降而蘓登者三杪乃氣  
力疲憊謂庶母曰孤兒始隤患難我有長苦積  
恨於異日者不與之語乃今父子不相見天虜

命也賤薄滋益甚請幣不可請貨不可請降自  
今裁不可賊突登戕先人沒悲夫誰能無父而  
死何先人令其子不忍言之若是也時告諸縣  
邑賊已出境有懷慶為之亢陽武為之墟封丘  
延津大河之曲為之堂隩烏合蟻聚之衆斬木  
梠于大嘯於淇衛之郊時蔣公蒞政不甯發一  
夫掣白挺以逐之柵家貧新廬又無財賄雇熊  
羆之士誰肯不待教命為柵出死力窮誅越人  
之寇哉即有鄉曲之民哀柵無告者捕之絕得

蜂蠶於積閏奇劫之間封豕虺蛇凶噬之惡固  
已投跡草木依山澤肆然無忌而誰可郡縣矣  
柵輿求父屍歸之寢則官府有憎惡之不祥城  
守有捍拒之嚴陳哀暴棺於郭門之垤猶及今  
未成葬也當是時夫豈不能告諸天子請諸方  
伯連帥也然多狼顧之患憇滅門之禍其事本  
末未易明也所以沒齒關口而不敢言唯我執  
事明睿遠照深察而悉之者也願執事熟思加  
痛少裁焉是年先母悼先人之故垂白髮哭泣

不飲食距父函六十日亦殞柩奉二柩袒括幅  
哀皇、馬如有求望、馬如有從而弗得也杜  
門餒窮守先王之制嘗膽謨謀雪先人之恥不  
知察院復按前事移檄復收柩矣由是司理授  
鎖城旦詰門尹貳繫其妻義勇竭夫圍其宮執  
柩苦塊之上械送大名張公勘問不即寘之死  
刑之若不能舉也哀隱嗟歎之於三月而後  
成獄竊窺造化之私少之得其當以處柩爾卒  
乃不得執政責趣擬之六辟神信知罪張公亦

意雖九死猶不足報張公深恩也柩有二小弱  
子託宗社之寄未及而長子殤越數旬次子為  
無服之殤夫殤下葬以夏后之聖周無服葬以  
有虞氏之瓦棺也柩囚繫不能與二子永訣覆  
用蘆葦孔子曰救幃不棄為埋馬也救蓋不棄  
為埋狗也由是言之二子之葬視不如狗馬矣  
昔者延陵季子適齊反長子以葬於贏博之間  
還其封號之者三日骨肉復歸於土命也若魂  
一亂則無不之也夫聖賢值事變猶不能忘情骨

肉糞其魂之隨已以終父子顯幽無間之義悲夫吾之君子皆然何柎獨於其子生歿不相知若是哉書曰迪惟前人克施於我冲子柎承先人之克無冲子之繼又何施焉詩曰貽厥孫謀以燕翼子子且長沒何孫之能貽也夫柎受本索嬰金鐵坐屏室之中無日月之明忘晦朔之變腥臭觸九竅死灰參肢體稍解縲紲伏棘巖之下蟻蟲如流結髮如約肌理不離胼胝紛紜之皮搔之如雪下夜則檻柎交軋枕股之會鼠

嘯於顛婦啣於承權百足岐翹之蟲歡愉遊戲於肘腋之間少有關便則守禦者禁之曰噉吐而榜楚交施於駸駸之上矣昔絳侯下廷尉曰吾嘗沒楚軍百萬而心未能動殊不若見獄吏之已甚條侯坐收不食嘔血數日歿頌柎鄉里委巷之陋繩樞之士而眊細之人也視此安得不寒心哉柎聞太史公曰砥行立名之士太上不辱先其次不辱理色其次關三木被箠楚受辱昔湯讓天下於涓子涓子弗之潔也負石入

水外伯夷思與鄉人處其冠不正衣之若將浼於塗炭夫視天下不以為潔視傾冠細故若恐汙其身也設使二子視辱其先祖理色關三木箠楚受辱者思將何如哉夫柙行汙名賤即死若九牛亡一毛無所輕重於世然自忍恥湛溺苟活溷穢之中無恤淪子伯夷之謂者竊惟私恨有所未圖報天地之大義有所未經列如前所云々也昔越王句踐禦吳於檣李戈其王闔廬殺之夫差使人立於庭苟出入必曰夫差而

忘越人之殺而父虜則對曰不敢忘三年乃報卒敗越於夫椒嚮使夫差據君父之讎卒有不諱則越無會稽之恥大夫泄庸種蠡必不匍匐屈膝於巖谷之間其子女臣妾文馬珠玉珍寶之器必不陳於姑蘓之臺闔廬之恥必不雪於九原之下楚子滅越柙也箴尹使齊反自拘於司敗楚人釋之曰存子文之祀羞楚子忍於箴尹之禍若敖氏之鬼久矣其餒矣孟明視為秦伐晉再戰再北喪師百萬為晉俘虜逃之囂鼓



之下可為辱矣孟明以劔師禽將冰勇也身歿  
名蔑為天下笑冰智也退而與秦伯圖策汧雍  
之間君臣合謀開關出兵東取王官及郊濟茅  
津封殺屍還伯西戎威震天下再敗之恥一鼓  
而洒之使秦伯不悟過之可使以立功誅孟明  
以見冰孟明不蚤見主之不畱眾引節以自裁  
夫孟明疑膚與人同骨肉冰有異眾之飾徒偕  
草木必糞壤死矣安得彊秦之國功並五霸名  
與天壤俱哉夫柎抱不測之眾冰有公輸墨翟

之智陶朱猗頓之富孟嘗賓客解難脫歿之劫  
也生產貿易子無餘燼茂父子兄弟之親寡妻  
孤女棲食畦蔬紡績之間柎恐就刑之後父母  
骸骨長弃暴露遠無收恤之主牧豎戲為蹋鞠  
牛羊礪之角獵夫鞭其朽過者此賴晚視曰盧  
柎不肖抵冰使其親陳列天地如此可哀也夫  
柎誠無面目見先人地下俾夫差得專美於其  
前也竊又恐隊姓隕氏絕太公之後祖宗墳墓  
歲皆伏臘無一人陳菜羹奠酒漿者不得如楚

子存若敖之祀也夫柎固有一死特以滅奴矯  
誣坐滅卻顯業廢事功口無食人之粟足無立  
人之朝一旦與蝼螳同斃飲恨忍恥長跪遠謝  
於孟明視奈何不拊膺搥髀流涕泣盡而繼之  
以血也柎伏覲執事為治大名震易其業女不  
忘機杼南鄙郊墟之民父老扶杖謳歌思化是  
召公之治也博物多識窮天地之文密綴理之  
極是子產之智也忠信明斷民愛不忍諄無姦  
伏之心是仲由之義也夫執事被三盛德柎猶

卧烈燄之中甘隼爛之禍不能極聲號呼以速  
霖雨之澤智之所不足論也柎聞古之君子聽  
獄致其忠愛以盡之疑獄汜詢有赦無殺柎雖  
不佞竊覬覦於君子矣夫先王觀風盡民情之  
變有奏獻賦詩之體柎不揆昧死述鄙俚隨書  
進聞維執事之採察焉柎頓首頓首

與陳一泉外翰書

柎聞往年執事受臆走馬來濬縣時縣主尊重  
廉隅豪習高其才不輕與物接明日始乘轎邸

見執事之任既數日始戒官寮從事屬典禮進  
賀踰年柝或因執事春秋祭饗會食入公門於  
園牆窺視則縣主肅而入攀而出周旋委蛇賓  
主輕重之儀罔敢墜逸與前所聞者大異竊獨  
不知何為而然也既而濬士大夫有所存問於  
柝者私道執事盛德恭愛仁賢道隆而思謙行  
顯而體備宏外而惠中有所叩則因為之鳴以  
盡其節溫乎如玉鎮乎如金萃乎如芙蓉澹乎  
如蘊水泛於醴澄霽而無所淆濁也曩昔縣主

之所以盡禮於執事者謂非出是乎執暨柝詣  
御史臺對策內黃見執事進來每伏謁道左執  
事忘其為囚以鞭揮之曰毋執事之聲音顏色  
始得接見尤進乎園牆之所窺識者而前士大  
夫所稱譽果足以得其似也當是時有能脫去  
桎梏加我以冠履法服令之得為人其體使能  
語伸坐立其手足使能持行其耳目使能視聽  
其禮貌使能揖遜退避其口使能道古今事變  
明仁義陳帝王之迹而無已也執事馮軒而聽

之則必有可觀者今以刑僂之民為世擯斥雖  
欲自進已見逐於君子門墻矣柙又焉敢振金  
鐵亢明刑揚其惡臭塵觸於執事之庭哉雖然  
審聞聖人樂天而知命賢者守義以徇死智士  
不廢時以立功所謂樂天而知命者道德備於  
己險夷之來非我所致凡利害升沈通塞之故  
舉弗問焉則周公居東孔子圍陳其人也所謂  
守義以徇死者不幸而禍變加我者或是與雖  
死以定分可也加我者或非是與雖死以順受

亦可也然則奚以死於義則止爾若荀息之  
死節林孫豹之守難彼誠深乎是也所謂不廢  
時以立功者略小嫌以自汙藏器以待時而用  
其道於天下者也略小嫌以自汙者所失者一  
節而所全者大分也藏器以待時者權也而用  
其道於天下者垂大名於天地洪濟萬物而大  
行斯世者也昔子犯之負戈管仲囚檻而顯齊  
者非與夫柙以盲昧隨死刑誠見黜於周公孔  
子若若荀息林孫豹則為其君引節今柙緣雖

坐誣而罹之極刑即狗死其所守者何義哉獨  
捕罪章所載一見釋於御史樊公再見疑於太  
守張公使有解倒懸者得沒其齒終其愚則捕  
頭為伯臣執鞭夫豈無膚寸之功以謝天下哉  
今特因拘牢猛去冠飾而懸繼之其體非復能  
誦伸坐立其手足非復能持行其耳目非復能  
視聽其禮貌非復能揖遜退避其口非復能道  
言今事變明仁義陳帝王之迹假令執事致之  
堂陸賜之跪使出話言不過頽然一匹而已又

安能決胸臆開口一辭為君子應對哉夫柙沐  
笑數年心思輻輳每傳鐘鼓及獄卒喧呼發報  
則便悸怖久之始能定日間與囚徒雜處或勉  
強一笑不過亂愁苦忘兒女思爾非有所謂樂  
然後笑者也使憂能傷人則吾豈可以延歲月  
不歿哉比年來桎梏無晝夜或為文賦腹藁成  
則請於司圜氏解刑而後書已則復刑以故多  
郵倍無足觀然猶不以為恥而獻之官府亦欲  
司命者知柙類從事於斯免榜笞云爾夫希豹

惡獸君子忘其兇穢而寢之皮取其文也今柎  
兇穢異於虎豹而有其文或者為君子之所寢  
邪謹錄舊所為文五首賦二首雜體詩三十首  
託諸生錢子萬選李子應宿敬上執事倘忘其  
兇穢之實而寢其皮毛之文燭日月之亮而賜  
之以不死之惠俾柎求士大夫所稱與親炙感  
德而叩其鴻音則夫園墻之所見內黃之所得  
者愧然而失矣柎父母五年不葬而二子一女  
以闔門茂也無所統繼濟之士大夫固能言之

今不敢贅唯執事垂察

上郝南峰吏部書

柎聞昔者荆軻入秦而白虹貫日白起滅趙師  
而太白食昴鄒衍繫燕王之肆而五月飛霜夫  
精誠變天地奸氣拂星辰此皆越等夷之幹造  
盛衰之變關命運之會殆非人々可與揆咎而  
取徵也夫德肖朝菌形類蟪蛄生如植槁梧已  
若覆死反然嚮靡延長頸極號呼以求託化育  
之意弛負擔之憊夫誰有蹈赴湯火舉手投足

拯死亾者哉柎聞荆楚連城之壁隋侯明月之珠於越湛盧之劍屈產鬻膝之乘此四者天下之至寶使出自齊秦吳楚大國必將狹重期之觀崇華廐以養之累踵曳跗購千金而視矣發跡於三家之市則人之躡景昂目而觀者纔百之二三何則語曰犀象無位出自驕貴蕞萑草履無然下伍積居襲之漸也今柎本蓬澤枯槁之士奕世編氓業不出丘壑綺縞不曳體梁肉不適唇繩樞瓦缶長天子孫閭巷不聞金玉之

聲勲業之貴擁貂踰乘魚軒揚名潤論說猶土梗草苴斯士之至賤者矣爾乃負固陋之質效矯世之志遐思遠舉立於百世之下以竊慕於千萬世之上誇書飾小愚禮樂誘言志依附處士垂忤權貴雕蟲綺篆於辭賦之間銜玉不售置吾家體用不適焉於是乎上不能伏蟻穴之側考泉石之跡以重明主之頤次不能發經射策効納忠信以拾取緋紫之榮下不能揆卜齷之計逐什一之利致富千金為宗族光寵夫

然後張目而劔戟森企之而梁父峙市井都遂  
之中一陷穿網羅之設矣昔客有鼓瑟於齊王  
之門者能使鬼神上下縣等不合則人將掩耳  
而不聽宋人資章甫適越雖端凝冕裘斷髮文  
身則人將駭矚頓走反目而不觀諺有之曰衆  
口鑠金重毀銷骨而柎負違俗之難抱獨任之  
豐挾撮壤而障江河則人有惜狗馬之斃痛狐  
狸之掩靡不愛柎一死者矣况夫潢汗瀆於鬼  
神鄭聲淫於師曠社櫟弃於匠石其樂與於

觀誇渚崖而東面視惡知其不長咲惡於大者  
也夫柎罪戾如此其大適遭傭奴之變而其家  
益無賴圖致之死要取不訾之賄厚誣抵法之  
刑尚賴天地日月得自明稱貫一年乃獲皇網  
掩其翮周網繚其膚申索繫其足垣鼠不避齧  
其髮髭柎聞市廛之音商販歎愈於鈞天之  
樂薄解束縛稍置散地跼躑儂俯愈於帝庭之  
羨出檻域寢苦塊愈於匡牀之安藜藿之飯晨  
至而晡進試以挺杖後食愈於紫馳之羹赭衣短



卷之一  
三  
褲不掩脛，胛略備燥濕，愈於魯縞之繒。吏至喜，則屈膝，怒則頭搶地。雖太史公詬辱蠶室，王嘉揚於法，伍李固斃身，箠缺塗毒，金鐵饒首，垂涎嚙天，椎心而流之，以血何以踰此。柙聞蛟龍失雲雨，則變鱗波濤，殞骨泥沙。士嬰襦羅，則毀身亡名，折節狗死。今柙刑辱，志降長謝，洙泗則聖賢之逐客，覽清聖之鑒，則鷓鴣之餘肉，何地而不可委乎。而柙含垢忍恥，延一夕之命，苟活溷壤，溺血之中，不能蚤自裁決，貽先祖之羞，徵鄉

里之惡者，是非禍覲，徼幸而利大於媮生耳。竊懷蓄恨之積，固有不瞑目之行，故敢冒死上陳。類執事憫裁，聽察其至。柙聞古人有言曰：人固有一死，或重於泰山，或輕於鴻毛，用之趣舍異也。何則？孝莫大於復讎，統莫先於傳子，士莫重於廣業。昔者尚子行仁勇之事，長驅赴難，不能報伍奢之怨，穆公屬國於宋，殤構戚黨之禍，結怨諸侯，不能定子馮之居。子推汙世主之量，高不賞之節，燔突介山，不能樹管仲之功也。故夫

事涉過計於前駟馬不能捷之於其後矧死生  
之際得失之大機構固熟思而詳議之矣唯執  
事推心加聽焉曩者柎寘身園土出歸謁先人  
於淇門救廬未幾而黃池之孽作黑山之賊舉  
扶垣破屋戕先人而火其室先母垂白髮號哭  
不逾時而逝者豈非悼痛先人不首牖之故哉  
夫柎孤立無兄弟大稚甫九歲即亡次子三歲  
亦殀死寘妻孤女孑然在室族人攘利變易不  
測竊恐柎舟不可為誓陳人之媵或加於我廬

處子矣柎聞墨翟棄室而說諸侯百里奚鬻秦  
而相甯戚飯牛以干桓公此三人者豈竊世主  
權利富貴取聲譽天下以要之各乘時奮智行  
義達道樹勲業為不朽之業柎自禔齒學章句  
長而被儒服誦法周公孔子之道思欲附會古  
人交力驚鈍之姿蹇步鉛割麤有所建明於斯世  
也然瓦礫之材璞匠所棄制科之不收縉紳士  
大夫之弗齒中風狂癩觸昭憲之網弗出者三  
年矣奈何遽死而不急終聲燠呼於執事左右哉

由是觀之舉子推之隘若則士不宏跡宋穆之  
諺者則統失緒持尚子之然者則狗近名孝不  
寬昔曹沫將魯不取三敗之辱于柯之盟則接  
匕首劫桓公歸魯之侵地以雪劍師之恥今綸  
欲包曹沫之羞以反三子者之見而後伏斧鑕  
之刑也囊街之觀款然長逝少謝造物之私親  
事謂不少無憐惜害天下恢廓之量忘其出身  
之微越於世保之惡拯袂水火雪淹滯之冤以  
成憤抑之志袖印白骨復土載覆盆而被日月

之光者果誰之賜哉

與陳龍泉大理書

柎聞物有異類而同情者故蟹牛駭赫猛虎負  
隅糜鹿走挺柎竊以為禽獸之性怵於死不過  
惡中傷血肉惜毛羽骨角而外不知事夫人則  
不然特秀萬物善智慧悅親戚交遊急耳目四  
肢之愛臨不諱之期陳取冠履故物羅列諸兒  
女妻妾滿前執手喁吧語咕咕屬後事親禽獸  
無所省而處者遠矣夫君子則不然任天下重

器身百世之規道諱未盡下見湔於閭里而上  
無王伯之遇不韋遭變則含穢誣辱嚴周身之  
防以圖事未効視夫人略知省而死者亦遠矣  
今柩無君子之行而私有志焉自愛於其死日  
者柩以傭奴故坐法御史樊公察其誣而出之  
明年毅公按院尋寘之死而柩父母在殯啣不  
共天之冤絕宗祀之緒濶倫理隳民彞姓名不  
著無補益於世與盜賊同斃於法伍則柩安得  
不寒心酸鼻而死哉即死不過於二三禁吏之

手與羣儻鳴々相悲咽而已又安得諸兒女妻  
妾滿前執手屬後事哉且犴獄幽霍之地一夫  
辜死則暴之數日始出落髮髭變肌膚巨鼠如  
狼噉其面目甚則羣嘯抉腹聾其腸胃脂膏相  
靡於垣墻之間是不得惜毛羽骨角如禽獸矣  
今柩待死何以免於是竊聞禮君子決獄有赦  
重附輕之義思柩骨肉無見笑於牛虎麋鹿則  
執事之賜焉唯留意幸察

上吳少槐吏部書

楚頃襄王好畋獵獒齧御人脛州侯夏侯請蒞  
磔獒楚王曰已卒飼之虞人之餽莊辛見楚王  
曰臣聞大王獵獒齧御人脛也有之乎王曰有  
之曰王之獒孰與於王之御人王曰御人貴夫  
王不賜之磔也已甚矣而復予之餽此王率獸  
食人也楚王曰先生之言諄寬人奉先王社稷  
雖不肖豈敢比於率獸而食人日者獒將寬寬  
人已令處獒深宮深宮不逢不若詐虺之屬不  
敢為妖祥此獒之樞塗者也它日獒在朝暴容

邪佞之徒不至持戟宿衛之士日事高寢此獒  
之恭阿犀甲堅城方池者也又它日獒出郢超  
黔中過夏州還獵蒼梧之野軼熊常驅豹裂腦  
血鮮于巖谷之淵窮軀彊幹之獸東走齊青丘  
境上此獒之瘡盧矰繳藥鈿陷奔之利也夫獒  
備三能寬人弗恤逆貴人之請是磔三能也寬  
人何靳於虞人之餽莊辛曰善王之已也存獒  
三能夫柎齧僕人之脛離家因矯殺之厚誣之  
死執政不肯深原論曰抵罪此獒之將磔也甚

矣夫負死罪待磔誠不足惜竊悲夫先人暴露  
二子就亡盧氏之鬼將乞食於誰之原乎執事  
誠已柙死編名司里保副之聞讐服犯教之民  
如驅豺狼柙且為鄉里桃塗矣若不獲命願  
賜徒配遠放焉處都會監門持戟禁呵國之奸  
細柙殆亦為要路秦阿犀甲堅城方池矣抑  
亦徼惠太公之世得賜流竄荒裔乎抗旌西夏  
還戍漁陽礪劍飲馬長城之窟使旃裘引弓之  
民不敢南向牧馬柙將亦為國之滌盧贈繳藥

錢陌穿之利發矣夫執事憫柙一死聽命以圖  
事三效此豈獨楚發被顯惠蒙福澤於頃襄王  
哉

上張賊山侍御書

柙繫獄刑罪深重蹈不測之誅忘日月晦朔之  
變形顏銷穢伏棘垣而侍缺鋹者於茲七年矣  
然猶不揣輒上書當道自明以求幸納於速化  
之域是非獨愛狗馬之命故為是謀爾誠以  
事實極枉議者因緣文致不肯平反即柙生不

能辨一日陳屍東市飽鴟鴞豕犬肉澤既化則  
柙又安得以浮游魂氣往來於王公大夫之前  
開口一雪其冤乎由是進退無據荒汗號呼於  
鼎鑊之間以畢其餘悃而敬聞命於下執事柙  
聞傳稱舜為天子臯陶為士瞽瞍殺人知之何  
曰執之而已爾夫瞽瞍天子之父而臯陶執之  
為能用法焉設使匹夫匹婦罹無妄之刑事可  
諒也情可疑也獻讞之辭不能持其平也則臯  
陶將惕然弗安若已樵而納諸溝中申其誣弛

其刑不亡其辭亦已也然則臯陶何心執母亦  
曰濞者受之天者也士師者奉天之法以佐天  
子者也吾執法能無天子之父而不能恤匹夫  
匹婦之冤敬於大愾於細褻天之法士師之罪  
為有大焉爾故其言曰天討有罪五刑五用哉  
又曰與其殺不辜寧失不經是則臯陶而已矣  
柙為雇工人張杲本家圖死縣官以私恣賞之  
大辟暨柙奏辨下大名張公勘問仍作雇工今  
大理駁章曰張杲之死似非一人一手所能致

恤刑覆勘曰本犯執稱毆死張景係雇工偷麥  
堅不輸服是誠其事可諫焉矣情可疑焉矣獻  
獄之辭不能持其平焉矣設使臯陶見而覈之  
將執其法而遽殺之與抑亦申其誣弛其刑正  
其辭而原之與不然何臯陶嚮昔施於匹夫匹  
婦今獨薄之於柙是豈士師有二法乎哉或語  
之曰子言誠似矣然子文案連梃窮年之獄孰  
宜息上下之嫌子立以柙子於柙曰不然獄文  
誠無所疑在所不宜開苟有所疑雖百世之下

猶或非之况乎數年之事是非之公尚可問之  
三代直道之民也邪昔者梁人有繼母殺其父  
者而其子殺之有司斷以大逆孔季彥捕之而  
免南康囚法不當決監司欲誅之周茂林擲板  
於地將棄官歸而卒全其人是一公者浩然之  
氣直塞天地故於今不衰焉近年巡按胡公按  
臯諸公枕柙曰冤胡公曰此卒不可殺以待來  
年察院爾柙愚雖不見明然感天地覆載之息  
者未嘗不耿耿於懷也何獨私念孔季彥周茂



叔云執事盛德遺愛流布魏郡南鄙之民被照  
臨者仰如天日柵固竊處園墻恒切哀私孤子  
之望父慈女之慕毋不啻過也緣執事在古臯  
陶之位故柵得以臯陶之說進輒復忘其臭穢  
敢獻俚辭文四篇雜體詩四十七首略抒冤衷  
唯執事垂察幸甚幸甚

與取忠菴進士書

孟冬十六日臺人某來揖司園氏曰汝為我語  
盧柵屬者進士取公過濬誦訪而寃狀曲垂愍

痛諸所云要旨謂斯世縉紳元老諸公憐而狗  
馬文辭早晚消息得原報柵愚聞此伏地叩頭  
泣血下曰柵不肖弗遵師訓隨履乖妄鬼神恫  
怒橫被譴厲疾首園門抱不測之誅為名教所  
不齒者於茲八年今取公乘驛傳未遑脫鞅遽  
賜問一囚抑不知柵以何因緣得見幸如此然  
柵知有所感矣請敬陳之夫天地萬物交錯水  
火相薄精氣感通象類流動各以名應故易曰  
窅然不動感而遂通天下之故樂記曰感於物

而動故形於聲夫感通固神化之能妙用符契  
之機也獨無觀於會稽之山夏后氏之穴焉爾  
乎礧崕嶺岬寥乎其深虛也不知夫地氣至則  
洩靈稜出雲霧變化乂繆盤旋如車蓋旗幟盡  
幻恠於山谷之間嚮之靜淵者轉而劃然軼蕩  
也夫夏后氏之穴其感之微者也因是知豐山  
有九鐘焉邈緜曠漠僞乎其媿獨也不知夫霜  
降氣凝轟闐雷觸天然自鳴於大荒之野朝遊  
乎瓦礫夕諧音乎玉磬轉移之間比於師曠之

耳夫豐山之鐘其感之微者也因是知沙邱有  
鴛鳥焉龜溪蟄蕭口向宿不知春社旣臨儻然  
竊杲愚入葦屋少出於珍竒花木之間冷然而  
乘清風飄搖乎太清雖有澄虛贈繳之施弋人  
將弗加乎其上也夫沙邱鴛鳥其感之微者也  
因是知燕臣鄒衍縲頸繫獄頽乎其刀鋸之舄  
鼎鑊之哉也不知夫昭王感吁霜之事按劍解  
頽尊為上客卒之推運五德談天地四海九州  
之蘊吹陰谷之律便五穀繁殖夜為虜晝為賓

夫燕臣鄒衍其感之宥著然尚遠遠而難言也  
曰是知今日之事柙嘗受誣大辟伏金索貫三  
木與盜賊妃伍惘乎自今為天下大慘也不知  
夫取公方受命南還揭旌黎侯之國而威馳乎  
燕趙之外觸鼻類存寬僂令柙遠去塗炭存先  
祖祀畢少壯之志雪一劍之恥然後什質橫兮  
以身首謝士夫即柙瞑目而取公之德已塞乎  
天壤矣夫柙囚居九幽之地有內死之心無外  
望圖生之意臺人云：蓋取公感之以天也而

僕長跪遠謝動之以久也夫積誠弗竭則著之  
言辭言辭之不足則摠之以為文孔子曰言之  
無立行之不逮謹以荒疏并舊作四賦于而敬  
上伏惟高明垂覽焉柙頓首頓首

上皇春陵內翰書

前五  
月內節判馮公來署瀆事之三日臨獄聞  
囚出  
剛公兩示手書文采巨麗懇惻過甚皎乎  
如春陽溫乎如挾纊既枯之骨勃然復興此誠  
造化生育萬物之私非世俗偶然一得之效也

柙馬不勝愴恨伏念五六日抵於旬月精爽淪  
喪慷慨如失東望稽顙渺無涯涘竊唯載古在  
昔賢豪之士顯於側陋若侯生見顧於夷門馮  
諶蒙任於薛邱毛遂脫穎於趙庭薛公納蕃於  
旅次是皆感會風雲遭際世運適見龍之時而  
受知於大父者也繼茲以往世道交喪玄纁荅  
辭之義加於世曹丹書赤訓之章不出吳門東  
平之巷絕長者之車韓康之廬之東帛之爰過  
此而言兀士於管庫魚鹽之間者吾未之見也

矧夫弗潔之囚三木囊頭長錮犴獄者執夫虎  
豹之皮人取其文而成或畏其兇犀象之骨人愛  
其材而成或惡其穢是非虎豹之罪皮與骨固足  
以厚人之疑也柙以傭奴故致晉師三豕之疑  
涉樂正夔一足之誤陷法象之地備撈楚之辱  
殫周勃之金嘔條侯之血蟣蟲生於肘腋胼垢  
長於肌膚縣衣如鶉結髮如繭節屆暮秋獄草  
委歇仰視鴻雁嗚々南翔思欲振義和之轡頓  
六龍之首折若華於陽渚躡倒景於崦嵫天路

永避喟言莫昇神注刑留我勞如何昔嵇康以  
忤權而臨刑蔡邕以浩嘆而當僂陸機以膺譖  
而致命禰衡以抗俗而膏鉞此數君子者功成  
行著生則縣名於霄漢死則垂芳於竹帛長逝  
瞑目夫復何恨哉若柎讀書幾三十年叨光於  
禮樂之域獵芳於詞翰之林上不能効駑蹇之  
力於當代下不能立清修之譽於鄉閭徒以曾  
參殺人之謬與盜跖聯頸而死嗟乎人生至此  
能不悲哉願念刑影寔知兇穢柎竊自今當為

世所棄又安敢蓄不訾之懷望大君子收恤明  
公道塞二儀光照四表奎壁之章格於上下鸞  
龍之文奮乎遠邇將使徐陳奉轡應劉扶轂屈  
原擁篲於前子雲擔簦於後此足以徵明公天  
挺之聰顯昭代人文之盛矣今上注意翰藻  
明公制作實回聖眷雖漢儒白馬石渠之遇茲  
以踰此夫盛德顯位巍々如彼令聞廣譽赫々  
如此然猶投人夜光徼福囚虜慰冤魂於梧丘  
解貳負於石室乘太息於幽垣示昭曠於天下

孟嘗平原信陵諸君號稱下士未易幾此柙感  
息無地敬敷委曲臨紙抆涕痛深心骨唯不惜  
惟益終惠犬馬益幸

與孟龍川書

龍川執事莊周稱膏以明自銷漆以用而割櫟  
櫟之材以癰瘡不適用而壽竊嘗笑此語為不  
關世故隋四體偶槁木土石能言誤斯世而已  
及觀夏商末主殺龍逢囚箕子剝王子比干彼  
三賢者視死如逞明惟恐其不銷也用惟恐其

不割也未嘗假以癰瘡不適用而壽則信乎周  
言果為過論也夫龍逢箕子王子比干樂然而  
死者其道誠有所重故生而有所不用耳曩使  
苟於殺身無關綱常倫理之道此與匹夫匹婦  
自縊於溝壑同彼三賢者尚肯銷其明割其用  
潰其癰瘡徒適用而弗壽耶然則周之言或有  
可取與今有人薦高第職在司諫或監察御史  
給事中官犯顏直諫膏身缺鉞與龍逢箕子王  
子比干遊則亦何恨於死也若乃讀書行道身

未荷人之祿手無析人之圭徒以讎者文致矯  
誣啣亮抑負明刑與一切盜賊奸宄無賴之徒  
同斃柳安得不有感於莊周云僕繫獄事本末  
執事悉備而我盧氏在濬世業農無公卿朝  
士大天顯貴故僕得罪後無一人肯援手者而  
僕亦不敢出私怨言分定故也假若趙盾受械  
狐偃當僇柳下惠城旦子臧季札充匠作子產  
季良亦孫豹石碣擬流竄有力者坐笑而觀之  
彼數君子若能無怨乎哉夫其怨者戚之也不

怨者疏之也戚之故民無所不致其愛也疏之  
故怨而有所不屑也奚若是分定故而已矣今  
世大人君子有能此哀於不報之地僕得末戚  
遠徙邊塞汚胡虜血刃死為園塲雖未能從龍  
逢箕子王子比干遊比之徒死園墻無分毫効  
力當代者不亦遠乎哉私念至是前莊周所謂  
愛其明惜其用守癰瘡無用而竊壽者僕誠無  
取焉執事以為何如屬者聞執事於王四府取  
進士前極稱僕見誣狀又出所作四賦塵上此

造化生物之妙也銘刻銘刻持去滕王閣圖乃  
正德間山東馬生手所摹者尤工經其畫額記  
中語率僕寓言執事一一詳之始見不知其肯  
為僕一雪涕否也令器華平朔平俱才識高邁  
恨不能相見語唯執事善教不枉其材幸甚

與王鳳洲郎中書

柵負質犬馬不能操執有所自立中風狂走傾  
跌谿險釁冷所積卒與禍會往年謝逸人四溟  
狀柵冤誣明公哀其侗愚為柵白請上官蠲出

垂死之齒既又為之詩以誌喜音節愷亮寄情  
悽惋真可以偕金石感鬼神令人讀之嘔嗟心  
腎涿涕垂血無已也柵承此北嚮叩頭不勝愧  
恨竊謂柵刑僂小人未嘗接待大君子顏範而  
荷眷如此獨以往時狂狴森密無由裁報中心  
愴熱忽々彌年今始脫刑網伏跡茅茨將飾固  
陋之愚款則辭寒而瀆聽鉗口是尚甚非仰吞  
鴻鈞播物之義故敢略陳微悃唯高唎採察柵  
家世農畝無王侯卿相之貴甚霄壤薰灼之勢



繩樞瓦缶長大子孫獨柵頽蒙廁諸生講席曾  
不能以此時對揚三策上輔明主又不能資藉  
夙儒鑒視已之毫髮恣唯傲物獲罪上下斯已  
自今投跡豺虎矣庚子歲傭奴狗盜本家排塌  
巖墻撲灰時賢不察寘柵極刑囊首鉗足囚鞠  
幽室惡吏好偵榜楚毒至吞餐飲血苟活於溺  
溷之中者十二年焉夫柵始之以媮敗之罪繼  
之以殞軀之禍濬之父兄信雖仁賢見柵如異  
固已視為螻蟻之肉而柵豈望全其首領復

聖宗之墳墓乎明府小峰陸公蒞政之初萬察  
究柵為柵平反窮辭極力於臺憲之際然後氛  
霧再廓天日迭見嗟乎時旣逝矣魄旣漸矣忽  
焉來復此何世矣兩恨二親並暴三子同喪終  
天永訣弗克臨窆出獄之日託跡閭閻偃仰  
繆傍徨四壁臨日顧影悄然傷魂荒蕪之思勞  
績曷已昔楊子幼旣貶斥謂小人全軀悅以忘  
罪彼特以荒淫自娛良未極夫此爾歲凶濬邑  
猶甚柵妻女八口親舂糠糲拾鳧莖草根以供

者炊夫數理所不能過者雖大聖亦不克免仲  
尼天縱至其變也厄於陳蔡矧柎齒之末夫  
復何所云竊又恬於利勢短讀烏保猗頓傳見  
其賤市貴販逐倍萬之利輒汗流被面貴人之  
門恥為曳裾蓬箔煙囪舉自言笑非唯世之喪  
柎柎亦喪世矣縉紳先生見柎如是哀其窮時  
時存恤而柎亦凌巡惶惑不敢出見諺曰焚其  
室良其尾伊誰之恥斯柎之謂也抑予又将何  
所怨懟柎鄙穢誼不敢以此言進者仰唯明公

嘗出柎水火負戴之私切於夢寐其處已行事  
恒若慄越惟恐不能奉承德意以傷公知人之  
明憐之之衷冒死上聞外錄所作文詩賦共三  
卷隨楮呈覽乞叱入裁教幸甚幸甚

與申洹野書

伯樂適燕燕王請見曰燕雖小固冀北天下之  
馬藪也宣人有馬願先生相之伯樂曰嗟燕王  
召圍人捧上乘以見馬肥而茁潤黃金白璧之  
光流於月題伯樂曰奴馬飾之爾明日穉中乘

以見靡鞭笞絕兩銜今晚騰躍而趨鬣左右也  
伯樂曰斲馬不可御爾又明日擗下乘以見濬  
溺膠其腹蒜汁液其髮骨象峻嶒進之如有疑  
也退之如有思也俛而噴仰而鳴若有所言而  
不能也伯樂改容變色一舉而三失走見王曰  
臣相馬三日一不中法今見王之下乘夫下乘  
固天下馬也而王斥之外廐母乃枯之皮毛而  
不能索馬於牝牡玄黃之外乎燕王曰謹謝客  
實人弗識也夫今天下之士華言善服者居上

乘奔利據要者居中乘言衷行成上濼若相之  
遇下見困於艸苴泥塗見惡於鄉里者居下乘  
足下於貧賤之士則延之於閣賓為上客賜之  
坐及之話言足下胡不枯之皮毛獨能索士於  
下乘哉子相士之伯樂矣

再上李東岡書

梅聞魯使人於宋踰梁父之險捫纖葛陟鴻崖  
俄而力屈絕援墜大壑中三年飢茹松柏之葉  
而渴飲霜露吸夜氣風雨之所激射虺蛇之所

吮齧山精魑魅之所揉捽艱苦殊狀其濱於死  
者數四矣然其人極聲號嘯求拯於途旅旅來  
者然皆聞之去而弗顧也間有顧者不過攀危  
木踰滑苔側身俯首矚視嘿然駭慄輒引去不  
訖然卒未知其人死與否也明年魯人伐宋攻  
其城公輸子載修具輶輶器械往過之而其人  
猶存活力疾呼之不已公輸子垂長綆千仞下  
梯以救之其不及崖畔而康居者尋嘗  
之聞焉然激中絕愈益隨其人感死

然後知命之窮益理數之未至終自恚憤至死  
而無所仰矣柎鄒昔不遵師訓陋實聞道瞋行  
徑趨傾跌殞仆沉居園墻之中食惡糗糒飲蜚  
毒之水金鐵鉗其脛蠱蚤蠹其膚冤厲嘯嘯之  
鬼振於夢寐震嗥哭而望拯於世者於茲五年  
矣然亦有聞之弗顧者有顧之嘿然駭慄引去  
者竟未見其能披髮纓冠而送拯之者也往年  
執事自諫垣臨治大名柎竊私心喜之曰李公  
位隆德盛道光而化普行獨而思淵浩然之氣

嗚呼天地執造化之契而施再育之恩者此其人矣於是仰首長鳴極其聲而號呼之時御史胡公行罷執事慨然與張公吳公明其寃而抗抗之益力雖公輸之救魯使不過若是恩也向使胡公少有察焉天隱之意出柵幽谷墜之崖畔以掣執事一夫不獲之憂抑亦何損於政而乃隳柵淵壑踏躑彌年雖興哀望至竊恐公輸厭聞而長泣弗頤令柵陳灰坑谷環野鼠鷓鴣宗祀滅絕妻妾改醮則先人之柩誰能泚頽兒

視覆以一杯之土哉夫柵罪文始末執事已悉今不敢贅但張杲實柵傭人彼家排墻撲死遍體傷痕夫豈柵一人一手所致佐見俱悉苟訊及之其情立見矣今刑部駁章覆勘坐此齟齬乃張公復令濬縣勘問夫積獄既久若使下官奉承刑部風旨羅織成獄是猶重關金墉而固之以鍵又安知死所哉伏惟執事聞公輸之仁哀墜壑之難接之長綆飛槽雲梯以慰柵極聲嗚呼之望庶使墜者不死葬二親之柩全妻妾

西野集 卷之一  
之節長育胤嗣以成我執事興滅繼絕之惠構  
少長一日畢盡志願執事所賜豈有涯涘哉

蟻蜂集卷之一終

蟻螿集卷之二



黎陽盧 楠次榘著

同邑孟華平明瑞校

長清張其忠伯蓋梓

啓

為濟諸生苗賢令陸侯啓

濟學生某等齋沐企悚謹奉啓大台輔侍御楊  
公臺下某等頓首頓首死罪死罪某聞有虞鷹  
曆而咨命群救夏后宅揆而式叙九功哲懋官

方業闕天緒聖神因極茲焉託始嗣是載往雲  
 涌川但若公旦報政餘魯惠於優渥尚父奏功  
 捷齊聲於標亮漸摩淺深之術胤祚興衰之運  
 世固可得言之矣昔子產蒞政訛言屢騰滋世  
 殆久詠歌始暢卒使楚之師望塵於溱洧平人捲  
 甲於曲翼由斯論之履任久輶之效不可誣已  
 且夫卓茂遷密境絕北地蝗年融宰豐治存異跡  
 史雲葉蕪釜魚蜚唱孔奮姑臧盤蔬育馨蔡彤  
 偃師詔書增秩劉陶順陽童謡羨嘆之數公者

權僅百里之用秩非萬石之貴固時奪物職官  
 無由夫泰山之砥詎一朝之雷城門之執非而  
 馬之力聖人久適其道王者期世後仁稽古載  
 音風歎弗舛爰惟有潛寔衛故墟河山相薄而  
 曷互息夏燔槁盡穰旅魚鼈杼柚斲薪鍾庚釐  
 穢國賦報征官師流亂男女劓剝馬牛連沒困  
 頓狼狽流離質遷攔宇之餘鞠為禾黍娶婦坐  
 嘯野哭晨興村塢蕭條痛心在目雖賢俊繼踵  
 頽加損益然宣尼不著世喪道矣介石獨注皆



擬於守經者也人皆守經則天下幾於無權矣  
是以結繩之政治秦則烹干羽之舞敵愾則靡  
何者勢窮於不可用則用者退事適於不可禦  
則禦者來若迺昧淮南隨縣之論眇孫卿百仞  
之首孰閔損仍舊之談陋董子更張之喻行類  
刻舟智侷膠柱相時之器殆其不然竊惟濬縣  
知縣平湖進士陸肇自下車識量洪邁治猗  
烹鮮法由社鼠凝忠風草流潤脂澤功緒宏綽  
名紀父老故其建學興師首先風化恆登金

縵縵廡守浚流鉅川駢歸閭族離校驛埽蠲除  
里需藉賑備荒值稔通融流競賤賄靜一奸宄  
罷斥山石栽柳傳置柏俸養老分祿賻士甄表  
忠貞洒雪冤獄是皆命世成務反經合權行昭  
日域恩曠天波銘表大常之旌功綴羽陵之蘭  
豈徒郭子賞識許公亮鑒而已哉是歲十月陸  
以三載考績如京咸曰上當見留上當見留則  
濬人鮮終矣濬自孝武皇帝以來靡救不振  
尹是邑者若上饒工部侍郎楊公鎮以廉介太

原監察御史魏公持以公方然即政非久鴻澤  
未究輒見擢宏陸之前事稍集方期大效殫之  
歲月乃可底績若使政訖小康功虧一篲長未  
洗之瘡痍亟轉加之塗炭民命弗堪亂離斯瘼  
我心慙謂之何哉夫超絕窮壤非尺蠖之力  
馳騁千里必駮耳之駟終陸之政希陸之人時  
或改輒償功立見屬者公車告罄攀轅若在驪  
駒戒路截鎧如存闔境髦倪傾方士庶人蓄怨  
慕家懷訴書惶走交頓翼陳魏闕昔寇恂河內

願借一年焦延小黃乞還舊職以今方之何有  
乎爾或乃製錦方純遂斷機長往割雞未竟即  
解刃弗顧甘棠虛名伯之思緇衣勞武公之象  
甚不然矣夫萬物之所不通聖王因而不奪長  
譽以顯朝著之用何如好民以樹藩籬之固夫  
賢哲善世民所弗能忘也黜易漸危民所弗肯  
遂也奪其弗忘與之弗遂是謂政蠶是故朱紘  
洞瑟希世之音師曠之雅好天球琰琬秘異之  
珍宗廟之至寶也賢人君子民之愛也亦然某

等素荷德教樂育菁莪猥榮桃李蒨芳至公愛  
而無厭輒敢進聞倘以私謬之言枉垂聽覽於  
某所懇進呈 聖裁特停選擢俾以原任衙門  
是事則彛章無毀治化有終遽爾不效治某以  
誑諄之罪不勝丹悃屏營之情謹具陸知縣十  
八政隨啓奉白某等死罪死罪

滕王閣圖記

梅少聞南昌當吳楚雄鎮而滕王閣則俯瞰西  
江延引既越瑰琦絕偉為東南樓觀第一

王韓所為賦諸所稱引益奇常自語以為當及  
壯遊往視造物之妙於所謂滕王閣者庚子歲  
捕坐傭奴事繫獄纒九月巡按監察御史樊公  
白其寃平反明年殷公追寘之大辟由是愈益  
錮其身不得之南昌觀滕王閣矣戊申山東石  
公以明進士治濬加恩囚僂柙滋少寬因市諸  
所蓄故物得畫一卷曰滕王閣圖自閣道始傍  
連房阿觀旋室嬾軒離檐倚榮戢翬翔翥於  
霄漢之上恠石幽篠危松蒼然護暎屏障俱點

綴人物山水圖書象態呈露咸極巧麗獨恨僮僕數輩不可役使黃衣客兀然吹笛無聲焉爾閣陰穹山嶺崑橫碧黛綠騰赴環抱流泉瀝沃會為洲滴石衣萍藻委靡悠然而可賞者是誠天作地藏以助茲閣為天下偉觀者也於是撫卷慌忽若失縲綫綉、乎若馭雲軒而超越江漢飄、乎若遺浮埃之表搏扶搖而游覽於閭闔也迺知曩昔王韓所為文賦不誣而柎亦得觀所謂滕王閣者竊償其私願焉夫滕王閣柎

未之見所傳圖畫又未知真得肖其形與否今遽喜躍為慶幸如是設使柎誠得一凭覽盡江南臨觀之美即當乘元氣遊六合灑乎長往與世相棄豈直今日苟活為僇囚依園墻浚廁而已耶柎幽拘多感每成卒更翻至則道故舊事或曰某游宦業美田蠶園宅今丘墟矣或曰某見某服與刀鼎奇器在若州縣蓋售之也或曰噫某死矣其子孫不能享有富貴窮且丐也嗟乎柎待罪七載視猶瞬息斯世已有陵谷變遷

之意而滕王閣獨淹茂吾廬無聞於縉紳士夫  
是不幾昧於天道往來消息盈縮之理與假令  
斯畫為匪人者不過資覆瓿之具抑安知是圖  
清泚之靈於構無密而吾燭物之智不見晦於  
滕王閣也龍川孟君思才雋豪爽尤深畫理於  
構密斲友善因持軸語之曰是宜與君即構不  
幸死君可日喙其下以慰吾滕王閣之思幸而  
見原則吾與君觀天下形勝登會稽涉彭蠡沂洞  
庭越衡陽臨漢水以望方城獵雲夢窺荆門下  
岷江還行淮海之間羈鼠所鄰蛇龍所居歷幽  
顯崎嶇之觀以求所謂滕王閣者周章而徧覽  
之構雖駕蹇尚能為君歌詠其事舊所藏圖畫  
烏足為之美歎云因戒之曰太汝好適孟君家  
待吾考訂姑作記與汝別

世義堂記

秦皇帝令烏保比封君以時與列臣朝請而已  
蜀賓婦清亦以資見客為築女懷清堂夫保畜  
牧長耳間以奇繒物獻遺戎王清窮鄉之婦賄

財免浸犯俱未嘗顯德澤物益當代而乃禮抗  
人主名敷四海者何哉周人都河北走汴宋汴  
宋天下一都會也屬杞東賈齊魯西賈上黨南  
梁楚北趙中山饒材木器用魚鹽筋角漆絲危  
丹沙銅鐵連崖齒革珠璣瑋瑁農工商賈率歲  
巨萬息故其民豪傑富者穀千斛釀千石帛續  
紙約千鈞錦千純薪藁千輛楫千引馬千蹄耳  
度牛羊驢彘千齒減獲脂千船鯉石首千醵夏  
屋千楹穀墾膏腴畝千萬畝則負氣俠俠巧悍

為一切不法丈夫相游戲悲歌抗慨怒即相超  
距椎擊或居訕訕善罵行姦蠱是蓋不如保清  
之適用財守其業自衛也獨杞巨族張公欽廷  
恩氏幼岐嶷好學濶達寬緩足智好議論嘗以  
忠孝大節自許可語其人曰吾治生猶伊尹呂  
尚之謀孫吳白起用兵不足效也乃取之以權  
斷之以勇守之以仁義久之家遂不訾弘治中  
軍儲告乏廷恩以八百金往助邊天子嘉之  
授昭勇將軍宣武衛指揮使是後歲屢歉前後

輸粟六千石金千餘兩巡撫李公俱以事聞詔  
下附國史又出遠田六千餘畝給無力夫家畱  
邑田三分之一供饘粥由是夫家子孫能免飢  
寒者無不感廷恩德云廷恩既卒二子長希仁  
次希義希仁嘗為國家捐金五百兩粟一千二  
百石助賑巡撫潘公奏績詔旌其閭授指揮使  
卒而希義承父兄懿德尤克自陞金能振施成  
名家閭閻以故長女為周康王妃康王府屬有  
以罪逮繫者或求救遂絕之曰惡去吾以禮輔

王是豈可受干謁者里人鬻女償逋責希義聞  
之曰所負幾何對曰五千緡即與錢五千贖其  
女人有稱貸久不償則焚其券約三千餘兩而  
士大夫假藉者無算焉戊戌秋黃河決縣官卒  
不知所為希義出錢五萬募夫塞其澮嗣是軍  
國不給則接撫輸粟三千八百石而巡撫河南  
都御史徐公魏公俱以疏上自兵馬進階指揮  
使賜二品服色嘉靖丁未秋七月希義以疾終  
于家子三人長曰衍祚羨儀度尤精藻鑑處事

咸中肯絮談仁義樂道詩書傳載通籍諸侯擁  
蓋拉轄束帛之幣屬望於陶唯陳鄭間四方文  
學之士爭與交游無不欲望見風采蓋翩然  
佳公子也次景祚胤祚其所著與兄伯仲孫一  
人曰樞雋逸愷爽萬志力行無異於諸林語曰  
君子富好行其德又曰侯之門仁義存跡張氏  
所傳累世善祥今親見其後如是波烏實之行  
何為哉夫富者人之氣勢所關匹夫得之可以  
雄斷鄉曲權奪卿相力抗萬乘者也今夫百全  
之家一當意則汔所有以誇閭巷飾冠劍連翩  
車騎為富貴容市駿馬走狗弋射漁獵與少年  
相馳逐由是天下學士大夫聞之回面裹足不  
肯與之言其視張公子孫世義不亦甚可羞哉  
詩曰貽厥孫謀以燕翼子易曰有子考無咎蓋  
張氏之謂矣

序

贈郭增序

乙巳歲濬醫學之承群醫白之令令曰人無恒



心不可以作巫醫夫天能生民不能時其飲食  
節欲於是乎授之父母父母能養民不能察其  
寒暑六淫宣洩之宜於是乎授之醫夫醫固所  
以寄民命驅慝癘而安吉祥也孰克膺茲命群  
醫曰郭增氏可令名增問之曰卽令若掌醫其  
何以供事增曰藜輿藥之材取必菁華達必性  
情盧扁之所推也可以供事與令曰麤跡雖足  
以衛民未可與善政增曰表裏六脈洞察虛實  
聲色喘息不敢怠逸黃帝岐伯之所問對也可

以供事與令曰敬通而思惠可與善政未可與  
無方增曰淵默潛通守一弗易行乎神明達之  
庶績宓義氏之所以善世也可以供事與令曰  
然曰此聖神之化也狹士之所以褊心若為時  
有是夫命掌醫政於是增乃教膏醫和衷癰醫  
眠標者醫養老穉醫慈幼嫗醫釐婦瘖醫資默  
鳩以空青硫黃犀象茵參勃瀉之珠以辯盧扁  
之用焉質以玄脈肥脊五內升沉吟思痛夷之  
寓以極黃帝岐伯之旨焉顓以鴻潛淵嘿旁通

祇運之機以知宓義氏之化焉靖乎癘疾潰乎  
縣疣仰乎威施馳序城趾邑用康福國無昏天  
札瘥之民繇是對養於父母以合生乎天命之  
曰天醫以復於令令曰善逐世掌醫學事

贈劉丞赴興州經懃序

明有天下尤謹於東北西三陲四方歲時賦貢  
京師馬類千萬數而太僕遴選中式者則嚴符  
券飭司養以備三陲庸調或夷狄猖獗將士得  
馬長技則能轡轡成大功 國初洛編配馬幾

千五百匹春例上太僕者十之一有以是  
為重 一人主之記嘉靖丁

官終用太僕宜損冗員節用秦羅可由是洛數  
部馬丞者十三年歲己亥復建官守而吏部推  
朔州劉侯適於任侯被命之明日冠帶入見令  
工部左侍郎上饒楊公琴且辭公曰濬其舊治  
邑東瀕大河故墟西連崇岡浮壤礪之原值  
曠則亦郊無草木潦則淇衛溢溢長豐諸樂澤  
也濬瀦潘湮木黍壞民舍人將為魚蟹矣問馬

今君臨茲土驅羸民以供軍國之需其必有術  
矣侯曰諾適治先陞任廣東道御史太原魏公  
今山東益都進士石公尹於濬皆嚴明不輕可  
與暨侯語悉合因奇其器而委之以政侯於是  
竭慮殫材勵精博施爬壅解紛猛棍關要跡排  
而曲暢之樞擢而延引之間見疊略令民貧官  
債貫期約取盈唯其褒大於時故歲或甚絀而  
為無漏一之患有以嚴刑說侯者侯愀然曰某  
或有罪無罪惟長令在子無所用刑為遂不

易其政而民愛敬之一出於忠悃用是見揚魏  
石三公為知人而侯亦不負人期望云歲丙午  
月日奏報侯陞興州衛後屯經歷先是侯著聞  
上下俱次第薦揚褒異極優禮及是濬士大夫  
聞之皆扼腕曰屈侯於其行無歌詩以道之是  
非納民大公考賢昭德之義也因著詩以餞之  
曰

帝奠民基在黎之陽河水三東厥猖以狂訖今  
千祀淳涵而圮禹蹟既湮金堤沙里右連積灘

左介浮沙螭盤狻啼孰蕪蔬麻林有饑鸞壘有  
枯鼯孰克乃來蘓我怨懟帝曰冢宰選侯視良  
俾侯來尸佐此大羈侯之來尸不遑寧食擢剔  
賢胃以蘓民盡拊之始之飲食慰之節之霖之  
砭而劑之允我濬人謂侯予父侯有嚴程孰敢  
俟侮草之油一載彼郊垆駉牝三千齧之有聲  
泐溝如鳧積路如鐵礮礪連駿顧影驕鬣收一  
河流雲霧晦冥簸蕩鼃窟蛟龍降精行夫匪虺  
行地匪馬與此王國以藩函夏侯之為濬載籍  
有徵豈曰無穀乃有斯行驪駒在門攻車在路  
誰為長綆繫此日暮日暮奈何送侯河干顧侯  
壽考億萬千年

贈楊生序

孟軻氏稱孟施舍之守氣以為視不勝猶勝也  
豈唯兵為然雖士亦用之夫士抱經藝適有司  
或不齊其當雖屈抑頓路而不能奪其操力愈  
攻業愈顯神凝而守固不動其心以挫其氣而  
卒全其技此老師大儒之所失守者是豈幼冲

學子所能練要耶是故幅巾而方袍操觚而摛  
思進有架退有度翦綵組績鱗綸煥耀而游軻  
乎文苑者肩相摩轆相掛也求所謂遇屈抑頓  
踣力攻業顛神氣不爽而卒其技者孰足以當  
之是非孟施舍之後吾獨不得其人楊氏子某  
年未冠可未歲文戰於銓衡失利歸而求之師  
覃研撫劄馳精於翰執之林獵英於綺藻之圃  
愈益憤勵淬湛盧之劍求犀象而朝之挾軒轅  
氏之瑟合律呂歆鬼神以試乎清廟也是年復

戰於開以大捷歸此夫孟施舍守氣之驗信非  
幼冲學子所能練要者與夫孟明視濟河焚舟  
拜晉之賜曹子手劍而盟刷魯之恥古之克復  
舊物光顯社稷者皆敗衄之餘也今楊氏子若  
是非兵之豪傑則文之良將耳比其選余為之  
辭既以高其材又以壯其節且令懦者聞之有  
立志也

贈常翁就舉鄉飲禮序

三代養老之制唯周寔備國老由胄子著通籍

濡染之化深故其老易尊尊亦不枉所舉獨庶  
老發跡鄉塾實問學之道故其老難尊尊不得  
其人則隳憲典蠹風化官司有冒公之讓是故  
州縣有所尊則辯於士考於社誅於閭閻非上  
壽不如讌非資於故實可辯理而博物者不如  
讌非夫黜凡鄙崇儼雅以極乎溫恭感摠者不  
如讌讌惟庶老之賢者始就舉焉嘉靖庚戌十  
月朔有司遵王制行鄉飲禮於邑庠諸生其偕  
鄉長老若干人舉北岡常翁如讌以狀聞濬侯

陸公是其議屆期賓分正犧罇陳昇歌清唱琴  
瑟和鳴翁乃峩冠衷衣淵淳嚴翼閭々循々陟  
阼階磬折之容無爽於度數夫是為盛德之徵  
考軒義之跡紀時王之典錯綜乎人文之變薦  
尚論以鎮雅俗夫是為博物之驗鮒其背覲其  
齒瓚植筋骨熊經鳥視以隣乎期頤之域夫是  
為上壽之表夫上壽博物盛德庶老盖無幾也  
翁兼有之於是乎遂如讌浮邱盧子曰為政之  
道尊賢為上養老為要陸公治濬期年得常翁

其人豈非賢令尹哉周迪以里閭之材與翁孫  
茂才游能疏其行丐余文亦世之賢也嗚乎尚  
矣辛亥歲孟春吉日盧柟序

贈李伍巖遊太學序

岷巖子將遊太學濬之縉紳夙友執腆幣入賀  
者幾數百人其內兄浮邱盧子獨病以窳後至  
就坐岷巖子以巨觥觥盧子且懇之曰某不佞  
得侍兄通籍三十年猷順友悌無遽轍無苛色  
兄之待某何如也今某有筮國之行兄復憐

然亦將何以教某盧子避席感然曰僕刑僇餘  
民也奚足與有言雖然抑聞之曾子有曰狎甚  
則簡莊甚則不親故君子狎以勸交而莊以戒  
其禮吾少也於子甚狎今長且老請濟之以莊  
何如夫聖人之道廓之則體夸散之則用細夸  
畫而細遺雖大不行命之曰曲士其說有似於  
奚仲之為車正也夸與細借乘之以慢心焉則  
備行之業荒命之曰墮士參龍氏法之故其術  
衰行成業修由是君有所弗砥於治也民有所

弗潤於澤也命之曰棄士公孫僑恥之故獨著  
夫夏后氏以奚仲為車正也軌軌輪軸之屬備  
獨亡鍵駕之使行則覆為不進尸子曰文軒六  
駃無四寸之鍵而車膠者小亡則大者不成也  
秦龍氏好龍亦其嗜慾以飲食之未幾志怠龍  
亡去鄭公孫僑者博物之君子也與子皮俱事  
簡公定章服比井廬備火政應對辭命雍之揖  
遜於大國之間西平晉南禦強楚卒保鄭國孔  
子曰子產古之遺愛也征囁子能以奚仲周於  
事秦龍氏倣其廢公孫僑懋其業於戲太學吾  
無足與游已

贈陸侯擢官留都祠部序

癸丑夏南都祠部主政闕負大臣議以為是部  
典秩所出宜簡授材俊以稱禮讓為國之義於  
是冢宰治齊萬公列侯名以聞上可其奏即  
日馳驛馬齋符使侯履任其少尹徐君夢龍段  
君塘幕史初君學禮設祖帳於黎水之陽遣使  
丐余文謹按侯治濬其邑西鄙馬湖長豐諸陂



澤田歲為水所沒者三萬餘畝侯治則命賢佐  
鑿渠濠其水於河民始更獲踰年計得利數十  
萬斛歲飢倉廩不繼侯請貸於郡守不可侯曰  
縣之民非罷之民耶守語塞予之粟千石是年  
糴乏種侯又權宜處麥七千石助民播殖之民  
以乘亡餘得自立飽食思有所致效莫不流涕  
感激相率力以奉侯命由是雖大凶歉而溝壑  
無轉徙之民焉濬靡救傳置無所供上官取便  
道往來侯輒不應以是皆缺望去三年蠲費數

千萬緡民不覺利而侯亦無所訾嗟若侯者為  
民任怨是豈當世循吏所易及者耶虜窺京師  
侯謀於士大夫察便形勢高深城池樓櫓觀望  
制勝於千里之外有諫之者侯曰賢者制之不  
肖者守之後蓋有知我者吾何恤其臨治首先  
倫彛修葺學舍殿廡時課諸生講習然皆自  
振奮丕變斐然有可觀蓋侯寬明廉仁不事苛  
鍛處大節尤擊斷無所顧避故有此治效爾嚮  
時鄉耆馬質魯輩不忍侯遽去率其子弟數百

人詣闕上狀留侯如漢人借寇恂事 天子  
下其議至是復以侯屢被薦刺義不可久淹擢  
今官吾以為禮官人必先之以論辯任爵之道  
然後進之有漸別等威貴賤上下假於人神以  
享乎清廟爾使治政未協遽峻之大位則其人  
必喘息頓踏蒙負乘弗堪之誚今侯所措立赫  
赫如是而其績又已升聞于上行若所職其功  
名事業又何止於治濬也且夔龍在位必將與  
侯同寅偕力以光輔主上三代之英翹足可及

也侯復何所疑南都公侯鄉甚近而封君胥山亦  
切倚閭之思侯歸而以此獻膝下以悅其親享  
億萬年無疆之休而柙誠有所望哉

送高少尹致政西歸序

嘉靖甲寅歲關右高子以濬少尹亟致政於有  
司有司謂高子能賢絕弗去踰時高子益自陳  
懇乞罷御史馬公以聞得制可歸焉其同寅  
大同段君福山高君張祖帳南門外奉辭於令  
長右坡董子曰少尹在願大夫行事大夫颺解

前高子曰嗟乎夫子奚若是之行也吾請為君  
擇言高子曰唯之大夫曰竊聞之濬衛舊疆左  
大岨右河黎南走梁宋北距燕趙形峻勢固河  
朔之雄君佐治三年民無怨嘆之音而士夫重  
儒雅之望是故行李告戒則閭閻闐然脫駮服  
要旌竿戴目仰首願留斯湏而卒不能過屬騎  
之清塵意者君有不殫之懷與是何果於行萬  
而莫之恤也高子曰然夫夫曰燕雲之關京室  
之起三事五侯貂珥之家人摩肩車掛轡紛

紘々霧麗雲綺日夕啟帷笙鍾鼎沸時序代謝  
不知其逝夫聞長安之樂者西向而咲過屠人  
之門者嚼吻而注君之意既有兩歎故其去者  
或在是乎高子曰否某雖陋豈敢望外事大夫  
曰鵬搏九萬汎南溟不足以戢翼驥馳千里非  
荒阪不足以捷騁故太阿之劍必斷犀象明月  
之珠不照蔀屋何則治大者恥侵細窮遠者惡  
施邇也君負高世之姿被下僚之慙張敞自謂  
無奇東方生故設客難以今揆之殆不出此乎

高子曰吾不是為也大夫曰佻馬嘶壯越鳥巢  
南橘柚不踰淮鸚鵡不過濟故夫莊烏寫東甌  
之唵鍾儀服南楚之冠君雖通籍王臣鄉土之  
思能無少擬乎高子曰否男子以弧矢射四方  
吾不為此也大夫曰瓊璐之寶豈池隍之毓琅  
玕之樹非園林之株臂鷹垂思於解鞞參龍逸  
神於頓轡是以莊周曳尾塗中不為廟堂之龜  
子真游心物外躬秉巖石之耒君久膺纏冠冕  
脫屣之意迺今為之毳乎高子曰否鄙人奚足

語此也然相其貌宇氣溢廣賴恍乎校刃大款  
矣大夫竊視高子之志已得六七遂恢曠其說  
以進之曰大道無跡其虛太空君子察理激之  
有刑日中則是至月盈則晦來膏之見銷明為  
禰胎蘭之被藝實香為災知梳以運神孰左契  
以馭物恬身以退蕩放予志以自往撲吾樵漁  
文吾詩書盱于于瞿、煦、孰謂之宗以天  
為墟故夫庚桑順化不釋於老瞞之言王倪坐  
亡無見乎齧缺之問君誠往寧復有他說乎於

是高子躍然而喜曰蓋大知識夫大賢要妙之辭足以破我矣因酌酒與大夫別

### 折衝卷後序

銅梁張公守滑之三載未奏績輒陞北京戶部主政期行王子大任侍御孟子思汝再劉子焯文昭咸詩賦以頌之而其事則擒盜繕之則折衝卷或謂之曰張公蒞政特折衝也邪張公雄雋惠裕之智量解紛無梗縻境雜軍屯田而其長又皆武夫復傷猥勢乃張公則仁覆威約之

有弗敢背畔公者故其經務剗蔽蘊利乘時推化與民偃息天下稱宥焉未幾河南賊師五亂修西城樓保障廼感嘉禾明年飢大賑民生活者萬計御史馬公廉其能疏上 天子嘉之詔賜銀十兩纁一襲所在有司往勞夫張公雖不由銓考此其譽已籍、升聞奚以之奏績而後擢也由是又惡用夫折衝卷所云張太守栽栢曰不然夫萬物對茂無可稱名迫冬則松栢獨也其色青、是尤擇夫異者邪今之大夫從政

規廟略樹奇功者無不被 召命夫張公政雖  
美猶夫大夫也張公折衝不猶夫大夫也初張  
公視事忽二人稱錦衣馳入挾之以七首要萬  
金丞簿未入義農未見蒙鋪荷畚之夫未進公  
乃子立與伍於存亡噓喻之間啜杯茗溢言笑  
坦々訑々神色無變而卒以計縛二盜設使諸  
大夫處此吾未遽見其得如公否也嗟乎聞震  
雷者失箸突糜鹿者目瞬駭投璧者按劍志不  
足以禦氣易喪烏耳矣昔曹沫手刃於柯齊侯

色慙毛遂頸血未澣楚王與之盟波二君者豈  
非張公罪人哉傳曰三軍可奪帥也若張公所  
謂不可奪者矣紳受知張公既久乃因茲卷繫  
序其折衝之義於諸君子後然而未悉乎公爾  
則亦不忘乎公爾

為孫兩生贈張壚山擢曹郎序

夫史公曰韓子稱儻以文亂法而俠以武犯禁  
二者皆譏悲夫儒者顯易見俠士之不偶可勝  
道哉設有忼慨奮世少有取於俠士者去之日

又不得杯酒彈劍以慰其悲歌別離之思是蓋  
有數焉不可逃非苟而已也劇孟任俠吳楚反  
條侯乘傳車將至河南得劇孟喜曰吳楚舉大  
事而不求孟固無能為矣夫劇孟布衣耳見知  
於亞夫豈易言哉今年夏濟西生孫紹芳傳芳  
請予指其送子采曰是父吾先兄承芳以俠聞  
游燕趙間嘗一應募塞下捕虜首功還射於澗  
沙中滑侯張公過望見承芳召問力鈞石兄即  
以弓許之未幾疾病歿後事目歸上韞曰必以

是贈也勿令我食張公言卒僕奉其弓往張公  
曰噫俠客哉翼日臨且具為之哀乃迄今張公擢  
比部主政召行乞為我辭何如盧子曰游俠之  
徒投分厯肝重取予然諾徑往不顧千里稱義  
挾轂名雄麗縣者非承芳之謂哉昔孟嘗春申  
原陵之徒皆以王者親屬籍卿相之富招天下  
雋傑顯名諸侯張公以郎官之貴為匹夫下吊  
方之史所稱忠信賢豪者是耶非耶諺曰蒼蠅  
千里即附驥尾夫承芳所謂附驥尾者非耶然

其行必珍其誠必遂存亡死生不易其要而所  
望張公者奚若今車已發輶曾不得為鉤鍵天  
之厭毀斯人不已甚哉張公見徵廊寢澡易思  
慮僂倪以自立陳匡勲庸施之鍾鼎其榮者可  
量哉是猶扼腕嗚嗚引領不數者也管昭代之  
士嚙手取功名厯臺省鳴珂鏘玉乘款段馬朝  
夕從容出與張公遊或有人避地而處之上下  
不交冠履頓絕拾草菹節粒與雀鷺爭食卒不  
得追希高蹤如承芳類者何可勝算也竊甚悲

之然猶以為性也有命焉又何怨詩曰緇衣之  
宜兮敝予又改為兮又曰蔽芾甘棠勿剪勿伐  
召伯所茇鄭武公為政人愛之及其衣召伯循行  
南國人思之不忍戕其樹君子樹厚德重愛於  
人人未嘗不以德報之孔子曰以德報德於戲  
鄉曲武斷之士修俠砥行其所攀附不如張公  
者惡能垂譽天壤哉予素知張公者於是因兩  
生之請而寓之以言

善政實錄序



傳曰鸞鳳諱枳棘而百里非亨潛此言易喻而  
學士多稱於世云殆夫以儻術起家立卿相翊  
贊其主上垂勳竹帛與三代賢者顯名此非偶  
而已也古今事何可勝道哉至若朱邑召信臣  
蓋閭巷人耳其為畜夫上蔡長襖大如長者廉  
率不苛以愛利先物所居見稱述故其去之日  
謳歌見思而二子卒以太司農少府九卿者若  
是百里信易籍枳棘何負於鸞鳳哉今人玩習  
耳目即有良二千石若長令不合於時久而弗

調者遂指爲口實此卽虎豹在園應龍盤泥沙  
昧者謂其絕文咸終不能登天澤雲霧而兩四  
海者是不可大哀也邪嗟乎難言哉難言哉君  
子於賢者之不遇亦可諒矣愚觀董大夫蒞政  
行事未嘗不扼腕而嘆也初大夫嘯上命尹  
濬而其俗好氣任俠射機利一切得獲不均則  
諄嘯而訟之丈夫相聚不得則瞋視怒詈相逐  
擊休即六博擲蒲作機巧行娼優女子則彈鳴  
絃跕履其謠俗猶有衛之風也大夫曰百姓之

行流在上者汨其源爾於是先學宮建青雲樓  
勤博士弟子負職業日省更定殿前數名實邑  
中婦人賢而有節者不時問遺米鹽衾禭征戍  
丁壯分翻武呵於鄉里者趣實之法不敢復誰  
何民間先是徭法倚重民多逋負大夫料民產  
梁平易使自占亦無所隱而復增益數千口  
白寺長豐諸陂多積潦沒民田大夫循行澤間  
砥地洩水執築金隄防之歲飢粟石千餘錢吏  
愆不敢白則大夫即上還報開倉賑給以紓其

敝田中官馬殲多水草不任乃下令禁馳負畜  
益貢內必得賢屬吏往計上之其敝獄必悉情  
稱法必及典章民自不冤以報大夫大夫亦樂  
民之弗冤也時益自勸所部鍾寺野多蝗隧  
師未及捕有異鳥群萬自天下食之殲頤以後  
沃其禾弗災衣冠之士重廉恥黜奔競持重而  
矜節閭閻之間休息安堵相忘於耕鑿濟貫之  
習一變殆盡嚮非大夫德化深至又曷能歆動  
上下若是也今年冬大夫將報政於天子夫

以大夫治行宜擢之以不次然猶埃夫三載考  
庸者其旨甚未易明也大夫宜自信而已即入  
天子問君何以治濬大夫對如王生告龔遂者  
曰皆聖主之德非小臣之力也則 天子數其  
績悅其讓尊顯大夫必有渤海者矣舍人佞裝  
行將祖道北門外大夫誼不得自敘其績乃縣  
官弟子某等若干人傷大夫之賢不早大用於  
世也遂撰其跡為善政實錄以自附於太史氏  
若為大夫立祠歲時祀享則問之父老或亦有

取於斯錄也大夫姓董名某字某癸丑進士河  
南鈞州人

碑

濬邑石侯碑

皇帝即位乙巳冬十月山東益都石侯茂華字  
君采以進士來尹濬御史按是邑者考侯政異  
跡屢薦章報越三歲己酉吏部尚書萬公疏侯  
治能以聞 天子嘉之授侯戶部貴州司主事  
比去父老咸扶杖流涕爭取擢輶幃牽裾凝視

侯面目遮道請曰侯何往我等得侯如父母育  
字腹穀是賴奈何忘我怛痛遽舍去侯何往侯  
何往是時上方嚴命促侯不可留遂去後人  
盍謳歌思侯王子歲邑耆老某偕鄉民若干輩  
議為侯立碑以永厥思乃盧橋氏從徵子文竊  
惟濬地北沙東鹵西薄長豐泊白寺諸岡縣絡  
壘嶮燠即焚如或時淫潦洳漸潭溼艱於藝樹  
賦煩政擾訛謠繼煽民將轉徙維侯下車省視  
方略磔制汰度警夷帖險日融春煦薰蒸既至

衆乃大固先是太原魏侯鈞賦已久媮偽滋甚  
侯將事預請監司受牒之日出宿佗館飭部吏  
諸不得有所關白羸精劍思推誠萬夫鄉胥吏  
保固肯誑悖丁口息養輸不下萬計明制十年  
覆籍民緣為奸債賂交至侯多方裁革老吏咸  
咽媚白手無一錢御河水漲自淇門東下汨  
走百里沒民田舍侯曰防以制水猶墉以禦盜  
墉可乘奚盜之禦於是築隄距丈廣如之命監  
者曰明年隄潰罰若後以償由是隄完固無漏

處河南賊王經率徒幾千人劫掠于延鄆曹濮之間涉侯境侯密出奇畫掩捕禽殺之侯為治務大體不拘小節人有過即不問再則決責之無少貸外峻內仁在邑三年無苛或之行是以民有恒業公鮮逋負閭閻之間生長孳息日益蕃殖今濟或載有稱舉輒曰某事侯所建明某事侯所嚴斥其治行類為人所愛慕如是嗟夫中世縉紳以官為己私挾聲勢蠹民注見惡於世人唯恐其不速去故尹子心治長安惡少

卑爾史氏已不少假藉其次何有可愛者即令他吏能善又皆見愛於臨太時獨不知其後果愛與否今石侯去濟已四歲而邑人思之為刻碑是豈西漢循吏所多見者哉因為之贊鏡諸石以紀其事辭曰

維康侯建國于衛德愛弗匱享祀永久嗚呼邈哉詩稱蔽芾甘棠勿事翦伐召公之德懋著于南土石侯以山東名族割雞茲邑翼畏黨敏寅亮天工斯民懷賢勒石頌德其沒世不忘之意

乎使侯後時乘風厲響享高官魏爵致身台鼎  
輔聖主流治化垂聲名於千萬世者顧不在是  
哉顧不在是哉

滑令張侯碑

蜀之先黃帝之裔其孫揮好弓矢主祀弧星因  
以張氏故張錐子孫遍天下獨銅梁之張為近  
始云侯繼其胄名佳胤字肖甫以嘉靖庚戌進  
士來尹於滑先是霸寶彭公蒞政治效循良侯  
紹前烈克勤克慎飾化竟務大明地德光照四

郡甲寅歲乃感嘉禾數十石為起樓濬  
廬捐作賦以紀其事臺史持節察其才能遂舉  
薦刻乙卯夏四月召拜戶部福建司主事於是  
老弱隨號創悼崩痛攀轅持轂橫當車軻遂強  
喻聞去次於黎水之陽百姓鬱邑思侯其父老  
秦綸等將表生祠如桐鄉故事列狀先請勒碑  
傳置予好其款為辭以慰之曰鬱伊岷嶓徼遙  
開陽鯨湮禹導大陸昌傍山嶽降靈精氣旁魄  
拂鬱灑擾鍾之於侯膺碩敏之姿懋大人之萃

以躍跡於魚鳧之里北遊京師灑然釋褐 帝  
心簡在授以是邑稅鞅弗違折節皇術撫循耆  
舊問民所虐痛水火質算衡石輕重扶剔憂癯  
敦塞靡固靡不究極但邑故洪河之軌西塹白  
馬東侵瓠子沙灘墳薄萑蘆播箭高下鉅湮民  
用蛟蠃大歎未竭癘疫踵至殍殍札瘥之厄家  
纍巷哭遠邇交望侯閉閣深自刻引奉職無狀  
傷為流涕迺延庶富哀列差等以相助藉然又  
命使黃家守以生死選開方藥洒濯樵爨是

勞瘁達諸面目由是民生活者蓋不下數百千  
計巡撫艾公特章以聞 上異其績賜之纁一  
襲白金十兩邑境軍民湫處闕囂詐牒雲擁山  
峙兩詞俱造龍蛇隱形聽之人無不扼腕者侯  
不事鉤鉅片言析理應機立斷訟者悅服侯為  
國家均徭恐櫻夙弊乃內設方略外示疏遠舉  
事之日霆發鸞擊里書錯愕不易畧而占丁口  
幾巨萬明年旱虐甚侯徒步禱而出二十里外  
比返甘雨隨澍歲即大穰侯取邑乘湮滅治政

不著則綜核史載章具典明成一家言以凌轢  
遷固先是燕人有任敬高章者詐密旨挾匕首  
以千金劫侯侯刑志晏如神生智長不渝刺蹶  
二盜于罇俎之間遠近聞之靡不頓首濟尹平  
湖陸公平政愛民嘗城濬民戴之如父母侯謂  
陸公曰滑與君邑實為敵援而其城睥睨視壞  
不韋有變若臨以衝車誰吾與守於是易之以  
甌基殼廩緻與濬城等時北虜猖獗河北諸鎮  
大城小邑為之惴慄獨滑屹々峙以無恐若侯

者將不謂為今之長城哉侯白面少髯温恭懿  
塞遇大事則雲蒸雷奮果敢不避辭之青萍干  
將隨用轉利無施不可翠黃汗血之馬翹陸歷  
塊不崇朝而致千里矣侯之佳光令聞垂之竹  
帛夫豈有既詩曰蔽芾甘棠勿翦勿拜召伯所  
說邦人思侯何以異是哉因為之刊石稱伐以  
盡銘贊之義其辭曰

梁益之墟粵惟坤維金精麗天哲人與期豹變  
龍升千載來遊於皇景運寔命於斯作帝股肱



慰民雲霓興伏貞峨發翫殊耽智據神殫紛自  
化裁人安物阜厥惟侯哉悠々白雲似侯之旆  
我欲從旃閩海增波海波不增侯舟沛嘉青翰  
赤羽載游載開導我滑土以紓我思福祿自天  
維侯克配

滑縣東城門見山樓碑

滑古顓頊之墟隆安中范陽王德據之名爲南  
燕天造鴻鈞雄圖割有或登或叛此雖反復世  
代不絕故漢酈食其說沛公守白馬之津以示

諸侯形勝之執曹操亦遣關羽刺顏良於邑北  
魚池里河朔有事爭城以戰議者必以滑爲首  
乙卯歲上海孫侯以新淦令起眼來蒞茲土明  
年丙辰島夷入寇瀕海諸郡汀漳延邵乘勢偷  
攘腥風虐焰煽動江淮土著之賊潛發肘腋揭  
竿斬草誰何於延衛之郊侯行邑至東門城闔  
傾軋飛堞危觀寢廢弗治廼喟嘆曰易稱王公  
設險以守其國周官掌固修城廓溝池樹渠之  
阻今滑如是卒有兵變其誰爲干城耶特部行

事官師人卒鳩工建謀隱略基址畱授財用斲  
斲板榦材漆紹聖甓甃之屬靡不纖備乃肇窮  
臺爰始磐石連絡磚甃闔扉落時槩以金錢旗  
牙劍壁虎豹雄踞轍、嶮、矗如山嶽上建樓  
四楹輪廣高下法制應圖浮柱連櫺雲征鳥逝  
雜暹復疊若元氣構天方地承輿乘墉敵愾萬  
夫奪氣丁巳三月旦落成侯暨僚佐酒酣登覽  
前引鄒嶧後擁太行左大岷右石丘四山環繞  
雲霞映昔侯顧諸逆事曰羨哉茲樓之觀名曰

見山何如衆謂之曰諾凡此役不干時而績已  
懋著帑藏不啓民享遐福帝心克厭嘉祉攸傳  
風雨時至品物滋潤士女商賈載歌載詠鼓舞  
忭咲充滿路衢非侯盛德何以極是縣丞王錡  
王文輝主簿黃甲典史謝鎮等遂劄隆石銘勒  
功伐垂彌永久以風來哲其辭曰

鬱伊殷墟與區蘊隆白馬作鎮黃汗瀆停四隩  
匪宅三民告愴戈矛橫鶩若騫若烹哲侯來臨  
溫恭爾雅緇衣透蛇有斐君子行城循隍東門

告圮啓閉之畜孰不覲我侯曰噫嘻斯誰之尤  
匱篋見毀龜玉以偷爰召耆艾爰訊爰謀敬爾  
挿眷鄂爾有家京臺旣起飛薨旣會積石鏘々  
威儀隆唱過此羯鼓建彼雲旆百城之特萬里  
無外康濯井々乘夫嘽々飲酒謔笑樂此喬關  
孰能為是介帝雄藩孫公泰宇億萬斯年

檄

大名太守移州郡讓農檄

歲壬寅月日大名太守某檄州郡諸父老曰某

不佞膺 天子寵命來守茲土作爾邦長牧爾  
唯雍熙寔守之休爾之弗克若化若育唯守之  
憂天命民息上下寅畏予豈惟夙夜遑々哉先  
是子踰河徂蒲抵陳留界道遇流餓控訴屢極  
俾予心有戚々焉夫為民父母行政令其子弟  
老弱轉徙溝壑而莫之省息惡在其為民父母  
也曩者涉冬燠溫陰陽奸忤使其民太無麥禾  
后茲雨雪有濡澤渥后土陽瘳滄滄黃膏流懸  
然而農事未講也方是仲春檄爾諸父老其悉

心聽之曰繫唯古昔聖王踐太寶垂鴻猷馭天  
立極匪唯弓矢戈矛既威定遠足以示武也匪  
唯城廓溝池飛堞楩柵足以固險也匪唯法象  
圖數足以應天也匪唯典章足以約民也匪唯  
黼辰圭冕兕虎鮫鞞彌龍駉貅足以章制也易  
稱耒耜書載璿璣玉衡齊七政詩詠豳風春秋  
書六月兩周官太史順時視土贊王耕撥庶人  
終畝凡此靡不以農事為首務爾諸父老附山  
澤依阡陌道暄曝皆頌弗躬率子弟深耕力耨

遂令腴脂封壤境墉弗易榛蕪延蔓使水火之  
化不行夫然後上違徵科之令下凍餒其妻孥  
貫質不足則弃鄉里背墳墓散而之四方使其  
廬狐狸為穴鼯鼠跳梁蓬藿橫翳過者指為丘  
墟不亦悲虐且夫恒產所以養恒心也以故子  
弟多孝悌使無恒產爾欲使子事父弟事兄天  
豈無犯者得乎哉夫天不秘其寶地不藏其利  
盡天地之能而利用厚生者存乎人爾父老擔  
其四體五穀不分糶之流離困苦而後憤怨天

地咀吮民物是惑也夫麒麟鳳凰苞彩翮遷不  
是以充舖琉琳瑟瑟碧珠琅玕不足以供炊沙  
棠桂檣揭車之菁江蓠之英芳香酷烈不足以  
給饗爾父老淫習竒異急於耳目之所難繼顧  
不近取諸舉手投足之至易者何邪夫考玄索  
急探性命之曠談天人之蘊者士正行也面方  
眡勢割器尚象極劬工之能者工緻考也積貯  
市廛行居貿販以供征權者商通經也而農蕪  
其疆星舍其鑄耒耨律山境河所事平且予聞

庖羲樹藝五穀肇始也唐堯平秩東作重務也  
有虞敬授民時勤政也夏后成賦中絕則壤也  
夫聖王崇高富貴方且畜之樹之翼之播之不  
恤旡眡愍々乞々如是爾父老恫恫顛蒙頑而  
居約企視聖王萬々不逮而願求所以過聖王  
者是耶非耶予又聞周制九年耕餘三年之食  
一穀不熟曰饑二穀不熟曰饑三穀不熟則國  
非其國書有之曰民非后罔戴夫民以衛國也  
國而非國誰之咎與曩昔吉囊窺夏大入薄侵

太原之墟積粟殷陳卒老其師以挫其鋒仍致  
大俘向使投鞭河山以東之國農務既弛抒袖  
其空爾之子弟化為羗羶爾之妻孥披髮左衽  
豈惟餓死溝壑委骨函夏而已哉方今春氣融  
蘇爾父老其親率子弟躬耕畝晦者故喻

對

對衛大夫問

衛大夫問於盧柟曰聞滑令張君肖甫以才量  
儋二虜先生越境遠言謂非馳辯以詭世與何

偃蹇諧刺之已甚也盧柟筦爾而笑曰然誠有  
之大夫固以此誚僕僕亦誚大夫之未盡善也  
請復以所聞楚王好虜瓠委積如山三年不收  
而化為鮫好黃支車渠幣之以網縞好周之彝  
商之鼎夏后氏之龜玄纁十襲藏之秘府朔旦  
有事必齋戒沐浴而後敢見其物益珍愛之益  
貴非獨人為然鬼神亦自有之也是故黃帝張  
臯洞庭之野享山川洽群神臯搖手層霄之外  
夫瓦缶之音奚足與之感天地哉歐冶子鑄干

將之器泰乙鑿壇飛廉鼓索雲霧晦冥升降乎  
上下夫鉛錐之末豈能與之動造化哉冰獨鬼  
神為然士亦有之也夫君子鍾山嶽神秀崛起  
佐世將銘功山石雖少膺險難而神明已被其  
賊夫草苴之智抑安知天之所為哉大夫退曰  
先生行乎小人也誠不能知若事

傳

申氏傳

周道微而棠棣之詠興晉室衰而楊水之賦作

先王立教始之義詳著於飲食慎密於閭泉非  
苟而已也將謂親比之道足以昭遠逝而縣疎  
梗也敦天誼齊民情比之以里閭同之以鄉塾  
締之以姻好交之以社臘連之以溝洫會之以  
井牧視患難疾病而差相吊慰鄰有喪春不相  
里有殯不巷歌先王之教民淳風懿倍亦甚厚  
矣哉及其既衰離父而居背母而炊違宗黨而  
贅富室竊娣姒之資而充婦屋喋血裂眚於鉏  
耨井臼之間官長歲敕於庭里胥日鉗於市由

是廉恥之道喪禮樂刑政之典缺矣瀆鄉鄙民  
申銳弟遂嘉靖初俱析爨以處役力阡陌給食  
耒耜備養各適其力以搏節恭儉教子弟畜雞  
犬黍釀待賓客儲粟帛以供錄賦渾樸同塵偃  
仰村舍雖太古之民日與草木禽獸媿々相處  
者何以過是哉銳卒戊申歲距前異業時約二  
十餘載銳子文選遂子之進各以材給為府縣  
掾屬言動法於宗族行能飾於鄉里聲譽昭於  
士夫不謀於私室不議於朋友二子各奉其母

還合前業廐無異焉用無定器衣無常體奴婢  
無卒主歲時雜拜堂除飲酒稱壽愉响權款以  
娛其母鄉人賤刺則笑甚則拱而退故當時聞  
者始則斥中則疑終則賢之梟與處民間子孫  
負貪嗜財產者率直之以鍾寺申氏而先王設  
里閭鄉塾姻好社臘溝洫井牧之教其義於是  
著焉淳丘子曰孔子有言禮失而求之野先王  
典禮草茅所未習若鄭莊魯桓諸侯之貴獨於  
兄弟不少假焉者何哉有能繼聖統紹易傳法



春秋游志詩書禮樂之際而既得其意者予何  
敢誣焉申氏先入循民俗異土託處亦古人裂  
封之義至其子孫能忘町畦合室廬絕無忿悖  
爭爭之意其視尋常不亦倍萬也哉詩曰刑于  
實妻至于兄弟以御于家邦申氏殆庶幾矣

讚

張公讚

夫聖人明時而變化賢者承運以立義故象緯  
之數物理之化造性命之微極情文之蘊有求

洞玄源發真閭者不足與議也唯至人者約天  
地於毛髮揔天地於肢體通之為川塞之為淵  
升之致雲雨下之澤膏土是故傳說版築卒相  
高宗尚父漁澤濟顯牧野此蓋乘風以振響與  
期而流福澤所以神變化也子胥浮於江大夫  
種滅於伯屈原沉於汨羅賈誼沮於長沙馮都  
尉老於郎署此蓋明世偕否各適其適不亂行  
以溢志不徼欲以叛道所以梟命運立義制也  
安陵張公為濬三年治政廉平百姓謹誦未幾

以病三致政於有司得歸嗟夫此泚泚於變化  
萬於立義者與吾聞張公有言曰榮行不如適  
性兼任不如守約夫進則仕職得聖人變化之  
權也退則彙行得賢者立義之真也易曰君子  
見幾而作不俟終日張公以之矣苟曰上下易  
方台衡有司易遜張公陸沉宜若不相及然蓋  
不知黃鵠一舉千里斥鷃翱翔蓬蒿松菌同斃  
彭殤齊年此皆達天地之化忘物我之觀者也  
且夫李斯嘆黃犬邵平匿東門張湯載以牛車

長孺沒於淮陽董賢赫於成室楊雄隱於太玄  
何待於彼何失於此哉張公非台衡之任則有  
古傑士之行其陟泰山踰梁父跨溟渤尋務光  
揖滄子御六氣之辨而遊造化之外也余何言  
辭

故濬尉靜菴蔣公哀辭

公諱某字朝用世為登州棲霞人自公以上至  
曾祖大王父皆以端慤直方見重閭里然亦不  
大顯公生年十六以明經補邑諸害遂籍有

嚴公年少負盛氣卓犖魁絕援賸經史諸子百家之學浸貫鴻潤深入閭閻人有測之者森涵濔泓渺然無津涘可窺至其為文則洪放博衍糾指搯擢描寫古今人物治亂日月列星水火雷電山嶽河海鳥獸龍魚蓄祥事誼變態無不纖備一時朋輩咸貼然推公稱首嘉靖初有司以公名貢京師天子廷試中式例即教公慨然太息曰某讀書當拾取甲乙科第益自奮拔樹功名見用於世即不遇則已又安得遠名流

與壁魚蠹簡冊中乎因拂衣去遂病風癘家居十餘年丁未歲或勸之仕辭以疾旣而曰官無事卑以盡職為能孔子不羞乘田委吏急為行道爾始發軔詣吏部補濬縣簿時山東毅菴石公以進士宰邑事政精明吏無私交上下斬、端僚警服公與之言咸中委以政公迺觸澂洞姦推堅疏瘕治具張弛民咸懌悅未幾公疾發大寢濬自縉紳大夫下至園臺司養之士偕走交致醫藥朝夕唁吊無懈明年春三月癸

卯公卒年五十二嗚呼登州距海數里海中多  
山穹竒儻碧而貽貝玉玼珠蜃之屬往、依附  
興吐雲霧變化城廓樓障船車旌纛旗幟其霏  
異之所窮盛之不踰則鍾而為人必有忠正文  
彩琦瓌之士生其間若公者殆非所謂其人耶  
或者疑公之事業不集早見厭棄謂其霽異所  
感神恠虛幻以為華而不實之驗若伯夷魯仲  
之晏嬰田橫雋不疑薛宣匡衡公孫弘逢萌皆  
以賢豪是何清淞之氣特感於昔所謂神恠  
虛幻萃且不實者獨留於公耶識者必為公辯  
云因作辭以哀之曰

夫何東方之大人兮矯烟霏而翱翔軼游鑣於  
扶桑兮搯若華之朝光被雲霓之錦裾兮倚閭  
闔而延佇顧余心之侘傺兮歸弭節於海渚茲  
幽蘭之芬蕤兮悵惛鬱其誰語永修姱而匪道  
兮曰予埃時而輕舉擬南昌之仙尉兮躅衛上  
之清塵視康侯之先軌兮霈洪澤於蒸民翼岡  
陵之弗墜兮頽徽福於鮑荀何造物之膠戾兮

俾梁木之先朽歲涖灘之吉辰兮楊翩之素  
旌駢馬哀鳴以四顧兮悲風起而長號指青交  
之脩阪兮君於此乎道遙送予懷之恨之兮擬  
江南之大招

誄

滑尹張壚山祖妣哀誄

嘉靖三十三年三月十七日滑明府張公祖妣  
大封人訃報至滑盧柎素衣縞馬聯詞越境就  
其主再拜哭且為之奠禮也義月羅彩哀雲結

觴庭瘁織柯池凋素芳痛泉室之永隔悼蕙帳  
之如存想殞位而軫念撫靈衣而沾巾國蘊闈  
彥之思家隨母儀之泣輒興辭於下陳翼旌德  
於罔極其辭曰渾厥既劍象緯殫形式維綸紹  
肖以儼營緬彼岷梁闕閤締初蘭光啓度金魄  
降精鍾茲美媛於蠶文里奇馨苾葳豐霽迤瀾  
幼而嚴凝長則斐亶棲景昭華應圖女史待年  
既至此跡乘龍玉笄載瑤璫掃有容如山如河  
象服是崇懿此昌軌惠我王風鵲巢既居泉水

斯賦孝先蘋蘩敬惟保傅陳詩挹藻獲禮思裕  
展如之燬緝其永祚兆運冢嗣發祥元孫岐函  
蔚鳳冥海飛鯤影磚方輿轂蔽崑崙芳猷殫著  
義訓聿敦閭闈風清簪禡霜屑春融宗姍秋照  
臧獲弋綈在御紛華匪悅壺政淵宣陰英之特  
造化沕穆幹流變遷氛翳晝晦雪散宵捐瑤質  
既毀瑤鬼無還隳音虛漠佇綵空烟嗚呼哀哉  
閨扉晨啓素幃夙開溫醞微陳槃殮將頽帶銷  
鼓沃禋組髮慧遑、有北莫之能陔嗚呼哀哉

鶉鳩鳴兮黛草殘秋風起兮變羅紉音容霽兮  
長夜暮金膏滅兮華篔寒雲仍擗其號咷私倩  
痛而汎瀾顧視天之夢夢雖蹈地其何攀嗚呼  
哀哉大漸斯臨四顧彷徨執手啜吧神色沮喪  
願遺言於白馬杳萬里之莫將卒飲恨而長逝  
寄永愛於琳琅壚山之岳巴水之鄉壘馬鬣兮  
啓玄臺綏靈寢兮壽黃腸諒佳城之不可渝兮  
享千萬世之休光嗚呼哀哉

祭文

祭李復坐郎中文

維嘉靖三十二年歲次癸丑十二月癸酉朔越  
二十日同邑布衣盧柎謹以少牢庶品之儀敬  
奠於故河東督轉運鹽使司副使前工部營繕  
司郎中李公之墓再拜哭且告之曰嗚呼士有  
慷慨悲歌杯酒彈劔意氣相傾者少罹魑患即  
為之決胞臆剗心膺痛哭流涕無已者則其心  
為何如邪若迺培鎖裂垣澤及枯骨權奪造化  
之私惠洽茂育之德公其視慷慨悲歌杯酒彈

劔意氣相傾者何間矣一旦天隕玉棺世喪游  
龍逝川莫廷大夜長扁琴軫雍門之調歌傷蒿  
里之音其罹禍患願謂之少邪即令僕不為之  
決胞臆剗心膺痛哭流涕無已者是不可得也  
已昔公首宰咸陽繼佐大郡滇河治民何若風  
采曾曹擅兩部之英王命獲三錫之顯古稱良  
吏若趙中大夫白公魏西門豹公豈處出其下  
哉既而權奸扇件詔獄逮加公獨處之晏如謫  
判寧國人固以此高公矣讎者哂公誣以他事

太公官公之來歸一無愠色教子課農容心澹  
漠此豈愁憾嬰心汲汲於功利要勢者所易及  
邪始僕被囹在獄公於當路曲為解原當是時  
僕貫三木負明刑蓋不知公果能出僕公亦不  
知僕之有今日也今僕既出乃公之墓木已拱  
把思為公陳視形魄伸展衷曲極平生冤頸頓  
陪之苦者而今不可得矣且公之蓋棺幾時也  
長掩泉壙幾日也未已者尚不知公之已矧公  
之既已又安知已已者今復不已邪公邪我邪

乃大變耶抑亦恍惚不可為辯耶或謂禮喪者  
之墓有夙草則不哭公之葬已久而子哭之或  
失之緩審如是僕前所云又何為耶夫哭之  
及時者物理之精不可哭而哭之者吾道之靈  
公之靈馮日月騎星辰御六氣之辯以浮游於  
兩間者其必有鑒於斯他復何論哉

祭鼎次山翰林文

維嘉靖三十四年歲次乙卯三月丙申朔越十  
有二日丁未濟布衣盧柟謹以牲果致奠於故



翰林庶吉士次山晁君之霸再拜哭且告之曰  
嗚呼次山君少年起甲科登翰苑聲名籍於  
京師方二載未幾棄世長往天之奪君亦何速  
耶次山鍾毓奇秀風思俊朗讀書涉濶瀚無所  
不至肆之詞翰僑僂瑰琦若周之鼎商之彝陳  
列左右風乎如朱紘洞瑟升歌於清廟也識  
次山者謂其特鴻氣固為福壽之徵乃一病洽  
歲體孱而憊心僂而疾脉理不治卒貴立  
以成者謂之何哉昔次山以事入州治余時在

論貫三木金鐵匍匐道左君晚之曰去余竊望

次山額角骨隆出黠髮豐頤奇步遠視夫人貌  
六法象伐薄者弗壽惟而橫感者弗壽殒回聞  
謗神不隳括者弗壽次山形宇超曠宜濟遐齡  
而頹不永年者吾蓋不得而知之矣說者謂麒  
麟鳳凰不久畜於家鄉雲不崇朝而散希世之  
寶造物者所愛夫次山固天之至寶也既生之  
而復取之則亦何怪耶夫不可怪而怪之者吾  
又深痛惜乎次山矣嗟乎次山余刑僇囚僂也

以君父子再觀日月是死者復生生者反歿將  
謂天道為不爽耶就令余待下風聞續論又安  
可得耶往歲次山訃至即欲拊棺一哭而阨於  
貧賤羈於官府萬有不可道者每輒東望愴  
汗交作余固知次山將原之弗疑而又幸亮其  
不黑於負德也次山乘元氣上下宇宙其必有  
歆吾之享者矣

蛟螭集卷之三



黎陽盧 楠次 著

同邑孟華平明瑞校

長清張其忠伯蓋梓

賦

幽鞠賦 并序

盧楠既用事遠繫濬獄與幽囚伍替憤迷惑目

無日月不知晦朔仰天太息曰嗟乎聖人修身

善道立命不貳賢者推運循理以定所天願楠

徵眇離茲憲網問諸造物而已因在賦以自廣  
其辭曰

帝顛頊之嬋媛兮皇波淮乎姬姜儻海岱蜿蜒  
於北阨兮霸宗嘉熾於范陽暹雲雷之霍靈兮  
踐蹠改此南服淋浚土作甘美兮躡康侯之芳  
躅皇傑梧董道以迪惠兮母氏靜約而告育曰  
余夢文杏灑亂於霄漢兮芙蓉暎而尚粹溘焱  
焮儵而進兮應龍鬚々而下駟偵物亂以甜醜  
兮頽乞攫而速端億錯指以群號兮明駟々而

決甘倏恍况以隕虛兮覺懷妊而因慧此余母夢

審余降於衛潁兮幼好姘而岐嶷岌青雲之偉

冠兮挾長劍之陸離朝晞余髮於崑崙兮莫濯

足於咸池擘招搖以為袪兮履彗星以為綦余

長喙其歷之未現兮勛修余之菲芳裁薜荔以為

衣兮衷芙蓉之翠裳集菌漚以為藉兮糝杜蘅

以為糗揭旌於蘭皋兮稅駕乎芳之塘余迅滅

鞞以高舉兮汨鏃翻而顛隕謂曾參之殺人兮

談市虎而成損蒼蠅習々其貝錦兮魚目敘明

月之璀璨嫫母慈以媵媵兮擯西施之頰婉而  
自啣蝮虺仇於几筵兮戈鋌森々以刺余目  
既阨余之庠廡兮又謨之以鈇拳低曼睞彼狴  
犴兮桀血斷而封矚宵闐怒以躡踞兮視將躩  
踞而矯鵠檻膠蠹以黜軋兮棟偃蝮而隳翳線  
纏々於伏棧以苦余兮仍反接而窘辟耳嘈々  
若有聞兮何迤迤而拂惛目炯々以或見兮佇  
鏗勿而復贖神軼氛習々以涸澆兮精憧々而  
往來覺塊然滯此一方兮心惻々而增哀縣鼠

淫喔以啗余髮兮魑魅含睇而羸羸偶器々相  
哺以對泣兮禦糾々而可護般逮余兮紛魑緊  
鵬鳥之巢蚊睫兮鳥能戢此軀也枕難常以燕  
憇兮又誰知不我虞也悲時聒之遄邁兮曜露  
忽其西藏激霜淪而下降兮悲薜草之不芳高  
馳志乎雲中兮竊精氣而相倂玉喬衛々而弗  
頽兮赤松告余又荒唐行偶々獨自莫兮安放  
乎不歿之鄉橫衝波而激舟楫兮夷吳搖首而  
張怒歷泰山之坎軻兮魑魍齧時以當路援狄

遂以在神兮雖輕捷其鳥公鳳凰之羅爵羅兮  
爰之華羽抱鬱軫以顛處兮呼蒼天以為  
直戒五嶽與嚮服兮禪河海使聽豔容繇素以  
不聞兮玄武遠而莫測何羣神之豐兮霧炳  
而罔恤夫余既不能蟬蛻於茲蕪穢兮眇  
風而長驚心結思於大荒兮魂荒兮而上度激  
音雲之霏兮飄風回而霖霧載玉女於後乘  
兮飭豐霑以先路義和儼以驟藥兮望舒翥而  
傲御征輕輦之闐兮鸞銜以迥步承雲

霓之氛霑兮靈旂續紛縵虬手翠羽挹朝霞以  
為涼兮吸沆瀣之精英漱華池之飛泉兮聆鈞  
天於帝庭素女涕瀉以淋浪兮問絃瑟而唧嚶  
處妃歎歎以結軫兮潛咨語而沉情余凌軫虛  
而佚蕩兮將擊結乎三光撰余轡而馳騁兮問  
元化於句芒採三秀兮眺瀛洲之渺茫弭余節  
兮聊解珮乎扶桑暉南州以凌厲兮嘉桂樹之  
叢叢兮召風伯以驅燠兮謁炎帝於清宮何蒼梧  
之鬱霑兮重華穆以揚靈湘密鱗而覩瀼兮二

如胡為而弗從決白門以西望兮覲華收於金  
樞氣浩以莽曠兮薄崦嵫而誰須觴王母之  
仙妹兮挾瑤池之芳都指玉勝以為約兮歌白  
雲以相愉荃既締余以好艾兮絕弱水而進輅  
齊王轂之磯兮指寒門而並騫軼鍾山之幽  
黠兮令照之以燭龍召玄武為備禦兮勾辰翼  
乎紫宮託鸞鳥為之先後兮問太乙之繚垣霽  
刻以黜約兮鳳凰承旂而飛軒雷師礮礮轟  
溢以震盪兮烈缺偏燦而施鞭護屬員以堪今

兮聞咤噫而俾還卒攬涕反此舊都兮潔蓬篚  
從卜乎巫咸曰天地無隘兮物無終始變化互  
渝兮幹流還造形氣轉薄兮或浮而沉造化沕  
穆兮禔福無門聿性命之難言兮誰知其極焉  
物斜以霧盪兮又安所止息惟大人齊物我兮  
以天地為廬舍總山川於毛髮兮騎日月以為  
馬夫有虞之潛歷阪兮當曆數之在躬夏后聃  
胝而陟大寶兮季有充於黃熊震龍漿而夏禮  
兮顧駕禍於周庭白魚躍以膺大命兮劉氏顯

而有功奚五羊以自鬻兮由余振於西戎尚鼓  
刃於海濱兮仲父射鉤而桓禁仲連談咲以郊  
羸兮胥重繭而存楚條相后而餓死兮贊瑤筆  
以光輔墨不黔以衛道兮孔轍旋而微伍光猶  
不以自湛兮夷顛頷而振古夫道固無涯溪兮  
行焉知其所知惟恬澹與寂寞兮斯貞人之攸  
居從委命而樂流兮遊寥廓之鄉忽喪我而無  
是兮觀太初之茫余記此游與遊者曾日月  
之徜徉忽歸魄於玄壤兮又何足傷勉修余之

傲服兮珮芳澤之幽蘭紉揭車之落英兮襞江  
蘿與射干飾翡翠而綴珠被兮爛的樂而芋眠  
組綺縞而飄揚兮下結之以雙璠余媿美而自  
鑑兮何媒灼之可攀大君眩而弗御兮亦余心  
之嬖嬖奴奴系曰天地緼綸何時明我欲見之心傍  
徨輾轉懷憂秬自傷超軼絕世窮大荒帝極洪  
洞不可量緘悲歸來卜巫陽勵志肥遯含大章  
獲我所思樂無疆

放招賦



盧柟繫獄三年形容枯槁智慮殫憊若就死已  
夫卜巫彭往見之曰聖人慮事遠而識見明夫  
子懷志惓憊魂魄滑異寔之弗招迨就之替恐  
不能渡諸技焉盧柟曰楨榦彊固則魂凝精氣  
專一則神澄余無所用招為巫彭曰夫子孰與  
屈原嗒斤、慙、揚、而懷沙湘流窮招弗  
返廷彈思於師陽夫生不用招奄者既避而後  
備衣長嗥宜乎長逝遠瞑與終古而寂寥焉遂  
天招曰魂兮歸來歸來何為乎舍君之修幹散

而之四方且捐君之先故獨無所傍徨且歸采  
歸來場氣雜糅恐君之懼傷且魂兮無東東有  
巨壑且天吳八首壺鬢血斷且封狐九尾譏笑  
昂瞳且羿狐狼矢羽日懸淪且竟兮歸來不可  
為鄰且魂兮無南南有乘眠鑿齒袒搯拔釘射  
蜮是食且俊妻甘湍十日峽嶷且競貓交踵儻  
矧千里齧人齒、以談其隳且魂兮歸來離此  
不可測且魂兮無西西方之氣白濔莽曠不可  
識且吳姬掩昧日月所翳且黑水淵濔渺茫淠

嬌且女丑之尸蒙面奇恠且開明人面瞪視鼻  
 肩且蝮蛇仇々雖豹是植且蝮犬狺々從首得  
 噬且招拒是司注恐見痛且魂兮歸來無為遠  
 邁且魂兮無北北方不可言且燭龍長暝玄豹  
 躡且貳負反縛石室園且窳窳龍首甘人吞且  
 建木九櫺葉續緒且五穀弗育斲冰殮且魂兮  
 歸來何逡巡且魂兮歸來歸來君無上此穹窿  
 且帝神威取馳使豐霤且豺身烏喙被髮髮々  
 且巨靈淵目其音若鐘且搽啖青蛇吻膠絜躬

且獲

獲人不自顧且魂兮歸來

君無下此

黃壚且羶羊類類負婪若舖且印鼻血吻九頭

殊軀且驅々猗逐甘啣顛顛且八桂森挺齧若

槁梧且魂兮歸來君何取恡且魂兮歸來懋華

夏且羲和傲御望舒逆且四時軌運交受謝且

玉燭均調昭大夜且昌光弗鬱八風華且象緯

諧度道光化且魂兮歸來暴無射且山岳盤礴

五丘延且隩樞寫宵汎流泉且巉翠連漪競秀

先且偃佺隱淪往來聞且瓊英玉津碧藍田且

遊探掄採茹延年且綺環呈露俟嬉悽且魂兮  
歸來都便閒且神州華城滿宇宙且伏后妙姓  
歷帝胄且朝市勛面宮殿湊且冕旒黼辰蒸會  
秀且紘統藻綵文數有且杠高九仞旒羽琴且  
態虎翬畫擁先厚且三圭徹侯威神搆且獻法  
惟寬流澤懋且天德離照多善宥且魂兮歸來  
美休邁且豕韋東辟康侯神且浚宮有嚴次醜  
鱗且戶牖閒靜媯嶙峋且魂兮歸來暱親臣且  
夏屋阿閣抗山梁且旋室嬈娟飾壁當且三階

乎城黜堊章且方連采魚繚金網且玉女牽牛  
闕紉窻且偃仰儼雅交佩纒且蘭風靡離浥蕙  
允且曲屏雕疏被芬香且朱線黼黻畫長廊且  
圖繪譎佹矯飄揚且礫熏珠箔鳩翠翹且碧璫  
綺縣熠琳瑯且金缸銜壁幪絳綃且象俎玉樓  
荔組繡且綺縞續紛羅幃高且珠被的皜綴瓊  
瑤且隋侯夜光蘭燭華且烟開洞房徵女娃且  
兮曹代御靚婉娥且周鄭豔女粲芬葩且長若  
落英艾鬢髮且織紉綺縠霄以嫖且調中易心

都其可嘉且肌理膩靡柔惠婉且靨輔貝齒宜  
笑嫣且蛾眉睵嫵目光爛且長袖善翳惠音歎  
且曼睽微波流視盼且精彩神授志彌變且琦  
姿艷逸殊瑰變且揚詩約禮靖不亂且離宮別  
館侍君之宴且桂區蘭畹密叶闡且繚簷闌窈  
盤雲綺且穹臺倚榭鑿方池且碕磯小山扈溶  
涯且芳若射干施葳蕤且毗卮芙蓉綠波湄且  
文鯊赤鯉泛塘陂且瓊簪珠級連姝麗且蕪茵  
步輦極游嬉且魂兮歸來魚久違且庖廩肆事

殺錕盈且黍稷麩麥刈香稷且秦薤蜀葵異鹽  
蒸且越橘甘酸香榛淺且若醢鹹酸八物豐且  
載脯靡鑿膾彌精且馳峰熊躡薑芷馨且肺臍  
炮臍桂椒行且鯉鮪鯉瞻鳩鷓且鮮鸞鵲  
膳釧羹且五齊三鬯羞豆腥且酪澤蘓臠獸脂  
莖且疊樽刺鏤雲氣縈且玉酒漱艷九醞清且  
靄和希液夏凝冰且瑤酌芳潔娛恊情且趨來  
故躔媮臬有寧且西清東序列巨虞且應棘搏  
拊考鏞鼓且僊鍾句聲塤箎敵且雲門五莖蹈

大武且大雅既希鄭衛陳且女臬駢進簇中綸  
且新聲絕妙窮激音且激楚結風陽阿繁且義  
人半醉色靡激且明眸皓齒揚朱脣且目略激  
眇遺精神且竒服交璫望之若雲且二八鴈次  
舉趙舞且瓊指鶻驚鷓鷯下且凌厲赴節動媚  
嫵且竽瑟聞奏抱鳴鼓且羽綸鱗田絙雙廡且  
吳歛宋音遞絲縷且危筵離徹藉毳氍且促觴  
交膝隋簪襦且沈酒繼夜勞珍厨且醜醜解醒  
戲侏儒且欺德鵠眈詭覲覲且鞞鞞韋鞞儀林

胡且躡鋸躡躡緣都盧且娛酒饌終步欄灑且  
周覽岐視聊臥蹠且攄翰撰思文璠璣且同抒  
賦歌畢歡娛且魂兮歸來恣所圖且瓊轂翠衡  
駟六駟且旌旂承雲建格澤且貔貅擁趨桓輝  
赫且孤旌枉矢載鷹獨且采芘道被芻遠獵且  
一陵十藪虞羽骼且麒麟驕趨伏園柵且鉞連  
駒駘蹂羆縠且鳳凰驚鷓鷯鴻鵠且鸛鷓鷯鷓  
悒悒且夏搜撫逐彌平陌且血輪割鮮多躡  
躡且游戲倦刳言旋宮且較施創刃招友朋且

重觥錯几張華燈且伐鼓闐鞀鏗石鐘且絕夜  
連曙嘯歌棕且樗蒲角巧有瑤枰且象碁犀齒  
五木行且一呼十盧射先名且剝柏蹕蹕白日  
窮且懷思長鏢壽岡陵且魂兮歸來永安貞且  
淫佚縱度賢聖嫌且周穆八駿康遊畋且有窮  
不執讓隕顛且肉林酒池商辛殲且愍鑑不遠  
魂匪湛且三后五帝憲章廉且盛德昭屆四海  
園且馨香至道徹之天且紅索續典載藉醜且  
禮樂苑囿文治淵且魂兮歸來端視瞻且亂曰

青陽攬帶兮萬物發生桃李灼華兮芳杜蘅

君之故兮趨慌惚游覽高舉兮窮淹未蒼塢日

駕兮扛虹旗飄風注迎兮君不來驅驅嘯兮

飲石泉松篁叢霜兮杳不見天背行誘驟兮馳

堂隍周游上下兮歸故鄉若木敷華兮騎陽靈

白露灑浩兮臬蘭辭榮時不可再兮日嗟跼瀉

鴈唳兮水揚波崇期恢曠兮芳草茵方軌結

驚兮車轡一衛之游兮岷之南雲溶一兮發澄

潭一霧駕兮步晴嵐魂兮歸來脊盤桓

家集 卷之三 十一

惜敘賦

太陰為室兮叢棧昏玄雲黩霽兮殺氣淪夔

盱天兮鬼啾豨鼠呻吟兮虺蛇繆織夙鱗

兮被髻鬢精淫恍惚兮蝮上蒼聖澤霽兮豐

周道砥兮有枰狡童兮輕桃駝陔陀兮道途

兮趨志驕寒越荒唐兮莖澳忍洞兮顛福兮

鵬鴛鴦兮從嬉攀網罟繞被兮矧機綸相綴

窮觸兮殷恒結軫禍延考妣兮童稚離隕室家

墟兮蒸靈匪茂隱真身圍牆兮玄夜長紅霓

孽兮日無光痛哭是昊兮結惛招帝閭兮

般自列兮莫聞痛際天兮我柏往若逝兮

淋將來兮安宅檻虎豹兮熊羆文威絕兮孰

為憲早網兮冤頸反舊鄉兮何期山龍送兮

桂枝禽獸號兮猿狻啼羈縻兮離憂羗長苦兮

物類我思

秋賦

楚襄王與宋玉游於雲夢之臺舍蘭臺之館浮

漢沔略江潭射楊林眺蒙山游旌蜿螭泐象緯

嬋輝蔭三湘氣彌七澤倚蘭幽以承珮芳桂遠  
而延輓輦瑤華之續紛翔翠羽之翩翻於時涼  
月懸珪白露凝輝寒風鳴條微霜沾衣宵霧霏  
兮遠山峯暮煙橫兮長河濱王迺抽牘揄翰以  
命宋玉曰疇昔雲夢之遊子大夫為宣人賦高  
唐未及蘭臺之駕子大夫為宣人賦雄風方今  
日馳虞淵鷗鴻先鳴汗湯淒澳無以攄情子大  
夫未有說辛願為宣人賦之宋玉於是逡巡改  
位離次跪而稱賦曰臣聞天地無閔乾

斤衍剛柔沓分時序交禪春華發榮秋實振晏  
其為體也博確鴻固專翕廉凝收斂像類參伍  
元英乾健不息弼成罔極上備天道下全王德  
龜之時義大矣哉夫其朱明既退招拒斯昂蓐  
收弭蓋少臯弛裝闢白門肅金方韜炎颯激清  
商焦溪涸而不流沸潭潛而弗揚爾其為氣也  
氤氳膠戾溟翻頽隕翳綸菌掣蹶礪霈翕  
忽、撞塘磔累若迺觸土囊汗汚之口噉大木  
園杆之竅燹厲叱嗃迴戲突嘯聒勃礪駭踳躡



攢號倏拂改節和喁稍嘈啐兮若促絃柱而擣  
箏秦迪兮若逸擠攜而鳴埴囂細緼窳圍橫酸  
鬱陶爾其為容也澹淡晻晻皓暘曠擘斤塊  
湧邪落鴻啟荒裔凌厲上下窟窟黠靄轉薄游  
氛軟蕩紛態橫出蘊懷悵惘蕭瑟寂寥悵悵  
悽孤臣孽子遷客棄婦莫不感心傷氣流涕增  
歎雨其童濯嶮嶮分披品壘疏離案衍宣回菽  
壑泐岍岍嶒羣山蕭索劉厲彌平寐寥空嗒於  
是清玄海落長江抑鳥澤熒扶桑潛溥淳滴密

鱗崩讓霜疑龍窟靄落囂房鮫人泣珠海童滅  
充陽侯馮夷天吳侗像魂銷魄揚率悉愴怛若  
迺芟縻森蔚泐寥林塘隳葩格標伐萌沙棠繫  
精於松檜之林獵芳於桂林之圃被杜若委庭  
蘭蒙江蘿夷射干翠葉紫莖朱萼秀花隨風振  
綺應日傾葩於是鴈遊江浦雀流海濱燕歸玄  
穴蟬寐窮林蟋蟀宵征鷓鷄夜吟陰凝氣積萬  
物凋瘵倘有后斂後時削跡未逮披零雪衝東  
甍折豉裂吻而灰者不可稱計若夫志士坎壈

中人薄寒寒產淹留感時增歎惻墮迹節念舊  
悃恩僚慄於邑絳結弗變此夫閉藏萬有攝節  
造化忌盛憂滿唯繇之謝王迺乘戎輅載素旂  
服白玉駟雲螭居明堂命將帥誅暴悖明好惡  
嚴斷刑修法制繕囹圄決訟獄感氣順化應時  
承治所以張弛乎仁義之道彌縫乎禮樂之文  
於是東漸西被恩殫無垠修辭鑿齒之邦結胸  
驪頭之民懷鳳凰箱麒麟繫猛獸龍文會薦上  
國亮珮肆於昭聿皇萬々歲

天目山賦為孝豐封君南山吳公作

吳王夫差畋於具區之野王孫彌庸隸乘大夫  
申祥儀御王望見天目之觀蔽薛塲塘會凌雲  
椀第鬱輪囷薄乎中霄王命彌庸眡之對曰茲  
所謂靈祲也王曰靈祲何如彌庸曰昔禹封九  
山含精畜雲觸石吐氣淡湯龍鱗蛇兮獨上剡  
兮池崑紆々紆々莫知所以爾迺滋草木旅禽  
獸窳備恠填珍熉駢田隱埭萬物翔奮疇昔之  
見無迺近是於時申祥儀進曰太王察彌庸所

稱織機參離巨體塌戾可謂剗造化之渣滓而  
普於盛德之符契者矣且夫維揚之澳碩人森  
起翩兮若威鳳苞彩翔秋旻矯兮若游龍凌倒  
景昇河津曉兮如日渥兮如雲變化無方孰者  
為鄰伯啓毓於奇石傳說騎乎箕尾茲山所以  
發精於詰毫作鎮於江汜若夫撫草菹之見禱  
頰舌之談臣雖化陋荒憇所不敢聞也王曰願  
為宣人賦之林儀曰唯

惟吳后譽茲爰壤兮須女繁其岑日疎捩隋之

陵嶽兮遼寬妙乎叩嶭陟翠微以盤姍兮徑造  
天之崛岉踞虎豹而縣眇兮純眾山之蔚嶮礧  
嶠催々之銀錡兮恒矍々而掩襲馭沉々以轆  
轤兮巨石斬々之摘翻南嶼岵嶻橫山嶢々靈  
宕玉華鬱律宰崑嶠差波波揮援獠獲宕洞嶰  
澹究豁豁豁豁谷牙洶霏劫梧危脆傾崎嶇覆  
礪礪鼎雕岩蹴躡譚曠隕靡橫逞蹠韞不于拉  
柁睢洩躡鷗噉霍山下還馳層巒鹹何煙煙雲  
霞濛瀟瀟晴苔天霄膠瀉宋廖飄飄澹泐乘風瀟

猶或如罍擾罔若禽翔目不轉睐豔彩四暢滲  
淫離被莫能形狀瀑布傍涌離潭濺澗龍漱荻  
浦靈溪磳踏涵乎混沅汜濫躡任蹶峙石觸唐  
嶠滴乎溢怒洶洶澎漫漶溜澗澗抗鷲騰蓋澗  
滂解舛橫流紛霈澆沫高厲皓如白馬偃絀羽  
蓋蜃儼弗謂汨去瀨憑陵碩壑確投雷磔磔  
皓濤隱石轟車旬濤漉漉泚泚渠濬濬澗技詩寒  
產潞潞深駁森茫遠輸紆餘東逝永辭天墟濤  
沉濛濛安節長浮浪澗濱滄滄為後湖於是水

蟲恠錯暴於洲渚龜鼉蟾諸鯀鰻鯨鯨鮫人淵  
客呀呷齟齬魂、鱗、踏逐傍什珍木敷榮璘  
幽叢生琅玕翠蕩珊瑚艷呈偃仰岐眇中搖目  
精灌林菰蕞葩華掩會糾枝隴房榭斲石備化  
離徙飄風流曠藹隨波灑灑婀娜蒨帶泥彩翠  
霞吸精沆瀣織柯嬰吟颺剽壙嘒經寬隕抑或  
象笙籟尋變馳險八風肺沛馮虛聽響使人心  
憤麇毓獲父狎雖裸然驅獫狁毅獬胡狎緩獐  
斷坐嘯裂昔互瞰驚透護略寡厯半檄超巉巖

騰倚岸掠蒙茸懸絕澗羣獐狡健燦兮若浮雲  
曾不可稱算周覽堂密隙奧瀾陀芳艸靡施秋  
蘭蕪蕪唐蒙留夷鸞尾胡繩楚蘅江離裕、絢  
絢、萋、艸、盱、罍、閭、夢、芴、馥、碧、披、鷓、鴨、羣、遊、屢  
揚、軀、翼、瞬、視、朝、乍、毡、毳、藻、臆、鷓、子、鷺、黃、鸕、諸、鷓  
鳩、戴、鸞、石、鳥、鸞、斯、蒼、鷓、羣、散、陸、離、戲、游、山、岳、若  
夫琛希之賂金鑛涵、朴、雲、精、燭、允、瓊、支、昭、華、璇  
英、百、珩、藍、田、縹、碧、赤、瑕、流、黃、垠、魄、山、谷、衍、溢、陂  
塘、碕、岸、不、枯、林、藪、輝、潤、滋、液、灑、滴、光、彩、鱗、煜、於

是乎嶽靈擁峙時川后聯琤石神焱藥儼、燁、燁、  
泰乙薦鴻祇御蜚廉翔虫允鶯靡魄旌馳翠輅  
颯旋電掣陽嘘陰沍煜奕傑僂萃於豐慶賜秀  
斲竒曹流顯老瓌琦偉長雙顴日表方瞳星爛  
鮫次女雲身宏懿儼雅侏儻要顏徊翔於道德之  
林獵弋乎神明之囿覽觀九族之存亡與閭閻  
之變態錫羨餘恤不逮繕橋梁虞婚配裕後昆  
揚昭代金紫驛耀冠蓋雲屯擬跡萬石越彩八  
閩然後肆志乎游覽履巍、步、湯、坐、穹、石、揮

五絃舞白鶴泣玄猿曳絲叩之杖踐赤玉之馬  
浩、乎萬天氏之唱偃佺負局羨門安期或命  
石髓或翳紫芝相伴於洪崖之涯洪河清昌光  
鬱麒麟游鳳凰至瑩苑生黃龍戲秦華砥礪衡  
霍增醜風雲交通鼓舞忭會信壯乎天目之丈  
亨靈長於億萬歲

慕德賦

昔謝宣城作慕德賦以報沈侯彼特腴風雅之  
賞詔國士之眷爾柵自庚子歲被誣繫獄十年

餘自分朽骸永絕人世趙王殿下憫然餽柵四  
賦灑以睿藻用雪梧臺之寃王子冬柵既以  
上命平反迺如趙朝謝王哀其寃錫之珍饌肉  
藁寵龍浹瀚天日疊耀方之宣城所感為德何  
如然神以理超情以文遣匪辭之麗斯焉取酬  
於是因謝名篇聊著鄙賦其辭曰

惟茲岑之培塿兮黎水清而停秋淋氣殫以滌  
灑兮諒冰流之多尤玃蟻蠓之微姿兮顧厲響  
兩長浮爾迺歲既暮時將竭寒螿鳴流芳歇擢

落洲渚沉廖丘樊千里直視黯然銷魂情感鷗  
鷄愁淒斷猿悵氛濁之褊狹馳清想於天澗慨  
夸父之鄧林吊燭龍於崑崙緹余馬兮扶桑枝  
涉余轆兮桂水湍拾江妃之明璫跨湘靈之翠  
鑿於是崑嶽互起江河橫變封豕卧啼雄虺坐  
眇夙露傷足晨風瘁肝汨海濟以傾檝欵凌風  
而鍛翰豈蒼蠅之點玉實萋菲之交煽囚圜土  
兮戈長纓俛冤頸兮泣吞聲仰飛鳥兮不可攀  
思日月兮何時明嘉虞卿之撰籍希黃霸之授

經簡一閱而三嘆魂竟夕以九升志沉緬以鬱  
陶氣於邑而填膺揮思彤管裂袞竹素龜澁就  
章風謠託賦信陰陽之迭運肆虧盈之無愆將  
長蹠於帝閭賴造始於英藩偉神聖之授彩播  
天人之名篇泝漑液以滌離紛藻潤而芳妍振  
金碧之琳琅炤丹牖之瑋爛羗雲涌以霞駁修  
龍變而鳥騫皎若凌天河窺織女雲漢之章鏘  
若升清廟聆師涓洞瑟之絃墜未伎於何李籍  
隆譽於謝田翼二京之可紹埒三都之並翺警

司命之烟旨歎士師之酸言爾迺聲流臣工華  
照八表市虎解讒亭姬雪慘返景崦嵫合劍龍  
沼起灰鼯兮發夜臺披雲霧兮天門開攬衣帶  
兮非疇昔聊躑躅兮心魂哀於是緩貳負之虐  
械啓華表之靈思雖城廓其如故已人民之半  
非陟北堂以傍徨痛考妣之先違二稚逝以如  
往一女殞而方歸彼蓬婦之苟活亦老醜而堪  
悲涉園亭以凝睇見蕪葭之蒼々橋偃寒以斷  
石壁陟陲而橫窓雲幽咽於朔岫葉蕭瑟於銀

牀瑤艸委兮欬怒桂枝凋兮垂墻望佳人兮不  
還歲將抄兮怨長於是季冬嚴寒北風驗肩江  
雲結凍海煙飛雪蒼隼凌雁代馬警節邁世懷  
賢啣恩赴國仰攀噴岬俯涉清冽揭閭闔以延  
佇導玉階而屏營壁連錢以啣缸牖疏鏤而瑣  
青爛昭華於東序裊翠葆於西清擬承明之殿  
廬戒鈞天之帝庭問虬顏之萃渥冠日表之奇  
熒侍螭頭以瞰辭撫龍翼而羞鷲雨迺玉音綸  
發神表潔亮天風四敷春陽疊暢八珍馨流三



鬱芬飴馳羨已霑鳳炙再貺醴酒陳兮泛翠瀾  
醉起舞兮嬌朱顏願君王兮惠一見壽千秋兮  
歌瑤壇精髣髴其如思情色鬱而弗安步徙倚  
以舛陞涕淋浪而流泉將振翮以邀舉忽掩臆  
而長嘆玄雲鬱以凝時悲風颭而無端昔園門  
之多險嬰金鐵之拘縣效魑魅之激軀望豺虎  
之一餐敢謬想於煙闕嘗元清輝於鳳鸞德裕命  
而匪測恩潤身於無垠幸濡翰於蕪圃對一川  
而塞乎巨川迺為之謠曰若有人兮滄海湄吸

允景兮馭雲螭時寒產兮隳淵涯宛將逝兮長  
離思大人造兮叅南離恢冤枉兮超塗泥惠芳  
腆兮恩不訾誠旣感兮我心悲抒丹悃兮應賦  
詩彌億萬兮英聲垂

壽成臯王賦

梁孝王讌賓兔園相如在位王授簡於相如曰  
寬人壽願為我賦之相如避席再拜曰唯々夫  
壽天地之希齡大王知壽然未聞王之壽大庶  
人之壽小也王曰庶人之壽何如對曰庶人凡

黼品類各異若夫奇商巨賈征戍之客鬪工浮  
游田父踴踏黃冠玄牝緇衣閑適每遇誕期佳  
思聿興殺酒矜設招致友生縹藻匪施滢碧無  
傾帷幔起兮露色寒琴調急兮霜華凝曾為歡  
之筦何旋紛擾而啣嚶若大王之壽元辰未屆  
百司豫啓瓊珠之宮金華之里象樓龜屏鸞茵  
犀几竅奇恠默含香上馨雲氣四散化為僊露  
綺麗恍惚奪人目精於是石渠金馬之士逖坐  
駢至充盈後庭炮翠麟脯霜鯨宴素日張金燈

攘皓腕之鴛袖暎繡柱之鴻筦調採芝之艷譚  
裝遏雲之新聲歌曰帝子降兮金井寒集瑤池  
兮駢白鸞躋遐齡兮千萬歲與佳人兮長盤桓  
爾迺分曹投博飛觥舉白促席交膝替珥狼籍  
玉衡斜漢金虬水澁然後欽儀肅容悄然言別  
揚旌離館迴鑾東闕此所謂大王之壽非夫凡  
氓所得擬也王迺釋位就相如坐以酒觴相如  
曰賓人之壽若是其大徵子之言賓人弗知也  
是後益親幸以相如為上大夫

懷隱賦

懷隱賦者明處士盧柟之所作也紫泉山人周子棲隱東山岩亭亭峙森邃巉石離樹望之蒼然蟬蛻之士嘗託心於此焉柟久嬰苛網沉思泉石於是因山人雅尚淙為斯賦是足貽笑向平云爾辭曰

大岷輪頤兮窳東郭嶮巖峻岵岵兮深林薄山勢  
嶮峭兮石爭厓谿谷谿澗兮水滌迴雷雲霏隱  
兮觸河陰渺茫橫被兮張夕岑招悵無侶兮發

嘯音杳然絕響兮肅心魂構元氣兮為壇苴朝  
霞兮綠垣翫旬始兮結綺躡探列缺兮紫欄瑤  
草兮堂下若華續紛兮照予天潢兮搖波鸞鳥  
習進兮日歌以舞山中人兮搴桂枝狎文豹兮  
旅熊羆踐石梁兮貽所思懸藤千仞兮邀不可  
期憶兮瑟山北岫洞嘈々兮魂髣髴巖兮廓偃  
兮疑禽翼軋榛林泐漠兮超汗作嶒嶸嶸鳴兮  
礧礧礧礧斷嶺危兮岬翕羣隱樹沓雜鞫兮  
擗擗榘軫軫葛蘿施椅兮礧草囊蘊鷓風鶴鳩兮

怒啼血暉，攫父猿狖，兮驚透健隕，鼻沸歎兮。  
鷄、鳳、兮、改、麋鹿兮，豺狼睠顧兮，以行歲。  
暮洋、兮、嗟無聊，霜霰下兮，北風颺蛟龍逝兮。  
騰蛇遊山中，人兮奈何，羗長徃兮，攀桂樹以淹。

泰宇賦 為孫滑作

有東海大人先生，北遊於空同之野，返駕於  
廣陽之丘，憇羨龍之館，戲靈昌之洲，馭輕飈以  
尚羊芳，曳卿雲之煙，翮將高舉，以猥鶩兮，游放

志乎天外，致明神之澄爽兮，乃精一，是像鏡吾  
之無纖翳兮，闕霸宰，穿咸萬竅之洞，會日月，瞰  
眇列宿，逶行垂景，岑黃荒，勿無疆，天歎礪之混  
漚，渺阮沕以塊，北緬積清之邵，亢廓嶺，嶽以旁  
魄，倅翊鱗以杳，淳捺蹄髯以道，奭奄靈恠之昆  
臙，旅溜煬以泡，燁爾迺前引壽華，後璠燭陰，左  
蔭肝榆，右儼鄧林，邈釗曠以宥，良離襲馭以攘  
闕，揭昌闔而舐曜靈，閭蝦上聲營室而憚夜光，慧  
倍譎而歌，苦訝飛廉，銛列缺而葳豐隆，沛詡詡

以封奠條煙音公迫切煙以彰芒闕崑崙而羣古萬切

符禺蹶泰戲而掌窳蔡跪夸父而摛邛崃頸帝

困而俘大逢訝育遺而洗幻海罅嫁鯤壑而

欲流黃碎五嶽以斧釜澆淵波乎九阡珥明月

以為縣隄赤霄以為裾沓纁翹而曳虹暈帶貝

葉而攝雲濤冠蘄魏而乾虛躡徑不周以少留

浮氣車而逸神馬表乘黃而服馭驢使鉤辰按

轡頰女為之御青龍銜光以燭衛白虎擁鉞而

先趨熒惑司法以警道太白斬關而建旗蚩尤

之倫瑋瑋煥耀以吐煙德雄戟而荷垂雲抱雷

鼓而震天陬檻環拘而發靈園翫天愚而轆泰

鴻齒欽鴟而猊畧獲處山鼓而循計蒙以巷溘

而搗據比挫陸吾而馳驅蟲扶英拍而帝列哨

鏃耗驢而殊竒魁激匹切妙六合之鴻稜鴻九域

之紛濤聆金鐸之磅銀督切計赤鳥之委蛇黨

姬文而鑑折髯偕高密而閉重華祖伊祁而援

青陽將栖跡乎黃帝之途優哉游哉嗟吾泰宇

歷萬世而誰何

水亭賦

太原王公好水亭客有羨而賦之者曰伊彼翼  
野參井攸分旁啓漫疆崢嶸困緊泰清浮三  
淵氛緼鬱律霞駁綺紛嚙隸菽霤含陰吐陽若  
鬼若神迺毓岑靈挺休哲擢方英考隱澗石披  
幽泉野爰構水亭沙堤之下傍引淡瀾上蔭苑  
柳渟泓汎澗綠幄密偶石戶壤父此焉託處若  
是春陽告謝朱夏馳途炎飈歛烈騰厲霞翳  
以蓋鳴翠騶祥鸞鸞就鳥翔乃先驅爾其珍恠秀

美沓其阿瑶草翕絕蒙其巔麟角馴擾遊其  
龍鯉出沒涌其前於是召鴻生延鮪叟陳臬  
命罇酒錢鏗辟穀以蟬蛻羨門服氣以蚡虬  
鶴二八降乃天隅延頸長鳴飛翻迭擾雲光殊  
覆緜綵四興紛々輪々合選沓冥於是為鳴  
之歌曰曳僊衣兮何翩颺來廣漠兮集層軒  
天老兮歷萬年少歌曰涉沆漭兮緝荷亭覽日  
月兮東西生鳴鶴且舞兮希泰齡嘉至德之昭  
曠應皇運以來臻奠珍璧於清壇薦馨香以攄

誠介茲景福縣如岡陵

崑崙山人賦

粵惟崑崙之墟跨乾樞兮幹不周崒厲萬仞為  
帝下都羣神旅遊爾其磅唐翹顛巉岈峭彌鬱  
紆膠泡槩泰清摩赤霄昞昧靄躡或黯或寥鬼  
神髣髴莫之能要赤淵繞其南黑水流其西汨  
漉虺瀆觸於窮石放乎海湄迺有星宿之野濫  
泉之渚渾臍爛煥雷响雲擁一瀉萬里蹶葱嶺  
縣龍門剏底柱寢名藩波汰膠盭迴泐瀼瀼榮

光四塞柳絲、霧胥走水蟲唱龍伯翔鮫人  
窺於是穆王之子感而生焉侏儻綽懿崛奇雲  
峨目如電光氣若虹霓靜則淵停行即風披孤  
立長嘯天門洞開迺竦岷雲之冠佩飛景之劍  
御翠黃之乘詣玄英之館命玄武以開關兮劉  
大行伯使當兵輾卷澹之倔犄兮碾礮礪而扑  
撻搶踐蛩嬉嬉奮獵之雲旗兮熏池訶虢撼  
雷鼓而撞鴻鐘梁弱水之溺兮搯離朱之禁  
攀玉檻以窺九井兮下無地而峭嵒涉跡僊圃

游目靈岑封巒詭赴離石斜躡塌疊天顏倅斷  
雲崩巽則開明人面殊形九首狡音尻吠豹文  
純擾烏則白鶴鳴鸞鳳凰翬鸞蒙綵戴殿雖  
嫺々瑤碧之草玕琪之樹呈葩露色燦刺岡阜  
凌倒景食赤霞濯華池戲玄洲吾順風以遠馭  
蹇將遊手汜林誘畢方使先驅弓走狗犬之狺  
信略窮竒以遠迤弓問據比之尸爾胡為乎作  
神姦夫然後背帝園緬離命歷沙棠登玉山於  
是西王母出而見之觴於瑤池之上獻錦組百

純黃玉二轂毳光散亂奪人心目乃為之謠曰  
君王八駿馳翠幄白雲在天岡陵出今子千纜  
尚復來何以贈之黃竹曲穆王之子畬曰嗟予  
悠遠在東夏山川間之石磊砢吹笙鼓簧心苦  
悲何以報之復而野王母再拜謝穆王之子遂  
驅升崦嵫山乃紀迹於其石

壚昆山賦 并序

壚昆山即古巴嶽也為梁蜀雄鎮俯臨巴江而  
其上多名觀產僊菓長慶中有服之者輒仙去



銅梁張公愛其品岫陵嶠遂自稱為壚山云夫  
山川淋氣蜿蟺奮鬱窮極弗勝則鍾之而為人  
詩曰維嶽降神生甫及申大雅所著於是乎足  
激矣公瑰偉魁梧賦任簿書才兼菀翰神理清  
暢妙絕羣倫意若壚山之秀萬授之公天或動  
之朕地默令公所以自謂哉僕不肖猥侍公顏  
範偃仰締思聊五斯賦下里之音諒見誚於郢  
匠正百其編三

粵唯壚山之不可隱獲兮旅億類之鴻紛軼岷

漢夏其無儀兮窳浮歆而粼岫道紆回之鬱壘  
兮踐危石之岵岵偁蟬喧而下闕兮三江分流  
泓瀾而並入巴流澗澗以回薄兮竟纒山之縞  
帶汨漫滅其滙鱗兮砉興聲之瀨、瀟、澗、而  
長注兮漭泡、而橫厲沫、以曾沸兮填、轟、雷  
之磕、勢觸隩而互踰兮欵、澗、凝、而引會、颼、激  
响而澎、溟、兮、嚙、抗、激、於、天、外、碇、嶮、濤、之、激、揮  
兮波、潤、而淪、瀾、谷、會、渾、之、盤、渦、兮、洪、濤、悠、起  
而排、山、氣、滂、渤、以、旁、薄、兮、象、露、霑、之、搆、天、藏、靈

異之有無兮何變化之可詮  
傍睽遠視肆於無際  
下自山岬上干絕巘  
礧礧集坡蛇峭嶮嶮盤  
石礧礧錯牾還會岩巒  
巒峭嶮嶮墮墮嶮嶮  
隳迤邐相追狀若禽翺  
或象豨舞駭々斷々拉  
蹠倭麋傲池碩泐增復  
絡繹崆峒蹲猊崑嶸石  
龜逡巡蒼野出乎其下  
嶽崖崆嶸郁々萃々截  
如雄虹欲壑飲川俯瞰  
澗底宵冥點沕長風中  
號颯馳蕭瑟虧岸澆々  
徂徠鳥聯屏營超忽標  
魄爽魂令人煩懣不可  
具論膚寸之間雲氣歛

起變態橫生輒張徒倚紛々輪々  
若降於天  
麗於人視為旌旃舛即麒麟  
兮怪百出伊孰與  
鄰爰有崑崙靈室豁澗  
屈崑洞天勿密涓滴成  
響燥熱生慄蒼玉礧硤  
儻茅慈箒駢闐翳靄委  
乎厓畔雨其山陽湯羨  
廣衍芳艸碧滋秋蘭杜  
蘅鬱金江離鳥蓮艾絢  
香菴離披酷烈四暢馥  
醇芬沛風流雲蒸豔藹  
轉會若迺陰崕瓌木羅  
生燿焮爛象爍若天星  
久視不衣盲人目精楓  
香窳厯滋液沍醜盧橘  
番房連卷魄醜雜華紛

糝隨風靡豐矮會惘散揮澹淡紆踰婀娜殊  
態異觀杈杈嚶吟聲似笙竽蹶赴詭變愴神銷  
精蛋拱失術逐臣銜玦放子被訕勞積冒已技  
血增歎於是春氣潮洩羣鳥飛還便翮刷羽雍  
雍嘒々雄鳴求雌往來其間鳴鳩負雀鴉子桑  
飛雋周竊脂天鷄聯翩翬彩綉遨遊乎山顛  
至若宛隆中絕崑崙斜赴樵採不通猛獸騰鶩  
羶猋豺兕蝮網狸頤猿狀蹇矯競遊速枝千尋  
獨往邈莫與期傍徨孤嘯使人心悲僣遊之

廣成赤松羨門若士吞石休糧御風凌壘挺雲  
游翳翠蓋乘倒景上下霑慌忽汗漫周游無滯  
於是歎感川迴天門洞開期應五百精徹上台  
降大人於避取兮焱颯起而神駭泰乙禺嶷扛  
烟以仿佯兮青龍蝨蠖離縱而髮鬣膏瑩以  
翁霰兮焚鬱律而渾胚沓爾陰歛豁然陽烟雷  
停雲聳鸞翥麟披岐嶷傲儻淵璇華偲冠皇淒  
瀚岷略渺瀰飭太陰與搖光兮揉旬始以為旌  
赤嫫怒之貳屬兮戩榮惑而輾撓槍蚩尤瞿瞠

以警御弓伯僑之倫脅闕樹喙而迅征導不  
涉玄冥排閭闔遊廣庭眼威鳳於東廂岵翠亂  
於西清於是天子迺命太卜擇日請見大輅注  
象建太常綏鳥羽鏗石鍾枹雷鼓召之士一  
日之間蠶屯魚麗陟金馬登石渠虞清問待公  
車紆國瘁察廢滯規憲章資輔世夔龍揖讓三  
璋交輝以臻乎至治嚮冰茲山之靈發毓奇秀  
惡得有是哉

嵩陽賦

為汝南劉嵩陽作



楚王北遊登崇嵩之觀嵩陽大夫待王迺涉蒙  
茸履嵬歸長御遠秣汎濫無際頽謂大夫曰壯  
哉山矣實人於茲殆將脫屣邪嵩陽大夫曰大  
王之言誤若臣者始足與懋焉爾王曰夫山畜  
洩雲氣萬物所祖無貴賤遠邇皆好焉子大夫  
私之已有是何厚於自待薄於實人邪嵩陽大  
夫曰臣聞之傳記鷦鷯搏雲鴨鷓悅群物各有  
適故其所託者殊焉王曰夫實人舍此將復有  
說乎嵩陽大夫曰唯、夫嵩維巨嶽極於圓祗

之中橫帶汝頽崒附於氛霄之上緣藉霽之薄  
盛乎翠虹之嶂爾其三十六峰二室嵯峽靈巖  
浮歆隆豐岷岷翫互今嶇陪傍迤遽篠偃蹠  
行者中于久之物息汗脅增愬若夫會阮欲徑  
虧澗無底窳廖宵冥長風飈飈北軋呶詈流離  
轉散髣髴私聲天雨新霽萬壑灌瀨滿濤涵以  
磬頽雲噦碣礫疊響歛歡鬼恠於是籛鳩掩羽  
豺虎驚感慌忽謾台棟息川谷此誠出精魑魅  
之所穴處竊恐大玉不違託跡於此也王曰敦

命夫大夫惡得獨憇乎哉嵩陽大夫曰臣少  
遊上都親侍諫垣陪列公孤尊三王貶五霸禘  
讓於魏闕之下爾迺南箕揚舌青蝇點白即墨  
膺讒寺人灑血解圭組脫鳴璫辭金墉凌風翔  
飄然遐逝迺昇乎高高之陽故其怡神育靈  
則攀緣欽峯傍眺瑤城陟乎泰清盡足力而後  
返於青炎之圃徘徊於松桂之林激嘯於沂水  
之游將折若華之英蕤江蘼襲幽蘭帶楚蘅猿  
獲媒於左麋鹿擾於右迺遙容與精神益壽然

後檢搜罨穴探飲玉漿璧壇鳳笙銅鈿石牀希  
瑞呈露娛臯無方若適王喬控鶴於林間密公  
失路於霧外少君捧節乎雲中劉根抗絕於人  
世莫不偃仰群笑馮虛軒輕臣雖傭駑與通紹  
亦故夫龍門三臺緹氏之嶺皆臣往來遨遊者  
也夫大王擁千乘之器妃嬪珍玩之御不輟於  
前焉能避世長往哉王避席曰實人不能也子  
誠為嵩陽大夫

梁苑僊人賦有序

趙王客李九河同王崐泉飲周孔問園亭時余  
在坐酒酣談兔園事感慨悲恨有加焉於是麤  
思泉涌藻筆雲綴興之所至遂成短賦辭曰  
仲蠶之朔顛氣既夕激風頽波微霜淨石凌九  
河揚崐泉周子臭葉浮丘蕪竿於是梁苑僊人  
感焉被炎洲之翔羽兮綴丹浦之明璫翳青霞  
之第靄兮乍有無而離光塞裳鳥汀濯足鴈浦  
燁若昇霄翩如振羽風流雲停放手泰宇爾迺  
步虛躡於冥壑貼躡立之翠屏歌青葱之玉樹

嗚參差之鳳笙，散輕筠以傍駁。泉窅泐而小聲，於是螺璋盤舞龍嶠。斜帶百仞，嵯峨殊絕異繪。採珠濱之紫菱鏡，具水之朱華冠。天蟠之雄虹，蹴合沓之龜鼉。戲赤岸騰洪波，弄反景揚清歌。乘僊颺以如往，澹孤嘯而却在。騁逸思於天墟，寄冥心於大海。雖炎光之已絕，乃江山之未改。帝子逝兮，驚風遊簫鼓。寂兮埋中洲，鴻鴈飛兮。自來去城角起兮，增暮愁。感滄桑之浸變，痛園林之愴休。心一嘆而如喪，魂九折而夷猶。慨人代之歎，留若靈雨之墜。天幸長驚而不及，而華表之千年予既不能。蟬蛻於茲，溷濁聊將。泛駕乎海上之僊山，亂曰已矣哉。江河日下，芳艷不可與為防。非夫馮虛御風，以獨暢於九陔兮，又安訪乎吾於泰鴻之堂。

滄溟賦有序

嘉靖時，歷下李公以進士補秋部郎中，台號滄溟。蓋緣公家近東海，云博物志言海中有三山，濤波險壯，倏儻為怪，不可紀極。是泚王喬飛



儻之倫惡能排氛乘虛注憇之是泚女偶朝微  
之客惡能忘形坐馳存想之公抱魄守寐超然  
神遊於物象之表遂擅乎是世之人知礙于玄  
適名絕於靈紀方且囚拘形有溘然與草木同遊  
不亦悲哉僕受知於公既久使無壞美申之賦  
頌人將謂予為不知言於是作滄溟賦其辭曰  
唯帝嘗之胤臣若傳說兮精徹絳漢上騎列星  
的貝闕以昭彰兮遭危墟而效靈嗚天雲俾翼  
蓋兮筏柱矢而韉犁醜逝兮非還權兮非倚儻

神變化莫究終始光氛翳固天人崛起從鳳質  
之苞彩兮撫龍翼而騰驤吾綴函山使衝牙兮  
萼不任以為璫既濯足於明湖兮又晞髮於鵲  
陽爾其挾蒼虬窺海日歌雲謠薦泰乙遊覽乎  
昊天之臺徜徉乎招拒之館建素商之旗書青  
女之簡上秋之末塊然自失恍惚溱漢神氣四  
暢迺觀乎滄溟之壑左東極右青丘帶以鞠陵  
之阻浸以鼎臚之洲東南一陂西北一淵在甌  
九河恬泐江漢百川渠赴瀕洞灑瀝長浮乎天

畔爾其始至也。澗灑灑、鳥漠灑灑、鳥  
矯若素軌、縞馬羽蓋之、沈翔兮、又如白鵠之、將  
翔沫漠、之、高揭兮、互喻追而、佳、曠壁壘重、軌  
不可撐兮、忽乎、遐、沓、似、軍、行、渾、沌、沌、淘、泡  
泡、拉、珍、雷、礮、雲、响、砒、砒、响、懣、透、觀、其、淪、演  
之所、齧、涵、飛、滂、之、所、激、射、魚、不、得、游、鳥、不、得、下  
湍、濤、灑、雪、萬、里、騰、瀉、夫、然、後、凌、波、谷、捎、滴、山、偃  
轡、蹉、丘、弭、節、甘、湍、便、旋、豎、夾、之、浦、清、冽、晏、龍、之  
川、爾、迺、靈、胥、色、戈、冰、夷、澄、鏡、颶、風、不、颺、五、雨、不

競、靈、煙、清、郭、滄、虛、四、映、碧、山、嶠、嶼、螺、兮、象、海、水  
浮、碣、石、霞、爛、雲、綺、芒、錦、雜、駭、勢、環、蟬、以、相、襲、兮  
壓、層、冥、而、送、潮、汐、於、是、尾、閭、岐、分、汀、於、傍、處、存  
不、淡、漾、灌、颶、沮、鬪、潭、澹、澹、澹、澹、澹、澹、嶼、斜、英、龍  
之、澹、澹、兮、綸、組、瓊、而、連、卷、紛、海、蘿、以、被、離、兮、石  
疑、網、樵、而、縈、瀾、何、萍、實、之、遼、廓、兮、俛、頽、磊、砢、焜  
暈、乎、窮、地、菟、奚、江、蘿、葭、蘆、水、松、雲、萋、陽、厓、風、披  
陰、叢、彩、理、豔、燦、擢、華、敷、茸、若、迺、羸、捧、揚、炳、蛩、麤  
翁、絕、嶺、躡、含、光、號、輸、偃、息、紫、坑、曝、沙、以、如、渠、泛

蛇乘流而覆笠武羅屏首以鯁身帝江賦之而  
斂翼竒蠋沈屐於曾泓潛蜈吻吻以削血海童  
捐袂於枉渚鮫人織杼乎泉室於是橫海之鱗  
偃雲裁薄天津翕鬢甲戲泚深林鮪鯢鯪鯢  
魴魴叢貫龍次璨錯璘璫沫噴藻噓噲連淪  
捷鬣掉尾隨波汨沉或躍脊而濺珠或嚼鯁而  
吟雲畔漉湯於天光託亡是而為鄰爾其羽族  
則有鷓鴣鷓鴣鷓鴣虞鶴鷓鷓綵綵纒鷺羣精煥  
曳飛迅鳴浮天溢岸搏風揮霍或如裂漢轟雷

成響恢詭殊觀若廼陬之隈窮怪異巽貉殺  
驢鷹獵、獾、狽、狗、麋子力負麝父捷稱  
山獬投人以顧笑諸犍啣尾而遊征迅蛭躡巧  
於遠枝狂虜摘石乎山陘爾廼背空桑維風帆  
擢飛雲涉廣淵跨渚毘美少海汰波澄川后待  
天吳呬歛馮遲甍躑蹏喘濶沐揚靈渤澥閭闔  
輕舉泐泐陰頽凌混縱柁躡溟絕碕沿洄潢洋  
滄溼渺瀰惘慌芻豁略無端倪鴻鴈不及翔蜚  
黃不及駭脩神電邁不崇朝而逝者億萬餘里

於是蟻煙幘被羽裘觀乎倚天之闕踐乎相繇  
之區行乎泱泱之壑陟乎招搖之丘瀛海為池  
碧津為洲爰橫澣之樛竟垂雲之浮裊櫓槍之  
偉竿綰明月之鴻鈎靡雄虹之巨餌連六鼇於  
天陬窺景温源齒霞員嶠拂衣石林振彩雲峭  
優游湯羨乘風獨往以臻夫蓬萊方丈瀛洲之  
輿焉爾其遠望離處峻增岷岷紫清近登山趾  
及在水底岫岫譏巖螺儻煒繪鬱々煙々金闕  
璇室紫府洞門瓊琬不成之芝瑤岩返魂之樹

駢田羅列錯落乎其間若夫僊儂羽父之倫翳  
鳳凰駢麒麟戲奢比游無垠乃邀余於泰皇之  
阪以觀乎窮奇之民昭玄服魚龍耳延周題覽  
黑齒登巫咸歷無聲飲帝臺之漿擊蚩尤之旗  
玩美乎夏后啓之儻是雖山川隔限於絕域靡  
不玉帛朝宗於天府然後乃知 主上威德之  
所留誠有得於滄溟之偉觀也

余未作此賦時夢至東海上遠望山出海隅  
相去百里或五六十里皆霄綺離駁金根雲

牙齦燿上下海水振蕩若三韓朝鮮日本穿  
胸等國遠近環繞魚鳥雲物不能盡述以故  
余作賦時即以夢中所見聯絡篇什雖外加  
鏤刻然大約十得七八也豈余留心此賦而  
有是夢耶抑亦形解神遊真如斯境耶八月  
十七日作此賦至蠟蛇云々倦睡夢一丈青  
衣長身以刀剖余腹抽腸出尺五許然其平  
未盡尚聯絡脊贅而兩出腸彼以手握之盤  
結如盂瑩潔肥臆中嫩有紅黃朐膜然其人  
稍挽之覺痛余以手摸腹曰汝乎乾

之以水若油使滑澤可入腹而其人口嚼即  
以水洗濯之置腹中遂醒夫是二夢前後雖  
不得其朕然亦大奇矣姑記之

嘉禾樓賦有序

嘉禾樓者明府銅梁張公之所作也樓在滑之  
西門上環備巨麗為邑傑觀落成時有獻嘉禾  
同莖而殊穎筮數十伯本云是樓西晦所產異  
者夫符瑞應德斯至故昔之治化隆者芝生庭

水連理黃龍翔於沼鳳凰巢於閣麒麟遊於園  
張公宰邑三稔政和民裕道路以歌樓成而嘉  
禾至亦何恠與三國時吳會稽嘉禾生改年嘉  
禾夫是樓以嘉禾名蓋亦古人造物託始之義  
云爾乃援筆鏤思作嘉禾樓賦其辭曰

粵若稽古維明蜀有大人先生崛起命世撫厖  
鴻而凌厲兮紹曠延之奇芬擊清飈以遠游兮  
啗滄澣而搏崑崙借劔關揖崆峒絕輾轅指燕  
京振羽天衢馳聲中夏儼旌濊陽遊刃白馬

受廟略規九野履堦隍雷駁而風行緬天險之  
莫階兮悼西門之墜營觀櫓叨憐之湟坳兮萬  
夫仇關魯何足以當兵吾恐公輸之捷巧兮豈  
弛帶之易勅於是羣僚聞議小史獻謀髦倪逐  
縈勗茲吮喙以相與成虜神明之樓據厚坤以  
特峙兮象雲氣之構天揉參旗以繚垣兮昏東  
壁而軼三淵埒帝神之奧區兮泡燭燧而璘璠  
偁夫帑首帶干將而跋四維兮闐巘噤而頰嶺  
屹馮驛以魂以相奮被兮欵凌雲兮融以

駢田離樓第鬱紛沓還兮礁羽天驕鳳隄石龍  
翻旁唐堀岫嵒嶼礧礧兮畔漉炤爛奩而便環  
狀若碣石之將、兮又似乎巨鰲載員嶠般迴  
川於是屬輿乃躋夫城隍兮而印華樓帥爾層  
觀兮灘虐蜃蟹濯濩晶白軋星流以電燧兮觸  
巽瑣而排金扉檐窳窳以陰處兮洞謬豁之離  
竒嚕砰礧其雷殷兮颺凌兢而增颼魄脅闐以  
冥眴兮眴北南之軋挾後鞅、之恣、兮精撞  
撞而涸漾憑軫軒以流覽兮紛譎危而殊狀爾

迺萬楹攢渥磔礧連扔飛杲虹繞浮柱雲征芝  
栢磔磊穹櫺際唬拉縊偃僂枝掌糾會窺天窗  
而結綺疏兮翠玉樹之千尋垂藻井之芙蓉兮  
涵綠房而曳連淪鏤太華之嶽、兮巖巖鬱嶮  
嶮嶮而嶮嶮流水滄溟灑灑於其下兮汨漚、  
乎龍鱗虎豹狻狷以陸梁兮熊羆黼黻而血斷  
螭龍躡泥於碧巖兮騰蛇蚺斗於枳板爰有五  
喬飛易赤松餌玉若士鳶肩羨門乘鹿據重桴  
以危處兮倚蜚柳而曼睞凌虛險以相佯兮若

鬼神之髣髴錯察珍怪品類奇英千變萬化窮  
 極海宇隨色賦形雨迺表以通天之觀突以凌  
 雲之臺建以靈夔之鼓杠以熊虎之旗賁育之  
 倫仗鉞幟楯陳視乎左右騰躡乎上下者不可  
 殫計蓋王公設險以守國足以藩主上於億兆  
 載也於是天地煙々煜々紛々渾々儲精洩靈  
 肆乎無垠戒羲和以警御兮飭青龍而走太陰  
 激直氣之灑々兮然朝霞之燉々流青雲之靄  
 靄兮灑玉露之沄々焚輪轆轉於豕韋之壘兮

沕泱滲纏於河之潛岨乎鮒鯁之畝離乎天臺  
 之樊被天衍之溝塍兮挺嘉禾之秀穰茂一莖  
 而兩穗兮蕤葱蓊之奇芳苞金粟以岐翹兮勳  
 偏反其光半散粼瀾蹶仞邈以長鷲兮邛偃起  
 而回翔婉若神女之照灼兮施豔彩之章又如  
 綠雪之靡漫兮薄翠岫裊陂塘若迺霖雨新霽  
 原阪始漑承以朱明滋以沆瀣琅玕青焚翡翠  
 翳檟翬雉朝鳩以往來兮摘錦翼之陪鯁鳥蝻蟲  
 負蠶詵々殷々其振羽兮跽冷響而煩哀田畷



鼓儻於桑中兮遊女採蘋忽乎鳥舉而雲迴  
蘇墳薄之累遷兮繫困匣之崦嶷  
魯城瑤柯何慌惚兮杏王榮之莫見  
碧珠貝葉不足與炊兮珊瑚化離  
吾又奚取之而為爨歸承詠赤舄之姬  
公兮濟陽開禎洲夫萬乘孰應期而紹漢  
夏千祀之夸羨兮緣茲樓使再躋  
賢君子之孔良兮輔陰陽而規判  
巨靈紛總、以傳、其來翔兮相柳  
偃頤曩負而承闈踏挾斯之麗譙  
兮揚白雀而釗羽林揆夏后山川之  
嶮巖兮崒二嶠隘

益門二嶠徒西阻於鶉首兮益門曾不得扞乎  
靈津曷若神宇之揭嶠兮拱魏闕而嶙峋  
雨迺嬰天槍殪旄頭挫蜚廉摺蚩尤廟貌之  
所歆動威稜之所昭留東漸滄海西被太蒙  
南懸丹穴北馭空桐披髮左衽之民縶白雉  
縻駒虞罔印印絳驅驢縣車裹馬出於遼  
遼之域享獻乎明光之廬天子乃乘鸞路  
騫雲螭綴明月橋虹霓柴園丘燎泰虛招帝  
閭兮天門開瞻不周兮騎轟雷風颭、兮  
神靈致御馥芬兮醑玄解福穰

穰兮橫岱嶠天人歡兮衆聲既祥風吹兮雲灑  
霽垂鴻聲兮彌萬世

雲濱賦并序

鬻熊之墟雲濱父居焉棲身巖戶放志滄浪超  
曠之度方之瞿矧子真之流莫能尚已近時諸  
大夫各有篇什僕辱在草莽承風揅翰聊為古  
賦以紹公孫嘉遁之製云

楚山碧巘倚嶮嶮兮象圓海浮蜃闕朝暎夕灑  
兮滋翠竦絕窮石北塊頽洞兮邈不可越嶙嶭

峴嶂泐翁危囁菽日而干霄降逮山坂礧礧  
砢庶角傾碕顛浦緘撚於其垠兮彭蠡東注而  
雲沓溢鱗長逝嬰澤渺曷泝泅涖澌涸沓吐吸  
踰岸互會斜沙渾之滋徑莎灘之奧如此者幾  
伯干處焉兩迺翠幄嵐構蘿壁風褰芝宦琳塗  
錯落煙雲碧津離樹青輝玉葉丹葢承霞素房  
垂月絜煦輪碾隨風歛鬣九臯之曲虞蓼都良  
芳若萼荆靡蕪苾草蒼蔚羅生苔錢離駁綴若  
華星郁萐苾烈隰泚岐平外則岐沱湯羨葭蒲

續斷蒼翠浥雲杳無圻畔至若白沙如龍碧磯  
如馬黠屈蛇涎在波之下水鳥鴛鴦鷺鷥鷓鴣  
鷓鴣鳩鷓搏流飛灑弄景泮陽延鳴鉅野蓋將  
指瀚海以為池望廣原而解羽也殆夫莫秋沈  
寥霜洞溪清槎江晚兮雲葉淨螺湖夜兮月華  
明坐盤石調紫笙吸鳳曲舞潛鯨猿啼北華霍  
唳西平鳧客流思鮫人吞殼少焉蕭瑟風駛水  
涌濼潯磅礴漢泝鱗觸萬籟俱動仿佯愴怒零  
人心恐是誠龍盤於冥陬蛭蛸乎煙隴爰有東

郭谿工之倫貌沛天虛靈含素真扶筇被羽嬉  
遊絳津垂竿魴鱖加弋鴻雁雁雁鼈淪脾孺鷓哉  
膳斟雉芳羹胡碧粲蔗漿縹清玉醴紺淡集  
讌於昭霞之宮披酣於苑風之圃浩唱乎倚天  
之臺張臯於洞庭之嶽乃左覽清極右睨范林  
泐石封嶼翕葉藏珍超然神往永此抽簪將遺  
珠於丹水遂埋劍於崑崙豈徒逐二女於湘浦  
抑將窺禹化乎海濱於是江妃感鳥見於碧渚  
凌波媿笑逍遙容與非煙冰霞若雲若雨奇色

麗質瑰偉曠世順激風以翱翔向江皋而解珮  
 為之謠曰白玉鏤盤瓊為漿飲沅水靈鴛鴦  
 冰夷賡歌曰蓬萊欲渡海水深麻姑千載絕華  
 音雲濱父報歌曰嶠僂霧兮遊汗漫日將杪兮  
 倚增嘆駕予舸兮凌赤岬胥鳳德兮垂素翰

送虛賦

姜次渠勳之良器貳為要路所忌徵入部士民  
 傷之因有斯賦詞曰

丙辰莫春壯游鄴都超反隩履平燕羊腸走險

鹿角通澗蕩陰開其南邯鄲掎其北左引衡漳  
 之浦右據太行之塞誠京邑之藩屏霸王之區  
 域於是鴻風昌慶雲蔚大人起神龍會決閭闔  
 兮叙長雲瀾四海兮歷河濱翺韓陵兮俯洹野  
 戢曹甲兮紹前聞若廼承流三輔翊戴王室目  
 牛無全害馬迸跡春秋郊行生物蕃息士女謳  
 歌鳥獸翔舞式乎四國爾其優游暇豫退食在  
 公瓦雀行案山鳥下聽青苔繞戶綠樹垂榮窺  
 明月兮虛堂仰浮雲兮太室佐卧治於淮陽資

芳猷乎廣平誠希世之哲匠乃邁古之化工爾  
迺梁父鬱興二塗並起靜無寧波動即覆軌蒼  
蠅鳴白黑溷市虎張真偽眩巾征車之闐々兮  
去東陽之舊疆歷鸕鷀之荒陂兮越爛石之崕  
岡虎澗羅嘯龍山茂光瑤草就歇玉畹橫傷風  
淒其而啓塗雲翳鬱而飄揚玄猿綠狎睢洩報  
踏排林蹶石羣呼狂驤於是賓北門張祖宴諸  
侯來方岳餞征馬鳴雲旗亂茄鼓兢起金石交  
作絲簧迭奏絃緼憇悞圍軋護護發言為酸根

衣為喟左右淚落莫敢仰視豺狼嗥兮路垂緇  
臬鳴兮林間欲往廷兮不可將獨處兮懷愆爾  
乃君門萬里一視無際天閣攬人闐噫鼻羸虎  
豹環繞鉤蛇傷衛自冰飛仙捷徑而介入又孰  
能柳紫官而謁上帝於是燕國大夫退而嘆曰  
僕本澹人游心大空涇渭潭漚出入濛鴻等天  
地兮山川猶毛髮兮在躬我無物而不得物無  
我而弗通總唐許於瞬息齊菌桂於一終乃今  
神游於太玄遂吾虛於無窮為之亂曰若有人

兮乘紫煙入大化兮超躋筌佩冠劍兮上下昭  
日月兮回沿何蚊睫之少虞又奚之為吾莽焉

廣招隱賦

碣石隗紫兮築桂宮陰磻礪兮遠雕墉明月  
瑤琨兮究陸離犀象蹲視兮瑱文璿長裾結劍  
兮曳雲霓刻燭遊戲兮尚夜來孔旂兮翠羽撞  
琴鍾兮袍鼓廣額兮繡褱駢進無兮訖堂色氣  
氲兮曷昧送琬液兮瑤觴君胡為兮山間踞盤  
石兮飲泉空谷兮無人菟菽霜兮蔚翳香暝飈

兮瑟兮鬱岨岫兮精懂々兮神罔壹兮深林險  
阻兮常豹往來鬼太息兮君焉處此甘蠹蝕兮  
鬱岨嶂壘亂礧礧礧叢萑輒第隨風婀娜蘿薜  
網墜兮紛々魑魍怒嘯兮愁人綠羆兮玄狔攀  
援長驚兮邈不可親君何為兮不歸徒竚想兮  
浮雲重曰王孫逝兮碧草幽明月嶼兮珊瑚洲  
搵朝霞兮不可見窮四海兮焉求翼神龍兮未  
過鳴鳳凰兮庭柯桂樹兮又何為兮淹留聊出  
隱兮與堯舜而賡歌

龍池賦并序

魏罷少方伯太原王公雅好龍池竊考括地志  
 圖稱龍池山四方隆表窪中多水有龍出入食  
 五花樹公以此自况其玄德獨尚良可知已然  
 負瑤琰之器者必屬遏雲之響柎叨居南鄙濡  
 公德化苟非闡之以辭後將何玩焉於是即著  
 斯賦以暢公美其詞曰

黃帝莽漢之野龍池之山彌襟帶而奮鎰兮左  
 禺隳右崑崙北繞三桑赤澤南馳九疑緡源鴻

紛未歇蟹溱溱鬱玄津在焉若夫論其為狀也  
 究其為怪也爾其區域也則雄嶽礧礧方七百  
 里增嶺嶭嶭崑崙蛇岬岬以翹陸蔽虛連峰負關沿  
 日隱輝藏精畜洩媚虹飲雲木虬嘯月鬼神荒  
 惚若存若沒乃有碧樹抽烟錦草結綬五花爛  
 煬九芝並秀瀑泉竅以泉放乎川藪鳳鳥之所嘯  
 歌神囀之所遊遨於茲託處者什殊八尤焉於  
 是泰洪擘其厓康回絕其紘天吳貢其波江胥  
 湧其靈神濤泣濤翠浪連濤疊如紋羅澹若陸

青澗瀆放溟淵還激泓挾輕颺以長逝析嶠碧  
而不可觸矯駭天之羣龍脩快雲之霍鵠少鳥安  
翔寂寥徐迴如解軍裝泣：渾、激灑乎琳瑯  
若迺水藻披紉於陰崖石髮抽鬚於陽渚綠蘋  
承流以委猗紫藻隨月而容與莫不呈華露色  
或浮或沉鬚鬚江浦至有紫紺珠蚌頰瑩文  
鱗鱗魚鯉噉嚼冰涓優游澄潭儻注忽來連夫  
朱義既明精活上漢散為朝霞靡離爛煥圖靈  
學僂翔麟狀鴈變化峴崎測之無惑故其神映

遠田潤建木之東葉影扶桑之西枝飲夸父於  
浚滄浴昆吾於前涯嗟太涖兮黃鵠散驚華林  
兮連蕊稀愁積草兮珊瑚晚吊疏圃兮明月低  
爾其層渾之淵洞冥之府有蜿若龍栩栩保  
赤帶翠鱗鏤髯豐輔搗藻繪文章采珊瑚雕琢  
璘璘駟奕外朗青瑩內分鱗鱗輝瓊連鰓蚪  
不可盡論若夫騰池表溢清埃馮太虛驅轟雷  
霖四壑徧九垓貫影河津掣電海嶠煜煜灼爆  
沌混邠照遠而視之似神女遊朝陽迫而察之



如若華流景光蔚兮銜燭耀鍾山之野隳兮啡  
黎涌夏后之堂於是豐隆警轡紅鯢衛趨蜚廉  
清驛列缺候塗雨師舉水族戾神輪挂虎蛟既  
玉珧沉鈎馳械雷兜殞蠱雕鍛授軒轅之符構  
女媧之精效有虞之璽負神禹之艦豈乏躍劍  
於延平委杖乎葛陂雖飛聲於僊館終見誚於  
龍池也迺感穆天子之事起而賦桑池之歌  
曰軼八駿兮黃竹西奏廣臯兮臨玄池水粼  
兮失龍騶誠荒淫兮何所為又續而為飛龍之

謠謠曰濯滄海兮欵翠翰錯金碧兮葩紅蘭游  
淶池兮戲層巖乘九五之嘉運吐赤文於瑤壇  
佐哲夔以典臬為聖后之納言君寧批徑天之  
逆鱗願燦耀於瓊編

### 夢洲賦

趙王遣使幣聘盧柎注就見之王命坐諸客上  
曰暮爾小國屈先生以言竊聞先生存邀大器  
焉紳之士注、構先生賦有之乎對曰然有之  
王曰奚賦耶柎曰鄙人質朴蒙侍君子於羅大

公為雲濱賦王別駕龍池賦董封君邃養賦李  
麗伯滄溟賦張戶部壚山賦陸大人作夢洲賦  
既成大夫極有所稱賞而王未見焉王曰可得  
聞乎曰歲重光赤奮若之夕中州大夫晞嵩高  
俯河陰坐述玄之堂感牛女之故精神恍惚如  
將飄舉青揚微婉黃氣四湊乍若有喜不可究  
攄少焉就寢夢見二客造焉褒衣偉冠紫目貝  
齒進退尺度貌甚閑雅翦刈籍草坐棗樹下履  
素手弄瑤芳輒饒碧飲寒漿極妙思樂無方爾

迺乘鳴鶴之舟遊赤岸之浦超凌虛之樓翹飛  
雲之檣鬚鬢杳暝若幽神怪修容長鬣見一道  
士延予升堂體貌備至言笑甚驩殆昧平生詢  
之氏姓疆曰伯靈舍舟而途槩三百步石壁巨  
閣輝搖光燭扁稱瀛洲寔多仙駕爾其為勢也  
擬其為大也磅礴轉轉石研千仞嶽列峴嶂皆  
施遷倚緼隆豐紫岫巖嶽負遠而視之渾々為  
胚々為盪々為沾巖々為崇岳々為煙熅濛頤  
浮乎漢表迫而察之峿峿離纒反在水底蓬萊

峙其左方丈峭其右員塢陀乎水涯乃壺受而不收其陽則朱羲清華盛夏凱焉其陰則玄靈溫風隆冬煥焉是以山峪魑魍之所水府龜鼈之磧夏后方貢之未專大章神度之尚沫爰有瓊璣赤瑕藍田江珠琪珣琅玕之寶綠碧璀璨蔭乎玄濤草則石蘭木芝蒼蒨江蘼蒲苴葦蕪鷓綬綠沙木則榎木若華椹櫨豫樟梓神青梭櫚沙棠扶疎楠樛被乎西東於是珍異之禽神怪之獸則有鳳凰鸞鷲鸞鷓明鷓鷯鷓鷯鷓鷯

飛鳴翱翔戶豹咆黃龍騖麇群蛙獾頤其水濱則有獾獺水豹蛟蛇石鱗龜鼉蜃麈魴魷鱈鯨莫不噍喁淫溶哂嚙菱藕閔汜幼靡或左或右於是徑掛狽之岩涉通靈之澗躅文石之橋謁玉虛之府長髯舉方師會命童子設饌具乃有苦醢之羹勺藥之醬滌菰肥脂九醞鬱鬯炮鼈寒鱖燔雞酸雄山麇豨豹之胎水韋鱗鱸之腴腥菜錯異豐融苾纒千態萬殊凡所以滋神晁養血暄者充乎四隅乃使師洵鄒子之徒截

孤竹制鳳尾控素頸流纖指吸朱唇離皓齒玉  
器發龍吟起激清商靡流徵泣嫠婦慕放子開  
九陰除積匯大音未希列絃舊蠲拍挽逸響小  
大互比武毅揚比音滯蜚廉馳泰一嘅聲盤姍  
以隱約執迅突而爭鏃嘆壯士之不及信猛厲  
之可喝招屈原於江潭起隋武於湮隧雖忼慨  
而莫覲其人徒心神為之搖旆忽東方之旣白  
覺精鬼之未沫一歎而寤華之載記趙王曰善  
之編百疋王二轂文馬一乘盧柎携之歸

上

九騷并序

九騷者晉人盧柎之所作也柎被誣抵法逮  
繫詔獄十年餘上官考驗率避嫌弗肯原庚  
戌平湖陸公宰邑治政廣明為法不苛察其  
冤平反之今年秋以不事權乃遷南京祠部  
主事柎痛失所天不勝其悲哭別離之思於  
是作九騷以摠其志云  
嗟夫山川之鬱缺也胤秀芳揭日月而載充稿

節兮若出浮雲凌厲橫處兮起未央發軔兮聊  
將與行決轡兮徑度乎紫宮翩翩容與兮園視  
之無垠跋踰攘袂兮抉鱗而輔新釀化兮士女  
要顏而流誦聲歎逝兮物愛之不可懲惘愴兮  
而私自淪雉漸々以飛雉兮蟬噫々而搖鳴鶯  
翻々以窺窠兮蟋蟀哀響於戶庭悼犬馬之餘  
齒兮荷君子之明馨仰涓埃之無報兮徒嗟  
乎血衷獨竭思而忘寢兮若羈旅之無維隣望  
南雲以慨嘆兮心搖々於旂旌

右一

痛世之熾嶮以詭製兮倂微纏而枉度謂騖裹  
之奇驟兮戰羈之使遵此陋路夫騖裹諒不有  
於羊腸兮輟馬騖以負驚慨造父之不若是兮  
或今之人善御黃鵠一息千里兮夫豈爭食於  
鷓鴣聊濯羽於枉渚兮終翻々以遠去顧豢龍  
之捷巧兮視神物如犬羊儻奮雷失所處兮悵  
牙立而催躑苟大人非可乘兮胡為是之渙泥  
臨池水以凝睇兮又何軫此軒冕吾奉堯舜以

為君兮忽不知其巉崖表獨行之朕介兮歷九  
折而不及伊摯負鼎以康后兮甯戚飯牛而商  
歌儻斯民之翼垂兮聊折節以委蛇驪裹逝兮  
玄闈黃鵠翔兮紫氛觀者浩歎兮如煙踣馬矐  
顧兮河瀕夫神龍幽蚪以行天兮非條蠖之匹  
倫固將視之澤此而后土兮終迅往符吾所云思  
江海以為竭兮涕淋浪而橫集願附君之車塵  
兮身窘束其未得俟結草以抒忠兮何枯駟之  
足惜恐年歲之超忽兮旅糞壤而無益

右二

吳艤發沃兮櫂翠翰秋風嫋兮吹河干鴻雁  
嘹唳兮絕羣難徘徊翔視兮血汎瀾涉蘅皋兮  
辭遠客魂荒兮將為薄捐珮兮洎許結長想  
兮江之嶼顛畱斯須兮惠我語君不顧我兮苦  
復苦翫羽逝兮沒長雲望不見兮涕橫紛攬浮  
颿兮不可繫之沉濤兮長太息超旣馳兮中莫  
血精搖兮增惶惑落日恐兮絕響歸來兮申  
旦昧之未極

竊獨感此鳳凰苞彩之九章兮揭重冥而離  
覽冀州之有無兮舞德輝而下之顧斤鶴之  
笑兮彼亦奚知夫鳳凰之所嘗將無量於菽  
詎兮森振羽而高翔心隱憐之惋愴兮固無  
俟於君子之見明特滑鬱而絨處兮中憇惘  
而無傍余陟站以望君兮君之行已云邁  
眊白雲之鬢鬚兮儵幻擾於江介山嶺  
屹以橫厲兮水淅淅而縈帶羗神徃而  
形留兮極勞心於天外諒覆

盆之曠蕩兮繫日月之大明  
蒼垂照之無已兮永萬恩於夏蟲

闢白門以周覽兮迤秋氣之漢  
津悲梧楸之委約云葉菸邑而有  
霜撤朱夏之恢蕩兮然悵悵而不  
平六龍杳不可頓兮王喬遠又奚  
之與存日曉獵以下春兮月載魄  
而上營歲崢嶸以不處兮老冉  
而相循奉不肖之賤軀兮曆四十  
而有七恥功名之不建兮幾隨身  
於鬼魅枉浮

生於斯世兮終佯狂以自適繹大命之所由兮  
託深衷於罔極擊清醜以寄悃兮飛廉誑而莫  
將因贈言於黃鵠兮喟余又不能高翔羗媒絕  
而路遠兮志經鬱而弗彰立蒼莽以許望兮徒  
結想於微茫顛假跡於楓葉兮流洞庭之煙渚  
常宛轉於舟楫兮得見君之容與寒儻佃而常  
進兮張疾心而齟齬

右五

繫余幼感慨而好嘆兮矧此離之多故款宿之

之動俗兮懷征人之徃路日淹暮兮風颼颼吾  
登長隰以騁望兮君始沛平方舟貽貝璐兮捐  
明月吾與君期遊兮江之沙思溟濘兮旅璘琚  
吾欲自遂而矯往兮徑絕欲寃頸而愁處兮無  
鄰然中道而瞽瞍兮忽不知其所從羗疾心而  
反視兮歷肝膈而抽誦顧愚款之難變兮信常  
揣辛丰顛竊仰北郭騷之抗行兮盡一飯之奇  
報媿驚寒之弗違兮恐斯名之未紹夫梁父之  
非所乘兮東海余莫能蹈馮蠶邑其害已兮乃



和衷而自幼食草澁以為飽兮御毛褐以為溫  
朝臨礦於清流兮夜託宿於孟門遵市南之先  
軌兮揖伯夷之清芬將要之以沒齒兮奉君子  
之玉音愁豐々而無端兮思嬋媛而不解魂髣  
髴於江漢兮願朝宗而赴海

右六

慨羨一人兮逴遠遊翱翔凌厲兮臨河洲迴橈  
碗暎兮心夷猶鞅足無聊兮若失好倪沙棠舟  
兮青雲幔朝黎陽兮暮淮漢決層冥兮送蜚雁

蹇誰慕兮淚如霰曠余昔兮山之左雲英々兮  
而來下曠千眠兮塞原野挑飄颻兮君奚舍采  
芳杜兮蠟石林霜露々兮雪紛々婉懽懽兮倚  
莫贈君轅我考思不住滄波之臣兮渺煙樾騰  
魚龍兮喰海月我思君兮阻天關虎豹咬兮熊  
羆咆鷲鷓鴣兮夜怒號風颭々兮山木寒思  
公子兮增離嘆

右七

偉終南之松檜兮挺直幹乎千尋託奇根於陵

嶽兮掩枝葉於玄津妙蕙華之競敷兮望風雨  
而先零君獨服此勁質兮諒冰衆芳之所羣奮  
薦喙於槃護兮頽當君之夏屋頤杓鑿之橫施  
兮乃終惟此怨讟心闕々之隱軫兮哀斯世之  
蹇齟指南土以翩翻兮汨滋邁乎芳躅託鳳鳥  
之先容兮藉鷄明為浚乘謁重華之離宮兮奏  
雲門舞六經鄭聲曼靡離遠去兮麤穢除而虛  
清慙衷嫺儀以沕宓兮夔龍軒翥而並迎夫賢  
臣作忠固無遠近兮量自信其所長堅白支離

吾弗與辯兮雖頷頽其何傷竊余離慙以永思  
兮俟一見之何時痛江河之愈下兮恐青雲之  
後期登宛丘以望君兮君之門萬里泝江潭以  
直上兮嘗余又畏乎龍鯉仰浮雲之互逾兮杳  
鴻雁之難攀心佞佃以怛恹兮積遙夜而永歎

右八

皇天之不逞於一物兮禡余魄使有行乘熾嶮  
以集憇兮被倨傲之頑名苟視履之無憇度兮  
身焉取此純纒唯神理之降罰兮假暨奴兮用

殛銜窓鬱於夏臺兮欲一鳴之匪得惜既往之  
莫咎兮想將來吾不可測迤馮々而無終兮怡  
愜々而因極竄慌洩以孔黜兮精煙々而遠襲  
揆堯禹以為像兮揖仲熊與為伍余孜々日夜  
以呻誦兮尚欲奮聲於天下然傷惶而絕術兮  
衆噂喑而認予歲困敷之罹綱兮至今十四年  
而始原微大人之鯁介兮余又焉能使常存喬  
犬馬之無恙兮歡既至而沾巾慟嗟琅之曷已  
兮信感泣乎路人昔越石之當垂兮晏子聞而

解之苟鮑琳之少忍兮仲孰與乎宥之感國士  
之奇遇兮彌千載而仰之思鬱悠之甚暢兮判  
淹離而晟之送佳人之媵々兮擁千騎之嘽々  
載雲旗之旒々兮疊鉦鼓之驚々左蒼龍之婉  
婉兮右白虎之嬰々屬雷師之轟々兮御豐隆  
之翺々飭帝江使混々兮戒陽侯之貅々叱龜  
鼉以為梁兮靜蛟涎之泗々二女飄々而來翼  
兮馮夷僂僂於滄洲兮江水無波兮檄九河使  
安流渺長浮之瀨澹兮還期君之舊鄉嘆處昔

之莫從兮徒億心之違、夙不忘茲厚德兮將  
坐見於羹牆忽乎君之高蹈兮顯光烈於虞唐  
右九

蟻稼集卷之三終

蛟螭集卷之四



黎陽盧 柟次榎著

同邑孟華平明瑞校

長清張其忠伯薰梓

詩

懲咎詩并啓一首上大名張太守鄆西吳

吏部少槐空翰林東崗

柟頓首啓拘幽五載二靈未塋兩稚繼死宗祧  
有蠶食之憂日夜悲號煩懣經鬱播為不仁啓

偏枯之漸蓋志塞則神昏氣秘則形緩可以宣  
蘇神氣滌蕩邪穢遭遁世而無悶者取要虜音  
聲焉是故言之不足則發之以詠嘆詠嘆之不  
足則彈之以詩賦然楚恭寤言隆以羨謚子服  
補過濟為上大夫古之君子過如日月之食更  
也人皆仰之詩賦之作宜莫近於自訟也已鄉  
昔梅引見御史臺時諸公神明察柙寃誣力挽  
之不出夫並物茂育者天地之化也燭微垂光  
者日月之明也矜愚兼養者慈父之仁也潤物

無跡者元老之器也聖澤汪濊時雨灌沃枯槁  
之民蒙被滋潤勵結草之思懷刻骨之銘晝夜  
寢食一夕匪懈第以天網難於頻解人心可以  
道固沉緬垢顏退思臯戾跣足嶮嶇游志坦夷  
文之禮樂以從事虜春秋大改過之訓望風承  
顏馳精羽麾傾聽鍾鼓刀鋸之警歛若遺失作  
懲咎詩一首走獻下里淫哇無足採擇祗據下  
情云爾柙不勝悚懼頓首頓首其詩曰

於皇 明祖曆數在躬龍翔淮甸鳳跼金陵

哲后繼啓寔為 太宗滌宇沙漠定鼎北平  
鳥肇跡篤生我皇文思欽明武烈威揚九壤  
流化八葉載光越商軼周方軌於唐赫々明聖  
臨下土閱茲藩魏在漳之滸政狎民逸不克時  
叙咨汝宰臣孰寧予處天官曰都張公臣隣懿  
思淵塞邁德種勲三揖緇衣五馬白脣錫汝淮  
陽以優王賓曰若李公維帝喉舌逆鱗補袞持  
稷糾契執憲匪回萬夫之特投章出郊藩此南  
國曰維吳公環拱紫微縣衡泰垣曳履龍蹕三

台中於駭標天維懷玦之屏絕景超輝象服有  
韓式讌嘉會劔履雲行徽章霧麗丹霞扶軒流  
颺承珮相協天人調和鼎鼎振舉頽綱綜釐群  
紀肅肅公徒綦綦俊士有懷克綏無頗不陂神  
人肯悅黃耆稱美繫余小子髫鬢載年園彼橋  
門執經陳虔虞磬玉鬯琴瑟洞絃官師倣慕我  
彌我愆嗟余小子般樂肆射禽色交荒曾匪日  
夜日居月諸忽焉代謝長老有言固而弗化履  
霜堅冰積雪維霰福始禍基致毀匪媢臧獲跋

扈豎牛之漸駕言鉏挺構茲竒怨誰其為梗職  
此屬階行人牽牛邑人之菑匪曰狡狂孰為斯  
媒沉思窳圉遐不愴懷蹇蹇王臣侯來於京雲  
馳四表靈動八紘霜飛天鉞秋冠烈纓如追放  
豚寘余典刑群公穹燭察我寃隱灑以甘露潤  
此槁軫爍燹燎原撲滅可近三宥弗張太極迭  
敲犴狴勿密纏牽永殛卧無曲肱行有顛踣日  
星安施遠此昏墨維繼之儼與余偃息大夜何  
長佇視虛照魑魅傲倪既頻亦笑招之不來迤

運入廟非予作孽斯烏耶造瞻彼衛澳有蘋有  
蘩祁祁士女大珮瓊璫以嬉以游俯仰如神豈  
不爾懷畏此棘垣麋鹿榛榛席豹伾伾蹠走曠  
野齧肉茹靡夫我無食不如爾怡歆往同群騶  
虞在遠伊禽之介黃鵠其羽千里一息不遑寧  
處蕩蕩玄霄儔克與伍有泚厚顏莫不能舉噫  
嗚鴻鴈唼喋江湘弋人何慕實汝瑤觴汝之匪  
覲亦自云已罪豈補盧俾我悲傷何我人斯不  
如獄草晨光朝晞零露夜灑草之油々孤秀斯



寶嗟予小子胡不自好嚴父辭堂慈母去闈二  
靈並暴風雨中摧園幽五稔誰掩葛藟心脅慘  
傷髮膚當垂兩稚失怙咨命不永厥緒斬勢誰  
繼余統馬牛風埏牧監登隴萬歲千秋涕下如  
綆妻孥牽裙將柰若何我有嚴刑遑恤其他生  
當來歸死當長嗟茲其余辜怨豈在遐諤三公  
奕世夔龍投分紹運駢翊帝衷力侔造化志與  
神通何惜覆盆照此微躬蠢爾黠虜窺我華闕  
願投有畀親冒矢石塞旗瀚海奮劔沙磧雷鼓  
鴈門電掃張掖捐軀國難解順龍鱗血化為碧  
膏塗鉄斤薄劣既弛少謝陶鈞死雖一轍肝膽  
殊分天未悔禍憂心煩勞懷賢如渴德音式昭夢  
寐亦鳥仰止嵩高王澤弗竭鑒我詩髦

雜興五首

輕車載脂良馬且閒于盤于游之覽山川綠蘿  
高林鳥鳴關之神逸志悅踞石飲泉劃然長嘯  
鳴谷振烟青雲何意翱翔我前欲擊以登倏然  
上天整巾頓纓薄暮言還

魏之蒼山湯之洪河鳥集于林魚游于波飛潛  
攸揚物謂爾何遵彼修陵顧景高歌手弄賜黜  
神渝天和日月迅邁胡為蹉跎  
採之石萼薄言江沚婉義者誰中州之士目金  
有成惠若桃李遺我九垓倏忽千里澹然遐思  
俱茲流駛

揭旌蘅阪弭蓋崑丘礪齒石林洗耳滄洲仰瞻  
歸雲俯鑑川流從彼物化操我虛舟真心大怒  
坦然神游是謂維何列子好仇

月生蘭圃雲流華軒微風扇閨曲池有瀾旨酒  
既清嘉穀且瞻爰御琴瑟一鼓再彈申此德音  
懷我所嚮永言莫晤云何吁嘆

五言古詩

東隱五首

仙槎隔溟渤天漢嗟無梁桂樹含丹葩瑩草暖  
平芳我生無日翰翻飛不能翔攬衣步霄月撫  
劍臨秋霜欲問嚴君平此事何渺茫

伯陽柱下史曷倩金馬門大隱在朝市何勞避

世喧和璧與隋珠，慢藏盜斯存。投售一失所，接  
劍足已指。徒為側丹心，悲來胡能言。

鳳鳴千仞岡，苞綵麗天雲。高士有竒姿，光華揚  
紫氛。藹蕙樹百畹，琅玕植千尋。託跡在巖阿，悲  
嘯有餘音。歌終忽不見，杖策為鄧林。

逸翮奮霄漢，高步躡天關。寒衣在樹塗，長風吹  
海瀾。瓊樹繫游鯨，珊瑚代朝餐。恣情戲靈景，靜  
嘯皆鳴鳶。浮世信清濁，焉能濡余翰。

幽人何髮鬢，乘化游丹谿。雲裾佩瓊璫，敲  
蒼螭。操弄綠蘿煙，蹀躞紫霞輝。薄言佇山樹，聚  
盜修羽儀。高舉謝塵寰，長揖答夷齊。

雜詩七首

迴陰翳朝日，薄寒屆以微。霜綠池潛游，鱗飛鳥歸  
林。翔北風吹蕙，惟馨香發我堂。攬衣下階除，履  
履獨徬徨。豈無芳草思，欲寄愁春陽。夏來人莫  
知，悲憤結衷腸。山韞玉含輝，川沉珠媚花。所願  
崇明德，別離何足傷。

皎皎明月光，照見東大樓。天風吹綺疏，櫺軒一

何幽上有憂思婦顏顏懷良儔中夜鬱長嘆悲  
嘯含清秋借問怨阿誰不語彈箜篌清商激中  
曲音響何淒湫大絃回陽春小絃咽泉流精誠  
逾金石烈思揚清謳蟋蟀鳴金閨霜霰披梧楸  
日月迅推轂鉛華安久留願為梁間塵隨風入  
君憐

丘中有隱士枯槁不可識渴飲潁川流饑餐首  
陽栢薜荔為衣裳蘭湯沐芳幘庶麋戲左右獲  
狄相牽媒朝引洪崖公暮近浮丘伯揚袂涉中

州落英蕩桂楫我願從之游飄忽眇無跡佇望  
立澧浦颺風起我側攬轡回故鄉白日忽西匿  
感彼空冥鴻翻飛振六翮

谿谷饒冰霜幽澤多芳艸朝煙滋綠輝夕露發  
青藻芬香披原塗弱葉亦俊好佳人殊未來繁  
華易枯槁悲哉君子心綿綿在遠道歲寒見松  
栢可以喻終老

高樓有佳婦窈窕青雲端左蔭綠桂枝右紉芳  
澤蘭臨流戲珠浦檢翠游芝田蛾眉衆所妬時

俗尚無塩捐棄蓬蒿中誰來希令顏徘徊歲云  
暮拂衣聊長嘆

驅車泰山阿梁父何崔嵬狹路阻且難車輪不  
能回磊落百丈巖空冥千仞谿悲風從中來樹  
木鬱森竒鳴鴉號我前能巖舐路垂四顧絕人  
煙零露沾裳衣遠行多軼軻傷哉心獨違回思  
駕方舟川廣帆檣危徘徊在中途執鞞思死還  
僕夫疲以痛我馬復蝕隤日暮隴阪長行行將  
安歸始知阮步兵痛哭各有為

征夫嚴風駕負羽即長衢天山白霧滿瀚海愁  
雲紆日暮向何處疆藩為我虞前年雲中雉  
帥血漉滿胡騎從北來鳴笳聞旂卒遼陽  
驚于城為獷狙桀驚我皇使髡奴縶長緝險阻  
掣重關氣蓋連東夷欲揮天馬過指顧定邊陲  
惜無晨風翼阻此風雲期奮身臨飛觀遐規遠  
四區長城衰萬里上與浮歎齊耳虛聽刁斗目  
竭迴旌旗安得楚雄劍揚鋸震天威塞門背捲  
甲沙郡面渠魁緝安西鄙民扶持四海危掃清

黃池塵放馬華山歸喪元在溝壑馬革裹屍回

贈盧潭城二首

六龍推轂輪四運無停軌日春薄虞淵月朏昇  
玉壘飛瑩流雕甍微禽變玄海寒露被陵谷繁  
霜瘁江蕪缺隙馳白駒人命易頽改赤松既渺  
茫安期亦誕晦苟非青雲身焉能施後代鳳鳴  
振綺輝龍飛薄霧靄步趾須芳林揚聲欲珍彩  
豈維工雕鏤立心貴與萬君懷璠璣姿輝光茂  
真宰曷弘勳令圖雲鶴會相待

涼風越秋海吹我東階樹柔條歇芳輝密葉垂  
豐露玉殿鑿凝霜金闈壘紈素念子居無衣薄  
冥隱天霧芟荷凌晨宵雨雪恨遲暮嚴黍沐晚  
澤青松挺陰沍尚父釣河濱甯戚飯牛寤天造  
時康屯雄蕞霈霖雨貞觀詩書場母為悲世迂  
我希吳延陵寶劍非所顧敵義篤情親千里共  
竒步

奉和王大伾侍御賦雞冠花有命輒和一言

東方有神鳥高棲紫霞山赤雲生羽儀列缺飛

雙翰據身蟠桃枝長鳴開天闕青都閃玉樞白  
日照幽玄帝怒振威譴摧落頭上冠墮地餘仙  
姿化為百花觀繁曲何逶迤茂彩亦螭奕峭葉  
滋碧輝墨粟含珠丹軒發若揚音聲撲迅衝瀾  
窈窕信幽遐翩翩誠足謹歲暮歷凜秋霜華浣  
其顏愧與卉草伍豈惟松柏堅金谷乞嘉靈梅  
庭薦高賢左右娛樂意圖書生清妍無為長毛  
質飛去終難攀

贈道士

雲靜玉虛敞霞明金闕深鬱羅樓祥煙中有長  
生人饑餐瓊玉英渴飲華池津不笑亦不言綽  
約含天真為問此阿誰渾沌即與隣元始觀幽  
光鶴蒙拊清氛瞑坐合運會揚眉倏垂春寄言  
下世士尋茲人無垠

太子洗為童公內方扈蹕謁陵有命輒作

春日曜陽景榮華何郁々崢嶸繁卉菲葳蕤紫

微簇禁光信清遐蘭橈親直宿我君感雨露裡

薦信非瀆龍章翔玉鳳儀戒黃屋流雲滿靈

旂焱風夾飛轂鳴鑿堂以春渚迴旌陟山麓白日  
麗蘭皋晨光清滙隩極一目眺神京祥煙紛四疊  
皇心亦陽澤

聖孝  
七陵英秀毓人油行愜歡情海嶽拱清穆

燁重光薰蒸浹九服  
豈云藐姑射盤游餌羞惡  
微臣諒薄劣榆揚慙  
及牘願陳駕馬姿清飈侍  
坤軸

孟龍川許送甚香不至走索兼以詩寄

管鮑古名士聲譽何輝煥夙期貴相親感激良  
有託我亦慷慨人卜居恥離索岵嶢望龍川颯  
沓煙霧廓之子住翠微影響見灼灼作賦凌清  
霄愛飲臨大壑翕張龍鳳姿偃仰猿獠嬰東園  
吟嘯臺恍如青天落憑覽望八極寰宇真空擴  
仰殫明玉霞俯拾金光藥調嘯宛孫登清風振  
山閣攬懷腐草質潛身在菖藿深夜撫長劍以  
海環其鐔安得說楚王一揮萬人爍功成長揖  
去與君尋溟漠冥坐焚芸香高名辭衛霍回看



九關門湫隘如大橐籥哉重然喏毋與世相攬  
王大伾草堂五首并序

嘉靖己亥歲王大伾侍御築城南草堂成朱  
明既麗時雨方歇兩山擁翠雙岬迴繞高臺  
騰吹以承雲木客唱舞而赴節賓客樽坐羅  
衣從風非有琦瓌之詞曷申厥美因著詩五  
章

三五已淪替霸王氣不全末流信頽奔至道中  
復難賢哲叅時中奮志摩羽翰棲身柱下史

興擬周聃道遠身即殉棄世復來旋

來旋自廣庭希世濯塵纓草玄合太始茗飲通  
神靈物化在握紀周章游無窮漢儀委葛草魏  
闕寄鴻真心閒理自得志澹物俱輕

物輕亦徜徉塵廓非我鄉誅茅遠城市結廬近  
山陽前沼含雲澤後臺凌穹蒼萋萋礪谿草春  
秋生輝光日暮會佳賓嘉樂陳中堂

中堂嘉樂陳紛華羅錦茵已僮激清澂越女流  
商音一奏驚回颺再奏生陽春中人莫云悟歌

者徒勞心所以重考槃永懷嘉樹林

嘉樹清且圓蔭彼城南田層枝棲孤鳳奕葉鳴  
寒蟬幽人懷澹泊日夕獨盤桓桃李雖容艷早  
落春風前何如主人樹茂育長千年

繫獄敬呈王大伾侍御李復齋工部丈六

十韻

乾坤日羴羶蚩尤薄雲際哲后振淮海應期拯  
頽世金陵王氣鍾石頭雲影麗風收效威靈夔  
龍掃氛翳奕葉三百年皇風紹帝系天子坐明

堂南面稱王制冕旒垂天光玉劍通霄霽太微  
廓纖塵萬里見毛毳元默籍儒術恢紘資聖獻  
宣室訪鬼神茂陵求俊藝大伾起伏龍南溟恣  
洙滴行空作霖雨少答聖明惠宸藹紫微垣暮  
拽青雲履抗劾無中闕糾彈懾戚第上方斬馬  
劍入目決雙背清戎大梁郊按轡于越泐倭身  
一鷲鳥霄漢獨凌厲迴登黃鶴樓笑謁蒼梧帝  
赫赫江湖間高風捷虹霓東家李北海個儻執  
英袂仙宦浮江湘芳聲播燕薊詔為滄水使寬

此漕會計疏鑿九河空導流百川細三吳十萬  
艘朝宗轉迢遞雍絳各一時泛舟同康濟至尊  
假顏色徵入承明砌御屏疏姓名金馬晚留憇  
紫宸揚清氛飄飄借蘭蕙詭疑動明主懷袂各  
長逝悵念平子詩頻流賈生涕懷沙一傷心採  
蔽聊卒歲僕本澹蕩人林壑憐松桂嘯棲巖岫  
間疾與煙霞警仰窺雲漢章自覺衆星暗不羞  
鄰女顰竊效西施媿招隱小山樹聞經泗水溢  
侯巴顧何人太玄得深詣揚目靚青天白日忽

西閉山海東南傾風波無停勢曾參却殺人蒼  
蠅點錦幣改服南冠囚越吟從逮繫淳于當嚴  
刑緹縈杳難繼痛哭父母柩那憐兒女斃一門  
如枯蓬超忽無根蒂寒予何述遭遭此鯨鯢噬  
鸞鳳掩雲羅騏驥苦淹滯豈不思天衢誰能徹  
悒菽發矢石飲羽揮戈日反斐精神苟不滅天  
網終見貫用茲曠達心優游在塗泥閱書窮九  
闕灑墨橫岱嶺衡嶽疲夢想瀟湘見噴溟有時  
仙人來攜我游荒裔倒景不可攀倏然墜煙壑

復爾清濁中詎能聞鶴唳慨彼魯連子調笑寡  
儔儷能解聊城紛永鼓滄浪柁何辭涉中洲蹇  
衣救淪替輾轉不得親徒為眡睥睨憂來復何  
言書向南山筮

贈胡公入覲

天王大一統四海皆朝宗胡公躡仙飈籍政聞  
九重鏘々青瑣墀蕭々雲從龍才力當代見儒  
雅汲彌縫螭頭玉皇案落花何濛溶近時三輔  
賢將擢此登庸願君勤明德早晚薦璧琮

贈故大同府節判魏張公祝入祠七十韻

魏博富才藪儲英斷幽顯金璞無留精肅豹澄  
視眇文章兩漢際墨跡蒼頡篆多賢信足徵特  
秀殊異謨張公真天人弱冠負婉孌鳳毛何翩翾  
孤嘯絕岷嶂矯然雲空翮似共扶探搏遠器詎  
可識棲栖但蒼畎腹存五經笥身與六藝卷矧  
孫禮猶尊毛公詩放衍桃李垂映春蕪穠屢推  
搦庭草有餘姿園葵復開展李膺縣龍門侯巴  
激繩勉有母老且貧負米不憚緬北堂或寢憂

視食噉必泫夜坐寧解衣晨興忘屣屨仲由晚  
升堂曾參力親勸豈不懷曠逸所愧斯道外操  
觚赴風箬論議浮雲捲天地豈毫末萬物皆繩  
龜揮霍齒鵠劍絡繹如甕繭九河一奔決筆力  
與深淺賈誼魁大庭却生逼眾選春雨濕荷衣  
秋風醉華宴領教即同州文旆辭玉輦淒其燕  
坐擅寂寞公堂鱗盤中長首着衣上生苔蘚整  
饒文字宗手足成宿旃乙科連佳士芳聲捷銀  
通銓曹籍哲行聖意親眷繼制可決宸衷御命

理東究淮南多賓客河間討墳典枕中鴻寶書  
禮經得細聞其王似太宗英睿天潢演虬鬚  
灑席步遺芳躑設醴延穆生駢羅出禁衛謹介  
控豪俠揮金潔筐篋王賜金字牌旌忠古所鮮  
為擢雲州判饋運百里轉甬道達交河軍聲赫  
桓獨落日單于營秋風胡馬現漠漠黃沙噴  
蕭大旗寒頗似蕭相賢關中息餘喘武宗殿  
祚初逆瑾恣驕蹇秦阿失金柄寶鼎竊玉鉉  
奴事私謁日請太倉廩公氣時益振那避禍橫

冒按劍雄四視意欲鏹豐獻奸回沮顏色諒直  
非顧遣董卓卒燃臍李斯嘆黃犬乾坤掃氛翳  
社稷清沈酒解綬賦歸田衡門遠游軀王公枉  
駕過俛視若蝘蜒駟宜垂耳鳶鶴易摧殄  
沒漳水涯沉絕廟堂璉鳳雖翔長雲玉樹落蕭  
荒佳壻李光祿乘龍駕嫵婉後代乃賢豪森々  
盡碧瑛道盛人難忘有司累交薦縣室列神靈  
雕檻虛壇墀窈窕映丹青煒煌雜黝堦春秋隆  
駿奔陟降立有剛玉貌雖匪殊德音誰能戩門

墻歎兮席飽聞弟子善夙期儻相親何必同笑  
噴哀贈越北風遠懷淚若洗長吟薤露篇少謝  
蒿里餞久稽尋陽囚號泣思徒跣伏枕纏相奉  
挺身畏戈戢江海苟不竭筆削太史編

酬謝逸人四溟三首并序

山東謝榛茂秦嘉靖中以能詩為趙王客居  
鄴即嘗游跡燕趙梁宋間與余相知辛丑歲  
余坐誣繫濬獄則杳然莫知出處近有人自  
宗中來傳四溟詩集讀之乃茂秦所為者中

二絕句矜予極寬擬之禰衡李白之倫夫禰  
李詩賦縣日月被雖死斯文猶存於世若予  
數跡既隱又懼重法有說如山誰肯為余傳  
哉因作詩三首用答其意若茂秦之得見與  
否無容心焉

曹思美文翰歌詠鄴中詩北游七才子俱好相  
如詞君隨鳧鴈圃應教鳳凰池聊拂清霞賞尉  
茲瓊樹枝胡為泛滄海令我長相思  
謝客恣霞想揮手絕人群朝思北燕里暮宿大

梁雲海月照舞席澄江瀉清瀆遠游憇靈境奇  
節冠秋雯黃鵠思煙侶長鳴向夕曛

李白謫仙才禰衡賦鸚鵡絨愁投夜郎掩淚赴  
黃祖殺身揚綺芬高名播千古天摧白龍鱗雲  
斷黃鶴羽感此遠謝君沉吟望梁父

讀謝明濱明水寺詩慨然有契奉寄二首

謝公躡石壁捫蘿入紫氛逸興滿吳會健筆凌  
千軍英風發誰傳明濱千載群憇游明水作臭  
比芝蘭芬海樹建霞標鷺鷥浮江瀆恍然瀟湘

思掛此鄒魯雲我夢忽見之重襲若玄纁長路  
阻會面作詩識前聞愧無雲錦字持此慰殷勤  
吳門葭白馬皎如一匹練賢無萬里明馬能坐  
相見君懷鷺鳳姿羽毛何翩絢朝游丹水涯  
赴崑崙宴黃鵠遣雲羅戈人待珍膳三年不  
鳴寬頸羞絛錠忽聞雲空音仰首矚流電翻飛  
無長風結思緬州縣悠悠復何言長歌泪如霰  
重贈李子理

麒麟出魯郊商鉏為不祥向非孔仲尼何異犬

與羊所以路傍人按劍嘿夜光近時青雲士豈  
無魯連子氣節苟不申甘蹈東海死世人聞此  
言棄之如敝屣投君勿復道北風吹易水

送華從化省謁還章丘兼呈東魯諸公二

首

華大如小阮開鐔衛水東金鞭揮夜月玉袖並  
春風偃仰青天笑歌吟芳桂叢持余湘水賦留  
寄與群公

南山綠桂樹春來發絕枝葳蕤持滿袖千里寄



相思月落清泉浦  
風吹沙麓支  
晶爾加餐飯  
徘徊  
別路岐

奉懷謝少谿侍御遷浙江憲副

洪海無凡鯉尺璧價連城  
孤騫少谿子謁帝登  
承明長劔倚窳踰步履  
蹋檣至今霄漢上浮  
雲掛高名何年辭魏闕  
翩々獨南征五峰雄天  
壁三江接滄瀛日夕兢  
秀綵紛輝迓霜旌海嶠  
擬新作石門尋舊盟  
戲弄浙江濤壯觀天地情  
雖紆金紫貴常濯滄浪  
纓遠宦兼隱逸而不塵

垢嬰聖代無遺豪  
壘龍皆公卿東山起  
安石室  
室近賈生為  
茲江漢客  
彈冠及時清  
我身在羅  
網想見昇天行  
懷賢一嘯歌  
明月落前楹

贈友人歸別墅

綠楊漫垂舞擺動  
春風情吏役  
甘作苦瓜  
期思  
田榮尋溪觀游鱗  
出谷聽流鶯  
別有漆園客  
長  
歌懷友生

奉寄河東苟侍御小川三首

金陵驄馬發  
旌麾遠石頭  
霜風推鯨鯢  
明月漾

中流軼蕩六朝賢，  
簞揚崔李舟佳興。  
滿吳雲輝光耿，  
千秋我昔聞。此時交際增百憂，  
欲往一見之。  
天路窮阻脩，瞻望遯不及。  
涕泗長河流，孤鳳棲椅桐。  
應龍游重淵，神物固有託。  
變化胡能詮，為是討幽客。  
解組歸山田，石徑掃行跡。  
羅衣拂紫煙，目送羅浮雲。  
手揮龍門絃，道腴物固小。  
閒居心悠然，茫々下世士。  
大笑奚足賢，屈原傳宋玉。  
子雲鑄侯巴，哲人多啓迪。  
講道臨河涯，至今江漢輝。  
烟々凌朝霞，風期託深恩。  
千

載著名家媿非桃李姿，  
焉能敷菁華。俄然柳生肘，  
物化終歎斜。何由重升堂，  
大造裁淫哇。

秋日寄上晁春陵內翰五首

扈聖陟秘閣，整轡游文林。  
揚輝比密玉，許身偕兼金。  
神風駭八維，靈雨潤四民。  
濟々登龍客，闌灑耀朱輪。  
承顏接玄談，浩氣如浮雲。  
回視阡陌中，涸轍多凡鱗。  
楊髻鼓泥滓，而與螻蟻隣。  
不惜及雲霧，提攜入無垠。

白門涼氣發，蟋蟀鳴庭闈。  
念此感物化，中心愴

已摧掩淚歸幽房含情當訴誰微風扇羅幄明月耀雲崖良辰亮在茲容華難久持佳人隔城闈永嘆徒爾為

嘉樹何鬱々南山桐與梓柯葉苟不強樵爨從茲始天道良苦艱甲第遺空壘棄置勿復道鉛淚徒瀾々一身當輶軻誰能慕鄉里毒痛結我腸願君察識此

瞻望大行嶺還視長河陰峻節何局促變化孰能尋大火流坤維繁霜霑衣襟澤潏沉水涓松

蘿罷長林號獸走曠野鷓鴣嗷哀吟志士悲凜秋惋嘆傷明神矧茲鞠幽客悽惻固難任

夙昔游帝京雅志好絃歌師曠調清徵湘靈鼓雲和一唱再三嘆游魚躍雙波調高和彌寡返駕涉滹沱還顧望五原殺氣鎖嵯峨勢欲掃龍庭長驅出交河壯心忽不偕白日空蹉跎歸來觸羅網傷哉可柰何

孟龍川自京師旋為余言秋部李滄溟聞冤慨然有脫囚之志因作詩四首寄上

滄海何淼茫廓然含太清餘波浸九壤萬象已  
崢嶸化機詎可測聊觀天地情乘風徒空言安  
得越蓬瀛

太華長松樹顛頽伐為薪東風恨葉過椽葉暗  
知春女曲羅拽碧帶玄鶴窺丹津危顏倚窮石猶  
恐剝蒼鱗

綠驥驕龍媒嘶雲嚙蒼昊誰令服鹽箱西上太  
行道伯樂一見之脫鞅恐不早回頭語紫燕報  
恩期瑶草

晨起坐嘯嘆永懷在簪纓託風將情素吹落鳳  
凰城聞鶴感陸機顧影憐私生願垂清鑑姿持  
照萬古情

聞張鷟山侍御巡按甘肅比歲當還敬以  
此寄上

漢葉奕千載中興氣益振離照撫萬方天狼避  
紫宸泰階無纖埃青雲翊縉紳昊穹挺神秀應  
期誕絕倫翩如鳳峙嶽矯若龍翔津鉄冠指嚴  
威白豸行嶙嶙投章失衛霍抗劾無齊秦犯顏

一折檻奮世獨埋輪有時趨螭頭雙履躡星辰  
風采動萬乘何言折大臣持斧出王郊揮策回  
西巡將帥謁馬首武士騎鯨鱗亭邀菴嶺騎幕  
遮輪臺賓羽檄夜交馳旌麾畫紛綸龍庭間白  
日天塞生陽春萬古斥鹵地能令風俗淳命駕  
旋直廬行瞻帝城闈黃華反使節東山傷我裋  
繡簪白筆再覩漢儀新竊從文翰場氣節凌秋  
昊許身報明主圖畫驚麒麟此志邈難嗣傷哉  
難重陳市虎遂構患曾參乃殺人冤頸在囹圄

日與囚儼親風雲凋壯志衰謝誰當掄明公主  
天衢卓然持大鈞宴桓遇苗公脫難誠有因鮑  
琳救伊吾曠世孰為隣天地妙化育寧辭芻狗  
仁傾誠碧丹楫千載叔沉淪

獄夜書愁敬呈吳少槐吏部

天帝一震怒貳負縛暝間石室梏兩足仰無日  
月攀我稽潯陽囚迢迢如玉關妻女阻會面何  
時復生還衛水東北流日夜恣瀟灑如何未梳  
上化作萬行泪申包哭秦庭七夜救楚地掩面

今三年猶為萬里質天命安可知長吟慰顛顛  
書柳川弟壁二首

春風昨夜來吹此庭樹綠好鳥皆芳鳴紛飛繞  
茅屋乘興坐花傍一飲傾萬斛日暮倒玉山歸  
來卧幽獨如何東隣兒冶游矜華轂

衛川狹春游翩翩佳公子衣冠何照耀馳逐矜  
鄉里我非楊子雲草玄常晏起坐觀桃李花秋  
風亦云已

送張嶺山明府轉戶部五首

銅梁張仲子割雞河水濱一朝荷聖眷白璧  
照玄纁鸞鳳起孤嘯翻飛北天雲昭王親灑掃  
遲爾勒功勳

慷慨國士遇投分知己恩一語已肝膽刎頸即  
高門何云明月珠吐之隋侯軒顧茲千里去輟  
轉悲心魂

驚之太行雲離之衛川樹啾之玄猿啼颯之鷲  
鴻顧五月搏長飈將之千里路努力黃金臺相  
斯共天步

蘇公有神劍飛入延平津雄去雌空留灑血滿  
龍鱗天路既云濶變化胡可親所以道傍子嘆  
咽雙風輪

詔出彤龍樓官辭白馬縣落花飄雲游英風緬  
京甸欲射聊城書解此閩海戰去之復何言悲  
歌旅林霰

書懷投李篁臺外博

昔余江海思凌風恣天游回覽鳳凰臺薄行鸚  
鵡洲玩弄潁水月吟嘯箕山秋緬想古人風飄

然不可求梓劍遭燕雲裂繻游皇州昭王去不  
還金臺長秋草樂毅徒空談劇辛亦枯槁痛  
九陌中迴颺起若君昊六噫辭漢京三山事幽討  
結廬大伾麓時化黎水陽饒殮赤城霞渴飲  
池漿舉杯酬阮籍彈琴招稽康放浪期九垓訪  
榆安足翔天造誠寥廓一夕生槐槍光芒動圓

象浩蕩亂天常南箕乃長舌牽牛遂服箱真身

在昭憲夙夜守園土剥膚咸脛蛇刺心皆劍櫓

陰卧魂趨趨激視鬼偃僕日月將焉施胡不照

聾聵父母荒殯階見女死秋堵嘔血徒傷心斬  
衣事終古悠々九原思歷亂攢肺腑篁臺百世  
士瀟灑落風塵談經施絳帳講道開河濱有時  
瀉瓊珠萬斛光璘函鎔鑄能幾時席上羅佳珍  
貶道理凡材褰衣訊幽谷煙雲忽一開婉如熙  
春屋曠面行嘆息力疾對芳牘覽聽殊未已猶  
獲玉雙鼓強成啓口笑無復論羞慙感此忘形  
骸片言通鈞軸願爾垂神光乘時慰臧諸龍荒  
知有詩萬里騎驪馬



秋日奉別王元美比部詳冊還京四首

送君沙麓野延望漳水濱爾登黃金臺我棲青  
桂林雙鴈送川浦雄飛雌雌復沉相并一何速顧  
今調長雲遠馳石宮魏魏紫霄岑千里益相  
思思憂傷我魂願言策高步圖畫終麒麟

燦々天上星皎々巖際月蟋蟀感夜吟涼風溼

晨發山木既云蒼江楓亦已脫遙望百里間茫

茫但寥濶鴉鳴園阪虎豹步庭闕臨路別所

覲悵然增華髮思心獨徬徨誰能為解結安得

瓊芳枝慰我常饑渴

清夜張宴會蕊李皆衆芳微辭吐  
樹蘭穆如清風揚東序理瑤瑟  
西清弄雕簧長歌過流雲四座  
無高倡離思動顏色杯酒空激  
昂悵望登高臺痛毒我肝腸

之、白飛鳧刷羽長河濤有如客  
游子辭家遠寄滯衣裳灑秋風  
飄遙青雲履仰視霄漢間景星  
何闕麗瑤光忽若遺棄我即遠  
逝低頭空復憐白髮茲衰替星  
君報明主偃蹇卧松桂

奉贈李于鱗憲副之陝西三首

曠莽龍首野巒嶧九峻岑應龍駕  
翔颺上下乘隤陰靈威施肇榮五  
采絢相尋駘蕩誠足樂悵念詎能  
任願希晨風羽招搖出平林凌厲  
赤霄間翻翅待嘯音神物固超忽  
棄我長河潯崑崙萬里高海水萬  
里流感此慷慨士飄飄順風游明  
珠多按劍久玩知自孚蕭艾豈不  
芳蘭莖良見羞得志信須更展旆  
西石樓念彼席上珍砾累行當收  
還節泠晉間冠蓋前雲浮

鴻儒富華實履道固其常顏笑破秋日罄折如  
春陽有時發幽微珠璣盡輝光室中列俎豆堂  
上羅圭璋鳴琴一再彈清風惠時芳玄沉亮高  
節變化信無方瞻望濶璇儀悲嘯愁我腸

贈子青三首

燕客懷白壁別余長河洲杳若蒼梧雲飄落南  
天陬三楚彌芳甸九江接春流喟言游此地孤  
嘯誰能儔

贈別無婁顏臨風發長思劍解雙芙蓉上刻延

平字然嗟輕一言縱橫託深意勿作羊腸悲且  
馳千甲纜

衛川發白馬散下綠楊堤醉別關山月歌傷白  
苧詞樞江猿掛影皖嶺桂橫枝定有登臨興題  
詩慰我思

送顧聖少游楚時余將往金陵三首

春山送行子春艸惜離觴不盡孤雲意徘徊古  
道傍望々荆門曉悠々郢樹蒼此中滿高詠遲  
爾寄江鄉

迢遙巫山陽曾佇神女節君今過此地坐見綵  
雲滅葳蕤瑤草芳窈窕翠華結為我一致之沉  
念紫煙別

君作楚鄉客我為吳會嗟別離在造次杯酒更  
相斟鳥逝清泥浦猿啼白石林感茲無限意引  
領各霑巾

宿蘇門山夜懷王龍池別駕有詩未就因  
追之以此

昔登蘓門山獨發孫生嘯悵念青霞人披襟可  
同調落月照林薄迴風吹海嶠相思轉陳跡俛  
仰憶悲眈

造金陵登魏武讀書臺奉別李覺齋丈

魏武建雄圖虛視何壯哉祗今霸氣盡空餘讀  
書臺登臺覽四野蕭瑟悲風來饑鳶獵平楚寒  
狐鳴城隈林木鬱蒼然煙霜日空推咄嗟此山  
川千載埋雲雷我亦慷慨人與君遠追陪酒酣  
拂寶劍肝膽歷然開遙望南溟間鯨鯢滄波頽  
相顧起叱嘯坐使風雲迴揚僕擁樓舡聲名冠

崔嵬富貴吾自取他人徒驚猜投鞭自茲去千里騎河魁

寓譙郡宿魏武臺下贈羅汝龍

漢帝滅金鏡靈氛躋中原山川忽破碎海水目飛翻蚩尤拓大旗時拂紫微垣奸雄竊神器霸王氣并吞平臺起嶮嶂西北眺陵園千載乃邱墟秋風散雞豚爾來值歲暮感此摧心魂託宿茅屋下偃仰徒自論中逢豫章客夜半延青樽酒酣起視笑飄然虬鬚掀開口復縱橫歷陳

萬言宛若若黃河流湊滿決崑崙然喏在一時逸氣驚鴻鵠遠望江路塞蠻烽照天門誓欲指雄劍直斬南溟鷗而我豈不能與君同騰騫風雲者未合且復侶猿猿陰符掩玉匣寶劍藏塞璠拂衣一長嘯高風振丘壘水流還大壑日昃仍朝暎詩子乘景運一灑清海渾

別李希賢

誰城冬日白渴水陰雲垂與爾經別地相看淚濕衣旅思隨鴈盡鄉夢逐潮歸芳草他時滿令

人寧久違

贈紹易殿下二首

鳳凰巢玉樹翡翠集炎洲自非鍾靈匹孰能從  
茲游副君懋明德端凝無前儔動搖瑤華童光  
暎西龍樓以高賦蕪薄愛士開瀛洲桃李散苓  
芳圭璋次員豈歆佳遇良在茲清風安可牟翩  
舞公子千載誠足羞

撫劍發孤嘯振羽翔林薄西游古鄴城僂俛興  
著作日夕侍彤廬凌晨登綺閣虬顏希再覲虎

變驚一愕謬承瓊珠音恍若煙氛郭感此國士  
心屏管汨雙落駕言旋故鄉因風達魚鱗

冬夜汪北津郎中過濬索詩因以此贈

霜霰驚嚴夕初月照林杪鼓吹入寒城雙旌來  
遠道清飈何悠揚拂此幽垣草色淒以腓澹  
蕩望春輝早晚矜餘顏永承瓊樹枝聊此奉微  
音庶以昭寒微

過內黃宿圓上人講堂兼呈張沅洲太守

寶樹開五葉輪風發光綺圓公棲碧巖戒得清

蓮蕊延我諸天竺說法雙樹底玄談莽浩曠恒  
河沙彌二十年始鏡澈澄心見秋水靜卧薜蘿  
寒彷彿夜中起仰視天漢端涼月掛玉壘魂清  
境亦寐萬慮俱頽靡顧彼下世士紛華競鄉里  
何如虬溪客妙悟參禪理

冬日獵射畢同艾瑞泉送子擢挈酒藉草  
坐飲醉後作此

寒風吹林薄白日愴以黃呼鷹登高臺走馬碗  
石岡狡兔起草間裂腦厲秋霜割鮮青山隅藉  
草傳羽觴落葉入我杯細々波悠揚平楚正蕭  
瑟感此情彌長雲中恣天驕胡塵暗邊疆殺將  
屠我城主辱臣未僵徒令哂千秋何以慰遐荒  
合當捐微軀雪恥左賢王

讀史

孔明昔未遇然守幽獨蓬蒿深沒人高風滿  
山谷時來乘雲龍天人播芳馥三分割梁益伯  
王氣始肅斯人已云亡千秋仰光躅感此傷我  
懷臨風一痛哭

秋晚赴井汲水採野蔬供飯

衛霍富華屋原憲隱蓬蒿物理各有適而我甘  
鴻毛靄々秋欲夕踈葉鳴林臯開門忘所事瓶  
甕行自挑素練汲深寒何用扔桔槔攬水採藜  
藿灑濯西城濠豈曰薦玉盤慰此饑者勞併日  
偶復爾欣會忘紆陶歸還讀我書杳然青天高  
俯察寒蟄唵仰視雲鴈矜萬化紛倚薄吾生安  
足騷如何綺紈子失路增悲號

雙唐賈客詞

雙唐復雙唐白石何堪之笑殺新安江水深清  
見底君家任新安松蘿帝翠巒年々隨海舶歲  
歲定之長于長于風色苦何如向陽武袖隱博浪  
錘椎擊蕩棄主胡商自古雄多在塵埃中使君  
禮未信請看陶朱公

贈董明府迎侍四首

皇阪多麟趾天池必龍翔明宰乘兩鳥列宿動  
精光閉閣鳴絃琴沉思遠高堂噉々林鳥悲悠  
悠風木蒼撫枕夜五起慕愛結秉腸詎言何造



事白首冷黃糧

昊天列光景清輝縮赤縣少微垂高雲婺彩明  
河甸眇之寰宇間習之祥風煽茲匪巨孝蒸孰  
能撥靈變回頭語中厨大養非珍饌持此金石  
開會膺紫泥眷

壽之山上雲油

之 礪中微既波寸草莖宛映二

春暉仕漢信亮節游楚傷方微物理尚可參  
邇相因依陟峻揚哀音白華播芳輝藉以準時  
哲千載將同歸

昔聞荀太尉白髮能孝養英風邈海隅至今復  
清響鳳嘯必倚梧麟游非草莽託跡豈不然寄  
心且遠傲合符一術間總轡萬事長所以不匱  
姿垂聲得侑儻

喜艾子紹生子作此

天馬來何處本自濯龍媒蹀躞關山道黃雲萬  
里開歲晚將名駒矯之非凡材長鳴噴綠雪噬  
膝眠紫苔神駿一何爾倏忽遺纖埃異時獨不  
元飛上昭王臺

題王龍池彭錢圖兼壽其嶽東谷

安期留主舄王喬御飛鴻  
壽命偕元始精神茂  
華嵩展玩瀟湘幅愛茲方  
瞳翁焚香紫苔石揮  
手白雲空六龍且按轡  
乘汝游無窮君家泰華  
老意氣與此同身騎綺  
鳳凰飛出秦王宮三月  
初度時簫鼓迴層穿環  
珮出洞房清切鳴玲瓏  
既稱瑤池飲亦薦嶠家  
能佳哉良宴會千歲成  
始終持此夫人意遠謝  
石樓東

寓目水石藤樹人物

青天出片石木垂寒藤下有太古士姓字不  
可稱瞑坐游九垓元氣隨所乘恐是無懷民  
野車避朝激人生苦勞役視此將無懲方為  
槍榆鷄何羨天池鵬

陪成臯王太虛觀齋居感鶴至

夏后騎兩龍上下扶桑津青陽登帝臺俛仰觴  
百神張樂豈洞庭感忍即精裡玄鶴西南來盤  
舞紫霞宸清響落雲間指顧環河濱重華未云  
遯大孝方此倫

鄴下贈吳山人間官軍與倭戰不利

慷慨燕市歌蕭蕭、易水風至今多感激嘗摧壯  
士衷鄴中逢吾子正值風塵裡劒歌為爾開一  
語肝膽是西北戎馬喧東南海水翻爾我俱草  
莽誰能期報恩白馬河上馳翩翩欲何為三軍  
氣已死主將無復知君有魯連箭赤羽不肯見  
請為約矢書一解聊城戰

送吳東石還蘓門

少年負意氣六谷游長千里八月秋風高揚帆下

江水江水復悠悠送君臨清州臨清花月好  
障帶珠樓誰家妖冶女彈箏口散舞忘却湖南  
商無復相思苦相思能幾時還家定有期  
芳桂樹攀取最長枝隣兒問野叟椎牛勸美酒  
夜深起相視君鬚近長否輾轉東原游思君不  
可求魂夢一見之多在石湖頭

重寄內二首

青山橫東廓白水流城西欲濟微舟楫緬馳步  
丹梯唯當見明月相思俱沉迷此時遙相望知

汝流玉啼浮塵暗芳鑑蛛網生蘭闥一身在重關  
公翼垂沙泥汝非蔡琰人長跪解羈縻好為小  
鬼女傾心聽天題白日有返光出雲還舊路會  
面秋風前勿作頻酸嘶

天運無停機陰陽多反復起家籍儒術穎汝伶  
金屋詎云罹羅網鸞鳳各離群鹿門貌難嗣舉  
宗徒空聞羅幃歇春風玉砌生芳草觀此傷未  
顏誰云未成老重關不相見無奈別離心精神  
非間隔何啻結重衾你書謝美人淚濕瑤華字

霄鴻一致之為予問顛顛

七言古詩

奉答楊六坡推府隱居見贈并序

余讀書浮丘山性癖山水負烟霞之疾嘗披  
覽匡廬圖跡巖壑之盛侈有飛志遐思飄然  
如在五老峰下雲蘿翠壁掩翳錯疊左右外  
視形骸不知我為何如人蘧然也因慨然  
太息天下高明之士何限物相羈縻其誰相  
與放浪天地之外眇萬物俯八極瞬息古今

包舍宇宙也。嘉靖乙未固原楊六坡以大  
名推府謝政卜居浮丘之樊治亭榭花竹水  
石與樸人相往還余每過之便有高興佳作自  
謂匡廬之志雖未即遂而談玄吊隱亦足以  
渝洩一二蓋吾人胸中自有山水何必攀蒙  
茸躡峽巖而後為高致哉。辱六坡草堂詩見  
贈遂援筆奉答聊著雅尚若木瓜瓊瑤之報  
正不必論爾

我昔住青都玉樓楊紫氛靈妃散天花把弄坐

層雲肌膚瑩々婉冰雪孤嘯常隨鸞鳳群  
常辭九萬里帝樂仙音那打聞  
草白雲紅入天台道桂花流水泚  
胡待終老遙望匡廬歎九天屏風九疊石磴旋  
香爐返照赤霞晚雙劍迴空白日懸雲霾四塞  
龍虎睡嗟峨一逕猿獠前陶公煉液呵赤雷李  
重還陣躡紫煙長揖謝世恣同往綠髮方瞳列  
上仙青點卧聽松風歇起向山中弄明月獨立  
蒼苔空九州漠漠黃塵毀金骨聞君獻賦長楊

官飛章絡繹四海雄光輝燦爛動明主天書降  
問恩隆崇風塵倏倏解空組歸去滄浪作釣翁  
結廬小傍浮丘巖幽洞巉巖蒼翠簇清風臺倚  
金露寒白石橋連水清泐當堦竹引鳳凰毛背  
戶青松多麋鹿婉如匡廬落我前便欲因之借  
休沐夫子值山格氣豪秋來興與南山高寄我  
五花雲錦字讀之飄然若雲翺自慙才非廬照  
隣敢與楊炯為仙曹楊廬千載各一時異代風  
流如有期為君倒囊彈素琴清商繚繞陽春辭

歌罷拂衣五陵去明月青山湘水湄

秋夜望雲旅懷

秋來五色雲在眼浮花蔓草相鮮新天空似是  
巫山繞日暮更與銀河臨凭欄久望待不至修  
忽變化蒼麒麟麒麟衛川冥冥在何許我音乘此尋  
歸津終然翻飛不可去棄我還從銅馬塵

贈別李性菴還任丘

燕郊十月飛胡霜臨岐送子各盡觴腰間笑解  
延陵劍雪花墮地蛟龍翔都門佳期那可顧相

思開遍三花樹歸時倘遇浮丘公為予接引嵩  
高去

送崔秀才南還

孟冬送客臨沙浦蕭蕭風動薊門樹驂馬啣轡  
不肯行一鶚南飛過天柱燕臺擊筑且高歌青  
罇酒盡紅顏酡五更鼓角星可平看汝騎馬凌  
天河

長歌送王翰林盱山還保定

國門識君與君遇夢游十度攀花樹朝寒未

彈琵琶暮宿倡樓聞曲度燕臺草色送春袍小  
苑花枝轉葡萄柳色偏濃金殿露鴛鴦醉殺後  
宮桃白馬翩翩過戚里笑指落花雙燕起遨遊  
不數新豐兒調笑寧知太宰詔別去開罇重酒  
籌春詞臬府倍堪愁白雲自散蒼梧影明月常  
懸彩鳳樓

贈別南田楊子還晉石井序

十五年余游京師馳翰苑獵文囿延師士之  
肆游勅冀野窮覽燕墟曰壯哉帝王之居也

西漢書西帝遇晉石楊子景新與之論皇帝  
王霸之要雄姿風發鼓劍悲歌慷慨泣數行  
下於戲士之負傑烈不羈之性曠世相感一  
至於此哉今年秋楊子還晉石因作詩識別  
我本衛州豪君作燕城客意氣各千里相逢在  
燕陌燕城燕陌跨京華青烟作帳銀為沙五侯  
龍馬耀金鞭蒼螭寶帶屈盤駕層城日出歌鍾  
起繡戶朱箔幌羅綺遙憶夔龍集鳳池亦知滄  
霧矜戚里笑倚青萍劍恥上黃金臺昭王非帝

曹樂毅自九材燕丹空有心荆卿徒悲哀白虹  
沒長雲易水不能迴瑤華翠葆浮雲沒錦石雕  
甍秋後伐古人已見覆蒼蒼今人空對西山月  
西山月出官殿寒坐愁白髮驚飛滿風雲萬里  
不相詩白義垂耳蛟龍蟠雞鳴開九關天狼若  
可攀勢欲請長纓擊胡燕然山長纓繫胡心不  
朽君去青山但揮手落日天風吹海波月明來  
勸一盃酒酒中慷慨樂事無據地酣歌玉唾壺  
晉石山川為君迂千巖萬壑來長途往日春光



懷我處奇花不盡相思樹葡萄露下餘空醅終  
日待君那能顧滄洲今已暮瑤草不知路欲乘  
黃鶴一問之為予淨掃南田霧

留別馮少洲進士

春風吹綠雪湖水生微波與君上河梁攜手哀  
情多此時客意難舉觴道傍楊柳鬱金黃欲折  
一枝留郢客柔絲冉、斷君腸斷君腸勞君顧  
離思眇、青山暮青山暮子傷我心我車南還  
執子矜贈爾愧無英瓊瑤倚馬聊為梁父吟

送友人南還

鳳凰樓外雲氣長青袍白馬生輝光送君千里  
促羽觴鳴箏清歌如故鄉相思明日忽分手誰  
把青驄繫綠楊

送人之塞上

北風瑟瑟胡馬鳴君今棄我何遠行陰山雪花  
大如掌黃雲出沒單于營萬里龍沙那可見將  
軍大小七十戰捷書奏入建章宮寄我雲中一  
隻箭

贈孟龍川二首

季布竟何罪緝捕搆千金介身胡越間南北任  
淪沉託跡魯朱家髡鉗奴僕心英風豈不特所  
思禍患侵主人誠多賢脫難青萍鐔權門一命  
輕鴻毛三士殺之費二屯虎畧詎能讐國難龍  
泉一日成鉛刀人心如風波凌徑眇難度遠此  
血玄黃雲雷何霹近思君若饒渴引領望瓊樹  
瓊樹瓊花別有天迴風吹雪繞龍川相思遙寄  
藤蘿月洗濯輝光待我還

又

白龍魚服游滄海豫且鳴絃不相待洪濤一悞  
失精靈而可乘空訐真宰海水東流渤澥深風  
雲漠漠杳難尋憑誰借與升斗水飛上青天作  
帝霖

五哀詩五首

學士抱執博綜典訓效業而弗鳩建辭而弗  
賓父殯母隕未就窆窆之事室饒而病二子  
交喪而不獲永訣待死園室哀孰加焉遂作

五哀詩其辭曰

有父有父濯塵纓棲栖遠在滄浪溟樵蘓不避  
芸且珩春泥秋雨淇門中泰山嶢嶢忽頽墮怒  
豕談熊立向我蓬蒿一望盡烽煙高樓喋血宵  
滄沱嗚乎一哀兮歌始發青天黯黯沉明月

又

有母有母思晨軒蕙帷縞帳泣且漣蒼梧渺在  
白雲間臨江哀竹心悽然慈闈一夕歸明月怨  
恨千秋那可歇何言寸草報春輝號涕苦廬毀

筋骨嗚乎再哀兮歌已列皇天為我開金石

又

有室有室在衛鳩蓬髮連蜷守空堵波晨不爨  
井泉苦布衾如鉄冷秋雨高堂灑掃心魂摧金  
車翠鈿空塵埃良人欲委長城窟此身早晚隨  
寒灰嗚乎三哀兮歌彌長寒風四起激清高

又

有子有子驕且冲西見如玉垂瓊英花翻蛺蝶  
純綺最意態婉婉雙冥鴻阿爺啣冤在網柵汝

心長望戚永隔桑樹那忘白玉環夢魂哭汝東  
山陌嗚乎四哀兮歌正苦回風蕭颯吹庭樹  
又

有客有客號秋旻十年不得逢陽春柴門反鎖  
蔡水濱前朝屈宋寔所親阜棧連翩瀆驥只出  
門十步九羈東燕郊六月飛胡霜漢史終然恐  
失續嗚乎五哀兮歌聲哀長江東逝流酸嘶

保定兜留別

沙麓風塵暗河縣漳水東流疾於箭落花別園  
誰可憐南去北來一秋燕汝曹自是中山兒垂  
首天雉識君面意气和期尙有無分首一言淚  
如綫南山峽岼秋氣高似與君情同縉春明蒺  
騎馬涉滹沱長歌遠贈北門餞

春日後贈王任菴五湖昆季

春日澹靄西日微浮雲流水爭光輝一雙白壁  
動燕趙光搖海宇青煙霏早聞妙譽今見之酒  
酣大叫心思飛幾時携汝尋滄海明月清風一  
釣磯

七夕

銀闈含秋星欲爛天孫脉、度河漢仙鬟玉珮  
那可聞佳人夜半開簾看階前月色起有霜獨  
坐穿針向畫廊東方日出烏鵲曉天上人間枉  
斷腸

送醫友還山

洛陽買畚逐世貧金華藏名四十春歸來浮雲  
變城郭矯手落花輕拂巾堂中會飲還賓友低  
戶雲光散罇酒暫乘白鶴謝時人會向山頭一

九日寄孟龍川

情昔登嘯臺蕭瑟湖海秋酒酣迴舞袖拂落桑  
柘洲青雲動蟹螯白雪霏金甌西邊坐笑如花  
妓吳鉉白紵飛清謳載駟入牢籠忘却山陽道  
菊花為誰開沈憂日東老此日長吟獨憶君嶮  
巖欹壑捲浮雲何處龍山堪落帽風流醉殺孟  
參軍欲託雙鯉魚錦字寄滄溟願君細嚼茱萸

南山千萬齡

寄謝逸人四溟二首

漢京詞賦多風雅前擁鄒生後枚馬四溟旅人  
與最豪馮軒落筆長河瀉醉中一別十經秋落  
葉滿之嘆白頭思君恨無黃鶴羽涕泗遙瞻滄  
海樓

又

水飛動凌三山巨壑出沒流其間人生風波  
如此颯々秋風凋玉顏魯連自是紫煙客個  
個長揖二千石一朝談笑解聊城東入滄溟渺

無跡

寄江員外南華

海若東游沒海濱白魚况非白龍鱗豫且鳴絃  
偶相值卧看鬢鬣風飛黃塵謝君瀉與天河水乘  
之免作涸轍鯉他時雲霧或悔冥海底啣珠報  
知己

襄國飲鴛水野亭奉懷張墟山明府

秋盡野亭鴛水陰平沙落日青楓林寒花爛熳  
不卸愛霜風一墮柴門深我來對此沉吟久况

是嶺山別離後何處浮雲晚未還散愁且醉襄  
城酒

贈李山人

朝登崑崙丘遙望煙雲海三山凌灑茫六鼇今  
安在昔時中山衛州卿身騎白鹿游紫清仙人  
一去不復返霄漢空縣千載名白日無回輪紅  
顏易頹老何如忘天游山川事幽討萬里擔簦  
尋冥髮烟水漫漫幾超忽乘時小憩蒼梧雲因  
風復美蛾眉月蛾眉月出照海湄夢裏猶聞猿

鶴悲傍人不識君所為白馬青袍一笑之君胡  
不解清溪囊示以瑒鏘五嶽辭

贈張長公鳧墩五句四韻長公割股愈疾

蜀山萬里青雲迴鳧墩縹緲起浮埃霜刀一拂  
金石開清風獵獵不可見憑高西望心鬼懼

再贈張雲谷

僕素聞雲谷自旅次與之靡談遂神醉宛若  
登羅浮涉洞庭泛彭蠡尋子孟門雲霞靄映風  
思飄然蓋奇遇也巳同謝四溟田莘野約為

小律今不暇待先作此見情云爾

昔聞金陵地乃是帝王州冠蓋六朝賢名與青  
雲浮往事千年不可道別苑離離長秋草酒中  
慨此復露襟落日翩翩送飛鳥今時再見金陵  
豪白疊小側薜荔袍凌風起舞鄴城月長呼興  
比南山高四溟情同五嶽雲莘野詞流三峽濤  
雲谷此時發意新開卷調笑如有神萬里煙霞  
起胸臆驚翻白鵠翔麒麟飲我催詩酒倒却頭  
巾君身孰與情似是洪崖隣早晚笑携盧敖  
去坐看滄海成埃塵

登西城嘉禾樓重送張壚山赴部

高樓西望紫空煙南風渺々吹河船碧沙細草  
遠相送一夜飛過黎陽川驚魂如縷隨君還恨  
無雙翼凌青天魏闕霾陰雷隱怒灞水橫波不  
可渡此時揮手重堪悲千里相逢未有期燕臺  
倘值悲歌飲擊筑先尋高漸離

送李滄溟太守入覲

襄城太守濟南客夜發雙旌搖海月城頭箕尾



超天河城外征人吹曙笛父老扶杖前致辭太  
守此去人皆知內史親傳大官饌野人共拜甘  
棠祠黃霸功名何足數公車詔入鳳凰池

送陸明府夢洲入覲

爾時登眺黎陽山松門蘿徑窮追攀昨夢巖花  
散幽色彷彿百里開心顏覺來欲往無時間思  
君玩弄雙瓊環天寒日暮愁蹇產漳水橫波龍  
轉眼浮雲北向但高旌海嶽驚看壯此行異日  
望君不可望好將書寄鳳凰城

雪霽後過周紫泉山堂

紫泉山堂在何許衛溪東岬蒼山麓青松偃蹇  
雪意寒孤光晚映琅玕竹紫泉調笑宛在目亂  
雲竒壑相縈觸我欲於此傾醺醖開襟醉卧青  
山屋絕境幽森不可留野狐夜叫猿嘯秋別去  
長懷紫泉客滿林楓葉吟風

詔獄結後書情敬呈王龍池二府兼致謝意

蓬萊出海底金銀樓閣浮空煙蓬萊仙人與我  
語授之赤明玉字瑤華篇長跪讀玉字五內發

金蓮欲持紫腦訣常送上清仙上清一去無窮  
已回風吹落長河汜晚將詞賦上燕京遂使明  
時笑巴里北關風雲不可期歸來小卧青山垂  
竒峰秀壑常相隨千巖度盡松風吹馮高把酒  
叫明月桂魄蟾影皆參差醉尋劉伶頌醒詠阮  
公詩泰山雷霆何足有淶水洪波可戲之烈々  
雲間鶻脩々蓬下鷄何意見相猜唯此血吻患  
羽毛灑平燕骨肉不敢盼園墻一去幾時回  
花坐見十三開青春憶月秦人洞白日呼霜夏

后臺我欲乘風震天鼓前擁修蛇後禦兪九江

濤湧未是哀太行輪摧不言苦東海陸公真神

明決垣掬鎖縵長纓古泉揚馬連章入制可始

放南山耕生來感此國士遇何限千秋萬古情

入門一笑復何有女會縫裳妻白首竈下尺薪

貴於玉盤中粒粟皆瓊玖惟有林頭劍鋒在夜

夜精光射牛斗射牛斗詩張華神物詎肯終泥

沙不然飛入延平津今者蛟龍昔鏤鏘鏤蛟

龍孰可判明公義氣通霄漢爾時我為八幕賓

贈之豈惟青玉案霞杯綺食飽我心至今側身  
倚增嘆東風嫋々沙草春衛河綠水波龍鱗欲  
將輕棹尋仙館其奈楊花滿河瀕楊花不可亂  
河瀕不可極待余攝衣起舞龍門前坐客滿堂  
驚太息

羸女鳳圖

秦臺明月下照見乘鸞女玉簫聲不聞絨情空  
復許相思何處憶離群欲報佳期隔綵雲懷中  
知有瓊華字衣衣清光獨映君

送郭侍御劍泉謫永安松栢圖

蒼巖鬱々長松樹石甲龍鱗挺天霧雨濛濛沉  
絕百秋似與君心同歲暮君今謫宦永安城闕  
海愁雲日夜生會待明時宣室詔定從江浦望  
雙旌

春夜與吳山人飲穆前江宅梅妓彈琵琶  
不至

我昔美月沅湘浦靈妃飄風鬼瀝雨遙看江上  
巖峰青寶瑟如聞心更苦春風小落前江家萬

開玉燭燒殘花青蛾何處不相持北堂一曲空  
琵琶琵琶聲已歇空餘胡地月黃雲塞前水北  
流霜風夜嘯猿狖秋古來蟬鬢已并寬何處此  
夕獨生愁不如與君飲美酒披襟一笑輕王侯

贈陸莫洲古琴兼以詩寄

朝讀夢洲書暮望夢洲樹思君不見君徒向夢  
中遺遺之綠綺琴不語可知心早晚與君微為  
宣白雪音白雪陽春古所稀自憐素髮老柴扉  
乘風寄語豐城劍看爾輝光徹太微

瓊瑤集卷之五



黎陽盧 杓次撰著

同邑孟華平明瑞校

濟南張其忠伯蓋梓

雜體詩

伏雨嘆二首

陰陽薄溼雷雨急江峽出雲溪夜喧烟霏似與  
秋色遠黃鵠垂翅愁飛翻九壘溷穢不可住晞  
髮陽阿阻煙霧東走豈應還問津回頭變化空

棗樹

山雨下澍白紛紛憑高莫辯牛馬群江寒自駭  
碣石浪日暮猶合蒼梧雲破厨濫釜煙水黑玉  
盤金鯉無消息直欲上天叫帝閭閭九重恐  
顛踣

史平臺夜宴詞

漢史玄以宣帝大母家封為侯於外家親居  
多得賞賜簪貂弭世寵溢內外明浮丘山人  
作史平臺夜宴詞

高堂膩燭嬌紅春麝爐掣鎖銀麒麟掌中舞袖  
回金縷背後落花覆錦茵夜半歌鐘起洞房繡  
羅香暖對鴛鴦旋徵玉鴈排箏譜復弄梅花近  
笛牀繡額紅衿真媚嫵隔簾彷彿調鸚鵡喚回  
滿座鬱金香鮮紉銀絲出翠釜雞人夜唱銅龍  
瀉內監忽傳進挈馬絳綃雙引貂襜褕長秋門  
前馬不下北風吹山海水移世人見此復泪垂  
寶玦香車俱莫嘆金掌仙人已辭漢

苦寒吟

北風怒號河水折鑿冰慘淡鮫人窟琉璃應手  
忽破碎天吳回首蛟龍血錦鱗撲刺入豪門盃  
刀玉釜飛紅雪馮謹夜坐食無魚彈鋏高歌氣  
未舒方袍着凍冷如鉄嘯嘯霜霰攢兩眉星火  
不燃寒欲死皮襦肉裂老無齒誰能醉解驕驕  
裘別有權家會戚里苦寒吟苦寒之吟不可聞  
古來傑士多餓死何必垂首涕交紛

杜鵑行

杜鵑西飛隴水西羽毛搖落隨山雞雲空萬里

不得去藤蘿掩鷲青烟梯當行鷓鴣向我笑鳳  
凰不與同羈縻舊日同林鷺與鷓鴣怒目烟視秋  
水畦東海汗漫稀有鳥尋我三年窮路迷知是  
杜鵑向我拜血泪不覺滿面啼口不能言臆相  
向似欲遠引凌崑谿四郊翠且夕隱壘獵火燒  
天喧鼓鞞寄語燕山胡鴈婦慎勿往恐穿金鑰

快鵲行贈盧潭城宗弟

快鵲快鵲南山擊鳥北山灑血朝發秦隴暮宿  
荆越凌厲橫視遊翔恍忽蜩鳩搶飛榆枋間仰

面血視無好顏人生得意且快鷓何用悠之長  
閉關翟公昔在蓬蒿下萬里清風減高價君今  
慷慨躡長雲藉之芳聲四海聞楊雄欲獻河東  
賦司馬先傳喻蜀文醉吟快鷓行醒啣快鷓羽  
願君化作天池鷓莫學快鷓棲巖樹

黃利黃謔

黃利黃之利黃之河岸上洗衣裳黃河流水鳴  
湯之樂時流到我家鄉

次童謔

山東綺雲雞刷羽來山西到處潛飲啄河梁借  
羈棲江鶩野鶩欺子客怒目血傷動相扼紫翎  
蹉跌金距愁碧葉輕翻香稻秋不如折翅歸故  
鄉五更明月啼山仁

嶺岷謔呈張嶺山明府

朝乘五嶽鶴暮望十洲雲尋山不厭嶺岷遠笑  
謔嶺岷入紫氛嶺岷名嶽天下聞巴江前繞接  
氤氳翠屏峽巖斜軋架萬丈玄猿夜嘯臨江濱  
馮夷水仙何超忽凌風起舞嶺岷月蒼藤翳霧



看不見欲上壚岷苔徑滑昔聞天台山峒峽摩  
 天關赤城起霜色王喬時來還洞天已與壚岷  
 別為說壚岷生汗顏壚岷謠々且遠仙茅千載  
 留靈根玉葉金葩待君飯君意詎可論恍若岷  
 山源瀟澗赴溟海聊可比君恩生來未識壚岷  
 路此身幾日登壚岷壚岷謠々未已早晚化為  
 壚岷原上之青松常倚壚岷望江水

芒履謠

蒲葉青蒲花黃為君採纈結成雙隨君步履入

廡廊苧羅山下君不返恨殺吳王輦路長

修武行贈李主簿

君不見修武城邊日欲暮西望岵嶢漢京路驛  
 樓閣道迥連雲花巘葉潭車馬駐車馬駐聽修  
 武歌裊々秋風度黃河客懷衣上霸陵雨鄉思  
 夢繞新豐蘿乘時小作修武尉披襟靄々流仙  
 氣自言節操凌南山直使風聲排趙魏使君稅  
 駕是何年日飲醇醪高枕眠山鳥隔簾下廳事  
 對客髮鬢鳴寒絃城頭角聲星滿野城門落花

隨去馬谿澗荒茆留使君天風繫馬棠陰下父  
老垂涕前致詞使君到來人不知今年詔書蠲  
租稅頃更還見承平時憶昔少年為君舞共憐  
修武西山樹即今望樹復憶君悵嘆雲霄歌修  
武

信陵亭行贈張幕史

昔聞魯公子乃是信陵君劍氣連秋水英風邁  
長雲堂中愛養三千士玉袍珠履何繽紛信陵  
一去千載堂中冷無一人在空餘城裏信陵

亭日見黃河走東海信陵亭右送飛鴻豪士  
誰張長公亂鬣瀟灑眼如電論吐何啻垂天虹  
身騎宛馬銖花馳霜蹄決裂耳生風四顧已無  
南海尉一心要城黑山戎朝發夷梁津暮宿黎  
陽渚軒蓋狹廣路翻々皆龍舉春風澹蕩吹羅  
帷宛如淶水道花池異代風流今有此若問信  
陵那可知

樂府

出自薊北門行

翻、羽林兒少學龍虎韜旂力過賁育英風擁  
行旄展藝萬人誰上馬盤弓殺怒揮魯陽戈倒  
刺寒潭蛟腰縣繁弱弓仰射太行獠北出鴈門  
塞從軍樹奇勞占轡李輕車應暮霍嫫姚羽檄  
動邊序烽火無昏朝分兵救廣武轉戰龍城郊  
投鞭瀚海渾結陣陰山高朝擒左賢王暮擣單  
于巢掘塞亘萬里奪旗列千遭胡霜飛玉關漢  
月照銀袍疾風影雲旂黃沙驚馬鏢天寒角動  
勁墮指如翦蒿豈不懷金閨畏此簡書遙仗我  
報明主殺身誠足要

前有鑄酒行

春風吹冰搖淥波春日輝、上翠峩悠、簾幕  
捲芳草細、落花嬌綺羅胡姬燕婉顰青蛾促  
絃急柱為君歌海水東流逝不返君今不飲可  
奈何

子夜吳歌

燕花敷錦繡楚舞醉羅裙明月空悲妾白雪常  
似君不知道海上書信幾時聞

鏡臺倚新粧羞復畫娥黃羅衣蕩絕色落花空  
故香登高聖帝子蒼梧雲正長願托雙鯉魚錦  
字寄沅湘

懷仙歌五首

巖崙山勢倚天嵬弱水千年四下迴花開王母  
三桃樹雲擁周王八駿來  
蓬海城高十二樓金銀花發近仙洲玉童贈與  
青藜杖天女邀乘白鹿遊

綠鬢雙鬟白羽裳  
無人識自騎羊宜時背癢  
尋仙侶願借麻姑指爪長

丹崖石壁渺冥冥鳳嘯鸞歌狎廣庭王子吹笙  
應有待相思遙寄赤松苓

玉樹長攀有所思仙人遙在海之湄木公醉飲  
千鍾酒瑤姬齊唱萬年詞

碣石篇

蓬萊東望橫海水白波如山幾萬里巖前琪樹  
叢葱青遙見仙人綵雲裡麻姑欲過來何遲手

把青都綠玉枝願將此物寄南嶽相逢重獻萬  
年詞

隴水曲

隴山當面起隴水向西流中含妾墮泪幾日到  
涼州

涼州樂

月氏穹廬夜秋風起暮笳胡星沒鴈塞漢月湧  
龍沙露滴葡萄酒天寒首宿花從軍莫浪譁轉  
戰屬輕車

怨離行

長安二月紫陌競朱輪秀色金閨婦鉛華珠  
泊春綺紈縮離魂逐鞅馬自逡巡青鳥銜瓊書飛  
入赤城闔日暮荷寵歸文犀銀麒麟借問此阿  
誰大國猶與秦憶昔嬌小佇蘭房刺繡五紋雙  
鴛鴦星河織錦度明月天孫剪綵分雲章願將  
賤軀開天笑夜逐三星宿未央未央樂事多莫  
春好宮女妬蛾眉容顏日衰老君恩從此  
棄妾青樓道青樓大道繞秦川鳳管鸞絲徹

九天太液紅蓮初映頰瀛洲綠草已繁烟妾情  
恍惚如昨日那知恩斷韶華年夢入彤樓夜金  
壺瀉春水彷彿接君歡晤言竟非是閨闔浮雲  
萬里遙雲旂翠葆徒相邀詎聞阿嬌貯金屋枉  
殺秦嬴吹玉簫寄語漢宮娃莫倚顏如花君心  
難自保棄擲終泥沙妾容已自落倡家妾心耿  
耿凌朝霞羊車竹枝待君御高唐雲雨空淫哇  
君王欲較妾長短請看前朝張麗華

枯魚篇

枯魚枯魚爾身自白龍誰使爾為魚一朝落泥  
沙鱗甲生長蛆嗟鯨鯢振鬚滄海吹噓三山  
簸揚冤罪爾罪維斯死亦何悔誰能借風濤作  
書上天帝雪此坳堂冤飛騰吸雲霓枯魚枯魚  
從此遯逝

折楊柳

春思結楊柳搖曳金窻煙東風澹蕩時吹落玉  
臺前溪閣別離婦感此心淒然沉吟毀青黛  
淚謝珠鈿攀條寄遠人引恨碧雲天微物豈足

惜長懷芳樹妍

怨詩行

秦成樓荒君未還楚鄉秋早妾摧顏日寄情心  
與明月相思何謝望夫山

丁督護歌

朝唵都護行暮唵都護歌都護逝不返妾當可  
奈何妾年十五嫁夫君銀轂珠簾度彩雲還從  
佳賓還四座刺繡鴛鴦五文高堂拜姑嫜清  
厨調菽水日旭供華饌香風動紈綺二十長子

孫雪煜滿高門頗偕伯鸞志叙此向平婚詎意  
良人從逮獄幽垣無分回天矚闔門骨肉盡草  
莽放室雞豚那能促桂帳蘭薰知幾時鴉鬢凋  
鬢為誰綠妾心死去無處所忍向何人說衷曲  
去年天使至籍錄葬良人中途不得語况復能  
相親今年一會面若墮煙霧身執手無別言但  
訴寒與貧淹忽歲云暮已非夢寐真東家女兒  
嫁商賈春去秋來不言苦何似妾懷常相思萬  
恨千愁忍饑窶落葉反本根歸雲常在山君身

陷羅網經歲不復還豈唯君坎軻所恨妾命慳  
妾非蔡文姬長跪解君死有女非緹縈誰能見  
天子一唱都護歌再唱情轉深愁多不為牛山  
哀淚下豈有雍門琴君心石知妾腸斷願化東  
南填海禽

少年行二首

長安俠客多少年醉歌擊筑南山邊相逢不避  
魯勾踐一夜擲盧得萬錢

又

長安俠客矜少年青驪緩步章臺道相逢欲使  
胡姬憐笑挾金丸墜飛鳥

東塘行

暮秋搖落金井煙瑤牕月出愁無眠請君四座  
且勿嘆聽我試歌東塘篇東塘春風樂遊冶寶  
帶綺盤驕白馬朝從狡兔上闌東暮闌金雞長  
干下儂家繡被金錯床逢迎七十紫鴛鴦生來  
孱小無人見艷着荷花嬌上粧錦瑟春生鳳凰  
柱翠袖香凝蛟蝶縷浮雲小駐緩聲歌花葉驚



翻垂手舞眄睐流波媚笑顏此時恩愛比南山  
那知輕薄易年少一別迢迢隔玉關儂心歷落  
如秋草西風吹折江南道江雲斷盡君不來會  
使蛾眉待君老東家買得錦鱗魚中有傳情尺  
素書君身亦是臨江客何惜相思一字予機中  
罷却流黃織為恨東塘波靄臆寄語春陸遊俠  
兒莫學東塘負傾國

鳧墩有序

鳧墩者銅梁張壚山明府兄長公也長公文

疾且篤醫莫能愈長公引刀割左股和藥進  
父病立已有司聞之表薦明浮立盧柙作鳧

墩篇

東觀岱嶽西引鳧墩偃仰怙恃有如子孫鮮鳧  
墩之容溫懿無他軫父之疴謹掄鳧里鮮白楊  
鑽之矯若龍翔仰天一呼烈石飛霜鮮實盡我  
父寧知我股盡血鮮以淪以釜鮮父曰予膏  
發此儲羨殆其有瘳欬如已醒鮮稚笋之薦江  
魚之膳昔聞太史今茲匪讚鮮荆蜀之鄉爰有

銅梁篤是異人刑我有邦

黃鵠篇題羅封君就養還萬安

君不見黃鵠飄過下太清  
天風接引銅臺城  
仙雛啣羽遠相慰  
嘯舞不覺烟雲輕  
玉珮瑤鐙何所致  
蔡之上刻瑤華字  
歸時持贈與盧敷  
萬里螺川恣游戲

相逢行

黎陽臨大道城北達城南  
相逢問令尹不盡傳  
三珠雪露杯椿枝綠  
春融萱草甜荀何千載後獨

此一清瞻

胡鷹渡海來篇

鬱律山上雲飄遙雲間葉々落尚有迟雲去杳  
難涉胡鷹渡海來將雛還飛去我欲因之執此  
鳥徘徊流涕不忍顧長跪折矢一語可方客子  
周游情同此傷天老介叔父母在幃雜珮繒錦  
珠瑁珠璣杖屨隊降窺秦桃源仙姿玉度埃何  
能言陰符畫設鬼神呵守至道不勝苔滋蚪蚪  
虞皇歷阪文后岐隰永錫爾類揚名中州

閭闔篇

春日照城隅佳氣紛朱柳宮女三千人雲光晃  
羅綺且卷珠簾開直待雲車迴玉簫吹行雲飛  
下瓊瑤臺瓊瑤臺畔仙妃舞鳳鳥唱歌龍袍鼓  
天風渺々動朱衣天女乘春散花雨綠萼花前  
細草茵玉階鏢斷金麒麟明朝騎爾朝上帝壽  
我四萬八千春

五言排律

甲辰歲張勣伯鄮西如覲京師其母太夫

人出中饋給囚囚感激述懷作五十韻

以謝

鳳曆開皇紀龍池憶紫烟青陽調玉燭白日轉  
幽天河朔風雲會漳涯氣概先諸公梁苑客明  
府漢庭銓沈宋金章籍陰何玉轡聯衣冠連日  
表精爽動星躔各應兆熊屯同操哲匠椎文翁  
兼化蜀郭隗始登燕五馬襄城野雙旌霸水涎  
夾輪雙鹿擾上漢一樣縣忠獎推王室金泥受  
帝宣吳公才第一賈誼席應前鄴善何無爾河

源即有馬疏名勒玉藻歸苑撒金蓮虎變谷風  
起鶯鳴喬木遷那微文伯母誰產范滂賢黃鳥  
空玄理閔睢德化全肅雍元啓胤聖善摠承乾  
壺臬慈文表襟裾風紀緣大家新著作劉向舊  
名編雨露含濡遠江河流澤偏吹嘘延朽腐哀  
痛及顛連粉署琅玕碧天牢桂玉鮮八珍真麋  
鑿五醢更駢闐蕞麥赤城外杯羹玄圃邊春盤  
行荏苒曲機坐連翩眉睫光初潤膏肓病即痊  
尚方虛擬賜陰室競朝憐小步嬰金鐵楊眉媿  
拘攣朶頤群僂側染指竭夫逵坎廩心仍切低  
回腹稍便循牆如喪狗冤頸似饑鳶慷慨期投  
璧呻吟尚縮肩搶嘯北向拜遙祝西華年少假  
恩猶乳翻思淚下泉二靈忘伏臘兩稚飽鷹鷂  
丘壠哀新鬼圖書鎖廢廬干戈嘗膽苦衰威噬  
臍眠故國孤魂杳他鄉白髮牽妻負嫌再醮女  
大恠施鉛放大因無食挑針作覓錢塵埋蒼兕  
劍蟲篆白菴氈氈釜從珠網幢幃或馬羈鬼神  
泣簡牘妖孽戲花鈿壯志浮雲去灰心苦葉煎

敢辭先苗螽為恨失騰騫雷雨龍門別風雷虎  
脊指徽纏多窘束撈楚替連連百轉傷心曲三  
年似禍悛傾危希造化早晚謝陶甄

暮秋承華主簿竹川饋飯奉謝凡三十五  
韻

衛上清秋暮寰中氛氣妙草湮康村國沙沒為  
王河瘠土分常貢蒼生病歲儺輓應梁地衣多  
浸漢江波盜賊緣邊罷喧呼動置因濟南鎮備  
傑河北待絃歌斷鵠揮虹劍揚兵就海嶽黑山

破膽白馬將橫戈山鳥行廳事芳顏藉酒醅  
圖書盤海出詞賦入牂柯荒阪時鳴驥黃庭或  
換鷺又傳驄馬客舊聽鳳凰珂敏察周窮儼敢  
憂達隱訛憐才無近遠業志征科中饋人間  
出殊恩天上過金城酥比練翠釜鱠兼和劑吻  
愁玄豹摧峰掣紫駝秋深沙苑菴霜落洞庭鮓  
細膩殷紅玉芳蕤淨碧莎那能雙玉筴祗辱綏  
金陀小食歆三臯迴思感萬疴嚴庭風鬻烈幽  
壘日蹉跎繫鴈窺前浦啼鳥想故柯通宵從罷

鼠入夜戲天魔燥髮紛難解  
睥肌厲可摩永懷  
天吏仗拭淚使星軻海運虛垂翅雲身早是羅  
襪憊愁正苦阮籍醉如何歲暮誰堪健風塵鬢  
欲皓凌虛疑海嶠曳履想岷峨謬望舒州錫不  
成彭蠡篆青雲思桂樹春月罷松羅猿鶴三年  
夢琴樽一夕俄明公寬節制雨露得滂沱犬馬  
如留齒神光報泰阿

七言排律

酬華大餽飯

班固大家能著作陸機英妙  
夔文雄兩都賦有  
凌雲氣擬古詩高曠代風馳  
馬罕通籍譽才  
舉應見古人同燕王臺館愁  
鄒衍晉室衣冠有  
阿戎書豈萬言天險峻飯傳  
一飽畏途窮世經  
豺虎催頭白路難驛驢灑血  
紅西哭幾湮秦帝  
關南冠虛憶楚江楓投君劍  
氣不得死猶倚崆  
峒百丈虹

五言律詩

山居

懶慢無人地經時景不違  
貪飽魚暗動涼水燕  
爭飛搗藥雲春碓移花露濕衣  
山陽幽遠好日暮澹忘歸

浮丘院壁

洞口春雲薄桃花一水香  
金壇煢夜漏玉盃出  
瓊漿河上仙人遠洲中紫氣翔  
何當看雙鳥為覓費長房

大名故城

魏郡遺空壘蒼々接水涓  
鴈衝斜鳥陣柳拂捲  
龍旂樓閣青雲恨陂陲白日悲  
北門無鎖鑰腸斷立郊垂

過邯鄲作

趙庭虛廟畧雄長竟誰名  
國破歸秦帝城亡插  
漢旌山河猶壯麗豪俠失縱橫  
回首傷心地春林轉暮鶯

送友人入秦二首

春日催行憶花明  
旅鴈還燕陵青嶂外秦樹白  
雲邊解劍酬知己  
傾尊倚別筵關河他日望芳

草思芊芊

又

整轡東辭闕還家西入秦雲烟三晉合風雨二  
陵頻鳥道斜連漢龍山暗度春壯遊看寶劍萬  
里歸妖塵

上張鄖西明府三首

燕關寒日薄漳曲早水澌白髮親聞暮青春子  
病危殷憂聞鼓角想像見旌旄遠識齊王相能  
憐越石悲

又

刁斗催嚴是石秋風蘓肺肝冤魂幽共語魑魅喜  
相親丞相何多畏將軍久失餐金雞應有詔  
謝一時寬

又

御史清霜鉞危腸結禍胎敢辭豺虎飼無異犬  
羊材魏闕書難上秦庭粟未回條風吹北極天  
意起寒灰

喜得釋獄消息



聞道真州信霜臺霽夕威春陽元自動草木已  
含輝妻子愁者在鄉闈喜不違遣心翻太惡俛  
首涕霑衣

即事

薄暮轉蕭瑟經心常苦悲驚枝鳥不定斜嶺月  
生遲冥思空林藪春雲時蔽虧謬言隨偃蹇不  
敢畏支離

戲寄孟龍川

近日浮丘伯曾將王子喬周遊乘白鶴接

青霄大藥留丹鼎天台度石橋不知千載後為  
爾一相邀

送張壚山還蜀

朝思蜀草綠夜見漢鴻飛溪縣青春滿山闌紫  
氣圍飲餘看寶劍歌罷弄金徽別去應相憶銅  
梁音信稀

喜還舊業草堂

溪即雲間住秋風送我還荷恩思聖主悔難自  
皇天臺沼看今日松筠去幾年草玄吾未老應

許萬人傳

登天臺山有感兼呈張壚山

天風吹斷壑秋色渺荒臺浩蕩江河去蒼茫日  
月迴傷心經絕險回首起重隈欲盡登高興慚  
余作賦才

眼闕口號上張鄭西明府兼呈吳少槐吏  
部李東岡翰林二首

際會驚何代支離過此生  
合情未敢求純綬誰能  
天聲十年當此夕天

地忽顏傾

天

獄久年三換刑深鬢二毛愁淹天畔日淚作海  
門濤寸草傷春碧慈烏近夜號感時思雨露回  
首望旌旄

聞吳吏部少槐哀僕乏嗣飭內入獄侍湯

藥四首

宓子彈琴日山濤謫宦時澤梁地禁網罟寡遂  
恩私未識洪鈞妙應露遺物奇周南王化遠終

不負金斯

又

落日低荒戍天風鎖禁庭正愁秋隴斷誰啓夜  
臺扁宜母苗堪摘王孫草尚青使君佇高駕引  
領濕長纓

又

天豈蒼々色川仍脉々流乾坤一物在日月此  
生浮巖考曾無壘哀殤已故丘何心望河漢牛  
女度清秋

又

晉室楹中散陳留蔡議郎彈琴神不去續史恨  
何長慘淡悲千古淒其滯此方翻思兒女意斷  
盡九迴腸

冬夜遣悶三首呈吳少槐吏部

醫氣浮銅柱霜威折玉衡愁看蟾影沒病與免  
魂清辭賦憎闕世存亡憶結纓鄒楊書再上人愈  
覺寸心傾

又

梧桐影紛、荆棘墻徐青侵鉄鎖不必落  
銀牀物色渾如此吾生可共傷那看聞玉笛風  
更清商

又

鐘鼓何相報誰呼促警齊仗嚴防落月杵罷淨  
鳴雞計過疑疎濶才輕敢怨攜漢庭循吏在何  
心嘆羈棲

哭董縣丞紳

丞疆幹任事清苦屬節有古人風壬寅歲長  
揖恤刑沈法曹抗救洗寃於柙居甚今茲  
往柙安得不悲故詩以哭之

十月黃河穩天寒素舸孤斷雲低不去哀鴈起  
相呼忽暗卽官宿虛傳太史鳧哭君重回首愁  
色滿蒼梧

又

列郡開方藥嚴墻阻別離蒼生猶有待此者竟  
如斯老去傷心地愁邊失望時玉棺誰為殮蕭  
瑟九原思

又

哀挽宜陽路銘旌汴水風青騾傳海上白鷗果  
遼東抗救邀天使鉤裁秉帝哀愚民痛一哭雪  
涕灑寒空

初月

雪霽樓空夕寒輕月欲明素魂升海上殘眺  
人清桂樹春應發蟾蜍夜自生傷心望牛斗

示外弟陳可

示外弟陳可

阮籍何窮執陳生已著鞭翔鷹秋始健宛馬血  
方妍不負儒林傳寧克弟子員五車如破的萬  
里看騰騫

送劉少尹赴興州經歷三首

宸極霑仙籍雙鳧別尚方何如魏賓客不減漢  
循良太府宜方器牙門足薦章材高豈伏櫪萬  
里見乘黃

又

潘岳花封宰陳琳將幕材檄文傳萬壘列宿見

三台悵望薊門路深懷河朔杯君王求駿骨待  
詔上燕臺

又

大府元戎騎長驅引萬群共迎劉記室喜得郗  
參軍燕月拂弓影胡霜綴鎧文知君閑廟畧一  
嘯洒天氣

秋夜奉懷王鳳洲比部

獨壘秋城夜長歌憶鳳遊帝鄉臨紫浦仙吹下  
炎洲早食琪玕樹西巢雲綺樓無緣近苞彩慰

此別離憂

寄上徐龍灣比部

相思木葉落迢迢起重哀瀚海雲初斷盧龍秋  
正來慙無國士報獨憶鳳城隈坐令生華髮  
風一痛哉

贈王少府封君水亭

長嘯下江閣披襟即水亭魚龍淨秋浪舟楫倚  
寒汀且失干戈苦還依社稷靈夜來看紫氣先  
滿少微星

贈王龍池別駕

晉石分青嶂龍池抱紫臺秋風動鱗甲白日發  
雲雷太液濤林陰昆明勢欲迴何當洗兵馬萬  
里絕氛埃

夏日同王大伾董右坡張壚山陸夢洲孟

龍川登大伾山覽黃河故道得温字

五月隨仙鳥凌風勢欲騫却思乘海鶴翻憶聽  
秋猿石樹穿雲冷巖花散酒温大河猶在眼何  
必問崑崙

西巖

西巖雙栢樹猶自倚青壇舊識洪河險曾經大  
壑寒龍鱗剝雷雨鵲榦瀉風湍回首思梁棟深  
驚際會難

題楊太尉揮金幅幃

歎憶關西老揮金氣尚竒江河流浩瀚天地眇  
端倪諫草危時恨亭皋絕代悲由來圖繪意不  
盡史臣辭

畫葡萄

漢使尋源後蒲萄滿舊宮如何尺素裏枝葉往  
時同滾露啣空碧搏烟射小紅誰能貯萬斛遠  
寄日華東

贈謝山人四溟

春桂綠華滋芬芳合待時君今餌玉葉聊以駐  
仙姿擬著三湘賦深題五嶽詩相期共方眼為

遊成皋王城南園見水石漁艇

不作江南客空餘江上山水同明月靜石似白

鷗閒仙徑松蘿外漁舟蘆荻間相看渾忘却無  
復佳人寰

七言律詩

出塞

城門伐鼓日欲墮西山返照入平蕪玉關秋動  
氣橫塞交河霜冷夜愁胡健兒風吹白豹韞將  
軍雪壓金僕姑晝傳羽檄連雲戍夜發精兵到  
海隅

慈壽宮



漢宮羅列倚雲霄  
鳳翥龍飛積翠遙  
東矚扶桑延日觀  
西連雪嶺入寒宵  
皇輿拜舞臨黃道  
仙仗繽紛覲紫朝  
諸將謾勞繁鼓角  
至尊今已奏蕭韶

浮丘精舍

衛河東畔浮丘高  
竹舍雲君隱鳳毛  
遂有文章驚董賈  
豈無名譽駕劉曹  
秋天散步青山郭  
春日催詩白兔毫  
醉倚湛盧時一嘯  
長風萬里破洪濤

書長春觀二首

萬里天風海水高三山不動  
駕群鰲青霄月漠漠  
聞鸞嘯白日翩翩見鶴翱  
巖下瓊漿留澗石  
山中瑤草寄盧敖  
懷紆金紫人間事  
日吹笙對碧桃

又

天門日出海雲蒸  
碧殿霞綃山氣層  
靈旒女吹簫  
乘夜月茅君騎鶴下  
秋燈金莖玉露生  
華髮紫極丹書接上昇  
緱氏山頭一揮手  
幾觀滄海變

山嶺

贈李金吾口號

漢家飛將李將軍三十承恩淨虜氛  
馬蹀金微橫翔氣箭傳青海動燕雲  
陰風漫捲賢王陣大雪長驅突厥群  
未信封侯縣鵲印已頒新使煥龍文

七夕

去年七夕登浮丘今年七夕客燕州  
仙槎獨憶銀河水桂樹誰看玉露秋  
葉下井牀驚別淚

吟花檻送深愁平生自信庾開府  
懷抱于今賦遠遊

挽楊六坡推府

草閣談玄不復聞山陽鍛後涕交紛  
十年辭藻漢京事萬里鄉閔秦塞雲  
尹喜傳經空汝待玉喬飛鳥竟誰群  
荒墳靜鎖任山麓日暮遙悲渭水紋

六坡關右人好丹液術客死於滌

除夜寓大名寄孟龍川

忽憶襄陽孟浩然風流名與太湖連  
沙村遠近

青春酒山舍週迴白石田何處梅花能媚頌他  
鄉綵勝舞隨遊思君獨步清漳曲吐書空只  
晝眠

古意

漢苑春繁鎖縹緲銀窓嬌小護仙葩朝雲裊  
行清曉落月娟見玉華湘女漫揮瑤瑟怨天  
孫虛憶紫烟槎使君五馬何軒豁佇望如端柅  
影斜

贈關中陳一泉廣文二首

漢輔金墉百二關千秋正氣鎖南山忠良苦憶  
蕭陳侶豪俊還生涇渭間會有文星通帝座坐  
愁仙履綴鶴班春官首著何辭長鳳階圭璋可  
待攀

又

魏闕恩光落上台龍門賓客會群材太玄無愧  
侯巴誦九辨何勞宋玉哀江漢秋容松葉澹宮  
墻春雨杏花開明時擬有石渠詔翰苑驚看補  
衮才

憶昔寄錢同野第

憶昔讀書住石城青山對落兩山橫江潭夜傍  
魚龍宿軒牖晨看日月生多病浸深溟司馬著  
書憂憤趙虞卿直盧舊約空回首腸斷清宵淚  
濕纓

宿沙口贈王北沙二律

谷口寒雲擁北沙柴門深鎖待春華楚騷自合  
千人誦漢水猶懸八月槎賈誼匡君頻痛哭揚  
雄識字著名家相逢媿我垂雙鬢潦倒青鐔海

口斜

又

魏郡西連沙口原故人高卧倚晴軒黃鷄碧酒  
須多事楚夢吳歛可細論豺虎空村當落日魚  
龍入夜湧孤翻自愁騎馬衝寒塞古木蕭森起  
斷猿

九日奉懷謝四溟逸人兼酬往日見寄之

作

鄴中辭客古今才千里秋深發興哀陶令行藏

只盡醉玉嘉容止獨清裁山黃細々團風裊園  
菊亭々滯雨開白首思君何處望烟雲苦憶魏  
三臺

奉和王大伾侍御題周紫泉東山艸堂二

律

石壁峻巖一徑幽澗隨杖履訪林丘嵇康不負  
山陽隱謝傅能忘淝水籌日落滄洲時佇望天  
寒桂樹且淹留徵書旦暮馳秋隴擬取高名別  
代收

又

海門秋動青壇楚天畔風高白草堂太傅松楸  
高下見繡衣旂節往來常窺軒細篠娟娟碧截  
壁孤雲裊々長薄暮翠微歸興懶豈隨流水一  
揮觴

震岡集留別

城關秋還白露清十年懷抱與君傾彈琴細憶  
嵇散痛哭猶憐阮步兵絕巘松枝元自峻經  
時花忘為誰明開罇莫負中宵賞別去愁看銀

漢橫

秋日懷錢同野

象魏獨憐秋氣清  
苦垂寬頸且長纓  
背巢寒鳥經年別  
出塞浮雲盡日橫  
鮑叔衣冠頽  
悵望彌衡詞賦已  
吞聲滄洲憶汝傷  
心極坐蒲鷺看白髮生

送林越山庶文之石城尹二首

粵海炎洲氣未踈  
高涼快爽此安居  
蔡彤有待殊方詔  
虞詡終收太史書  
茂嶺秋深送見鷓鴣

江水緩自生魚慎時努力加餐飯  
返浦看乘白鷺車

又

漢節遙分南海邊  
天風獵獵擁樓船  
蒼梧雲盡山如戟  
合浦春回樹若烟  
占歲豈應緣戊日  
兢歌何用勝于閩  
遐陬亦是藩王地  
賴爾文翁治化賢

贈徐少尹

昭嶠中山插泰清  
斷巖西影下層城  
彈琴不去

人吏散岸幘何勞官長迎  
絲竹土風今變態黑  
山盜賊敢橫行樗材慙愧  
河陽賦坐起青雲望  
弁纓

赴理大名道中感李有池惠粟之作

關塞遙憐霜露清  
燕雲漠漠鎖層城  
鄒陽不盡十年淚  
鮑射猶深萬古情  
秋水魚龍休悵望  
春風鷺雀賴生成  
酬恩欲擬愁難賦  
坐嘆空垂白髮莖

聞比部李滄溟出守順德書此寄上

漢署仙郎何處求  
高旌知駐古邢州  
漁陽久待張君淵  
河內爭迎郭細侯  
舊日石門曾拒壘  
此時銅馬莫輕謀  
畏途遠附青雲翼  
慷慨長嗟寄壯遊

立春前夜宴張壚山明府宅

城柝傳聞客子夕  
清罇一發便宜人  
巴江水汎雲邊臘  
壚獄天開雪後春  
避地衣冠從嬾慢  
驚時花鳥自逡巡  
愧知張翰留顏色  
擬許盧敖隱釣綸

醉後射魚宿羅山人草堂

南射滄溟十丈魚碧潭搖影動清虛太行遠望  
仙人嶂淇水斜臨高士居曉傍楓巖留客飯夜  
歸蘿徑即吾廬何時共策清藜杖為覓中山白  
鹿車

觀妓即席走筆

楚女東隣未是過秋來休似隔銀河香鬟小學  
平陽舞艷曲低翻子夜歌弄日鴛鴦窺綺幔偷  
春蝶趁花羅大堤此夕堪腸斷回首猶憐遊

水波

舊黃河道中有懷張壚山明府

黃河渡口舊飛湍白馬東連瓠子灘夏后山川  
餘斷石漢皇巡幸咽回鑿寒沙滾、魚龍動晚  
日蕭、鴈鴛乾慨古思君易搖落秋風更送紫  
騮鞍

贈羅月巖推府迎侍還萬安二首

漢京仙客知名早佐郡驚看漳水濱南楚花明  
萊子服西山樹送狄公雲高秋大澤龍蛇隱落



日寒江鼓角聞最是少微干象緯天風先報洞  
庭君

又

燕塞霜空萬木摧楚鄉烟淨錦帆回洲如白鷺  
天邊落山似青螺海上來孫晷蘭輿元水國曹  
家仙賦在銅臺南雲北渚休相憶紫誥金泥次  
第開

春晚將還舊業諸公送遠歎方冰雲以病  
不至作此留別

青春載酒尋君處君病春殘我亦回背葉流鶯  
愁對語捎泥乳燕恁飛迴烟雲莽々高歡壘日  
月荒々魏武臺醉裏劍歌時自放白頭還望轉  
堪哀

登南城樓有感兼懷荀前川

獨上高樓四望明海天愁色起縱橫黃雲不斷  
飛狐塞殺氣遙連偃月城未訝健兒能陷虜早  
聞白羽尚徵兵封侯知有荀公達好向中朝事  
請纓

五言絕句

山雨五首

日落石窓時  
林花起幽色  
不敢窺蛟龍  
雨渾渾  
影黑

又

朝看山作雲  
暮看山作雨  
幽人期不來  
踟躕望  
江樹

又

秋水作鳴濤  
瀉入秋山下  
大石橫絕梁  
小石流  
空野

又

峽雨晝不絕  
暝烟沉孤嶂  
徘徊山中入  
苔蘚生  
衣上

又

門前黃岡陂  
能長青瑯玕  
夜來溪雨惡  
流作白  
石灘

示從弟橋三首

鴻鴈隔春水  
鶴鷄宿淺沙  
翻飛共遲暮  
終爾棲

而五采段

又

吾家白玉樹璀璨已橫枝儘可參霄漢莫教傷  
別離

又

莫向蒼山宿倉山古木橫風動連枝影凄其傷

爾情

寄高貞菴明府二首

隴水鳴幽咽隴山不可攀何緣牽夢到夜々繞

又

隴坻千萬里悵望使人迷願作青鸚鵡能言向

隴西

七言絕句

別冀康川進士口號

秋風七月動燕關雲散金臺遊子還欲上高樓  
重愁思海濤東望阻天山

長春觀二首

殘象集

卷之五

三十九

瀛海青雲見帝丘玉光浮動五城樓茅君借我  
山中鶴飛上天門看九州

又

紫極清壇道士家閑騎白鹿弄雲霞蕭臺旂旄  
金光草春殿虛無玉樹花

青樓詞

百尺高樓掛彩烟錦箏銀甲亂哀絃夕陽欲下  
簾深捲望見西江萬里船

雲中曲八首

將軍羽箭射天山閃日旌旗出漢關夜月欲關  
青海嶂秋風先到白龍灣

又

燕岱河山黑水分胡沙北望接氤氳葉乾斜映  
龍山月碣石遙通魚海雲

又

元戎幕府倚天開將校星躔四下迴漢壘天成  
標漢旆雲州日轉作雲臺

又

高關塞頭殺氣橫居延川內少人行黃沙欲沒  
李陵墓明月長懸蘇武城

又

半夜飛書報建章交河新駐左賢王即今驍騎  
屯榆塞便發元戎出定襄

又

大將遙分西顧憂魚腸寶劍雪花流陰風漫捲  
賢王陣白盡曾縣克汗頭

又

黃鬚羽帽破烏桓丈八蛇矛血未乾胡馬盡歸  
元帥幕蕃刀贈與故人看

又

白馬青裘海上来自言家住古秦淮封侯未遂  
為人在沙漠橫行恐見猜

戲贈于山泉

楚王宮殿鎖寒暉瑤草金花匝四圍十二巫山  
覓不見滿天雲雨濕儂衣

贈衛川居士

衛川南望多白雲滄洲落葉各紛紛  
何時笑入烟霞去醉裏常隨麋鹿群

送王盱山還保定

君去青山挹紫氛我亦南還弄彩雲  
相逢美酒不成醉別處空憐落鴈群

秋興湯成六絕句

壁峭江深雲物明沙村秋氣轉初清  
出門散看雙蓬鬢醉舞酣歌太放情

又

天外晴山色不移苑邊衰柳駐遊絲  
沙平細履無人見恰似青春二月時

又

絕巘寒藤垂古月秋江過雨濕仙花  
柴門幽興尤堪賞徧遣銀壺賒酒家

又

當階松樹何楚楚點葉蒼枝已傲霜  
要須見汝作梁棟桃李春花休擅場

又

柴門反鎖對秋城獨樹花開眼自明但使濁醪  
常醉汝向來車馬不須迎

又

買茅藉宇非無地簷花澗石錯相鮮西隣野老  
憐疎放數借風亭涼處眠

衛河漲二首

河隍東望似東洋簸蕩中流日月光漁子舟人  
頻顧盼恰如五月下瞿塘

又

瓠子煙波橫九灘淇園蒼竹斬干竿何如此地  
風濤惡灑雪衝颺作海湍

寄孟龍川絕句

燕郊六月起秋霜地振山傾薄日光吁嗟風雲  
那有此黃金臺下斷人腸

西山集宴

山作屏風襟錦苔鳳笙龍管遞相催若非緱氏  
山頭飲擬有仙人海上來  
對勘呈吳少槐吏部

漢法終憐天地寬  
楚囚何恨歲時難  
肯教細柳隨霜死  
願借春光及暮寒

獄夜

城頭烏雀飛欲棲  
樓上驩聲四下齊  
一夜霜風吹不盡  
滿庭愁色使人迷

聞華從化誦李中麓樂府詞有憶寄上四

首

漢庭協律按新聲  
曲度梅花散月明  
拂拭青天垂手舞  
相思遙寄鳳凰城

又

曩倩西辭金馬門  
酣歌特地引芳樽  
海上長謠王母宴  
人間謫得歲星魂

又

東望山東中麓山  
赤城霞送主人還  
忽聞醉裏松風曲  
恰似劉伶善閉關

又

麟閣虛傳身後名  
琴臺賈酒自頊傾  
鮠沓結風成楚舞  
歌唵綠水勝秦聲



謝華竹川酒肴二首

淮陰市頭惡少喧  
胯下之辱詎可言  
漂母屢出金盤食  
白沙綠水哀王孫

又

燕國舊飲金盤露  
章丘今見玉壺春  
烟霞去住不相似  
笑殺中山賣酒人

宿沙河值雪同蔡百戶作此

南雲漠漠鎖天荒  
北雪霏霏暗北堂  
日暮角聲吹出塞  
沙河愁殺蔡中郎

丁未夢中遊王西軒園作是歲十一月二

十日獄吏譚遵令獄卒蔡賢答梅數百

以土囊壓殺之官覺之免

秋日園林一轉過  
桃花點點鎖空蘿  
歌聲漫逐浮雲去  
不覺霜風兩鬢多

憶內

蘇武霜旌辭漢闕  
李陵沙漠去無還  
舊時亦有金闈淚  
何似今朝爾別顏

贈內二首

蘇武匈奴十九年相思知在海雲邊上林鴻鴈  
啣尺素寄汝秋風玉塞前

君身似是杞梁妻玉貌絨情只自啼絕時哭到  
梁山月携手青雲入會稽

內寄衣

吳江白紵雪絲裙不惜春芳細艸薰玉手裁縫  
誰得見金刀一剪斷行雲

與張山人雲谷對飲言別

海上曾留赤玉鳥山中今見紫霞巖相逢輟爾  
各飛去颯々天風駕彩螭

代邊騎

驛子貫臂箭橫腰慣射山陰雪後鷗欲假金笳  
鳴出塞不知誰是漢驃姚

訪海月上人不遇

錫杖到來知幾日天花落盡鎖春山柴門流水  
不相顧漠々烟雲送我還

蟻錄卷之五終